

Ink

of the year 19

ԼՈՒՌ ՑԱԻԵՐ

291.99

19 NOV 2011 43

2-76

ԳՐԻԳՈՐ ԶՕՅՐԱՊ

ՏՊԱՐԱՆ ԵՒ ԿԱԶՄԱՏՈՒՆ
Օ. ԱՐԶՈՒՄԱՆ
№ 74

ԼՈՒՌ ՅԱԽԵՐ



Կ. ԳՈՒԼԻՍ
1911

13 . 04 2019

29784

ՀԱՅԿԱՍՏԱՆԻ ԳՐԱԴԱՐԱՆ



ԱՆԴՐՇԻՐՄԻ ՍԷՐ



Ա.

Եւ շրջանակով պարուրուած , սո-
 վորական ու ռամիկ պիտակն էր
 փակցուած հող պատին , վրան ա-
 ւանդական տապանովը որուն քով ծունկ չո-
 քած՝ կին մը կ'աղօթէ . վարի դին՝ ազգա-
 կաններու թուումը , ու թուղթին ճիշտ մէջ-
 տեղը՝ հոն ուր նայուածքները կ'երթան իս-
 կոյն , անուն մը , կարծես յատկապէս իմ
 չհաւտացող աչքերուս համար ահաւոր կեր-
 պով մեծցած , ամբողջ հորիզոնը գրաւելու



8441-81

չափ խոշորցած տառերով գրուած անունը .

ՏԻՒՆՆ***

Մէկու մը վրայ ունեցած յիշատակներդ ու զգացումներդ՝ որքան ալ մոռցուած ու անհետացած ըլլան, այդ անձին մահը իմանալուդ մէկէն կը վերադառնան ու կեանք կ'առնեն՝ ճիշտ ինչպէս ճերմակ թիթեղը լուսանկարին՝ քիմիական բաղադրութեան մը տակ յանկարծ պատկեր մը ի յայտ կը բերէ քեզի :

Այս բոլորովին անակնկալ մահը միեւնոյն ներգործումը կ'ընէր վրաս, ու մեղմիւ՝ անցեալ մը կը կազմուէր չնչին հանդիպումներէ, հաւնեղներէ, անոր անցնիլ երթալէն վերջը դեռ ետեւէն երթալու պէս նայիլներէ՝ կազմուած անցեալ, որ, պահուած տեղէ մը դուրս ելլելու պէս, յանկարծ կ'եղլէր ահա, մտքիս առջեւ, իր տարտամ ու վարանոտ գիծերը կը թօթափէր վար, այս կնոջ համար որոշ ու մեկին զմայլանք մը ըլլալը բացէ ի բաց խոստովանելու համար :

Ժողովելով, հաւաքելով այդ մանր մունր տպաւորութիւնները, բերելով քով քովի՝

սիրելի դատ մը ապացուցանելու համար զօրաւոր փաստի զանգուած մը շինելու պէս, պայծառ կերպով կը տեսնէի ինքզինքս հեռուէն, միշտ հեռուէն, քանի որ ներկայացած չէի այս կնոջ և հետը խօսած չէի բնաւ, երկրպագումի մը պէս դիւրքի մը մէջ, մունջ հիացումով համակուած, ամէն հեղ երբ կ'զգի գացող շոգեհասին վրայ կամ Բերա մեծ փողոցին մէջ և կամ խանութէ մը բան մը գնած պահուն կը տեսնէի զինքը :

Միշտ արտորացող բան մը ունէր վրան որ հիմայ, իր վաղահաս մահուան առջեւ կեցած պահուս, անհղ խորհրդանշանը կ'երեւայ ինծի՝ արտորանքով կարճըցած երիտասարդութեանը :

Կապոյտը կը սիրէր ան . ոտքէն մինչեւ գլուխը կապոյտներու մէջ պլլուած, համակ կապուտագեղ կին, որ իր աճապարող փութացումին մէջ՝ «չուտ երեսս նայեցէք, վայելեցէք զիս, վասն զի վայրկեան մը վերջը ալ չկամ» ըսելու պէս բան մը ունենալ կը թուէր, երբոր կ'անցնէր քովէդ :

Նրբահասակ ու նրբամարմին էր . թափանցիկ կաթնաթոյր մորթով ու եղջերուի

մեծ մեծ բացուած աչքերով որուն մէջ ճերմակը կ'աղօտանար, կը հատնէր, այնքան կ'իշխէր մէջտեղի սեւին ցոլացումը ու կը վարագուրուէր երկար բեբերուն ձգած ստուերովը: Խօսուն աչքեր, ժպտուն աչքեր, անմեղ ու մեղաւոր աչքեր՝ որոնք տիեզերքին երանութիւնը իրենց ծոցին մէջ կը պահեն:

Բ.

Քովէս, ինձի պէս այս մահազգին առջեւ կեցողներ կը խօսակցէին, իրենց գաղափարները կը փոխանակէին մեռնողին վրայ, հիմայ որ ու է նկատում ու ակնկալութիւն չէր մնացած, արտասանելով իրենց խղճին թելադրած անկախ վճիռը անոր մասին:

Ս.յսպէս կ'ըլլայ միշտ մեռնողներուն համար. մարդիկ՝ դերասաններու պէս, որոնց թատերախաղը վերջացած է, իրենց լեզուն ու դիրքը կը փոխեն, գոհունակութեան շունչ մը առնելով, երկարատեւ ծպտում մը, լեզուի ու վարքի ծպտումը թօթափող մարդու ազատ շնչառութիւնը:

— Հիւպատոսին կինն էր. բայց իր անկարգութեանը համար էրիկը ձգեց զինքը:

— Գիտեմ, դատարանին առջեւ հաստատուեցաւ կնոջը գէշ վարքը ու երեք ամիս կայ որ զաւկըները ձեռքէն առին:

— Ս.յո՛, ճամբէն ելած կին մըն էր:

Ու բարոյականի տոպրակնին բացած, այս անցորդները, որ դեռ քանի մը օր առաջ այս կնոջ մէկ ակնարկին արժանանալու համար կը քծնէին անոր ճամբուն վրայ, իրենց մաղձօտ չարախօսութիւնները դուրս կը թափէին:

— Ինչէ՞ն մեռաւ, հարցուց առաջին խօսքը բացողը:

— Թողբատապէն:

Ո՛չ, ըսի մտքովս պատասխանելով անոնց, զաւկըներուն ցաւն մեռած է այս կնիկը: Եւ խկոյն ներսէս պաշտպան կանգնեցայ անոր, երբ աշխարհ խօսք մէկ կ'ընէր զինքը գատապարտելու համար: Իր շնորհին, իր երիտասարդութեանը վայելուչը՝ արատով մը չգոցուիլն էր իր գագաղին: Ինչ որ ալ եղած ըլլար իր կեանքը, սիրտս կ'ըսէր որ ծաղիկ մը նետելու է անոր վրայ և ոչ ազբի դէզ մը, ինչպէս կ'ընէին սա մարդիկը:

Վարանոտ կեցեր էի մայթին վրայ, ան-

ցորդներուն պատմած ուղիղ կամ սուտ զը-
րոյցներուն ակամայ ունկնդիր , երբոր հե-
ռուէն տեսայ մեռելը զոր մեր կողմը կը բե-
րէին :

Ուշեւէն խաչալեմները բարձրացուցեր էին
երեք գիծի վրայ , որոնց երկու ծայրերունը՝
քահանաներու դասին ու մէջտեղինը դադա-
ղը տանող կառքին առջեւ կ'իյնար . համակ
ընկուզենիէ էր ան , տեղ տեղ արծաթ
դրուազներով զարդարուած : Աղերբեկ մաղե-
րով ծերունի մը , հայրը , դադաղին անմի-
ջապէս ետեւէն կու գար : Ու անոր ետեւէն ,
յուզարկաւորներու ցանցառ թիւ մը , որուն
մէջ Բերայի յոյն հասարակութենէն քանի մը
ծանօթ գէմբեր կը նշմարէի :

Մեռելին երեսը բաց էր , ինչպէս սովո-
րութիւն է Յունաց մէջ , այնպէս որ կե-
ցած տեղէս կըրցայ , թափօրին ծանր ծանր
քարուածքէն օգտուելով , լաւ մը դիտել զայն :

Անհաւատալի բա՛ն , միշտ իմ ճանչցած
գեղեցիկ կիինս էր հող պառկողը , կարծես
թէ կենդանի , աչքերը գոց , քիչ մը տփգոյն ,
քիչ մըն ալ նիհար երեսով : Հասակը որ
դադաղին բոլոր երկայնութիւնը կը գրաւէր ,

ամէնէն վեհաշուք բայց ամփոփ ու պարկեշտ
պառկուածքի մը շնորհքովը կը շքեղանար ,
իր վրդովուած կեանքին կարծես թէ զղջումը
բերելով զինքը դատող մարդոց : Այս դիր-
քին մէջ կուրծքը՝ իր լայնածիր պարոյրովը
տրոփելու մօտ կը թուէր . ճերմակ բեհեզէ
չըջազգեստին ծայրէն , դադաղին նեղու-
թեանը մէջ ճմռթկած , ու համազոյն բեհե-
զէ մուճակներուն մէջէն , հարսի մուճակներ ,
ոտքերը , մանրիկ երեխայի ոտքեր , իրենց
կորնթիքովը կը յայտնէին որ գեղջուկ կամ
ռամիկ աղուորութիւն մը չէր այս կնոջ գե-
ղեցկութիւնը . և ոտքին պճեղը տոհմիկ ու
ազնուական գիծերու սկզբնաւորութիւնը կու
տար իր նրբութեամբը :

Մեռելը զարդարողները անոր ոսկի մա-
ղերուն ստուար խուրձը , աղջկան մը մազե-
րուն պէս , քակեր ու ձգեր էին ուսերուն
վրայ . յետին պըրանքը այս աղուորութեան որ
ոչնչանալու կ'երթար ահա . ու այսպէս , իր
լուսաւոր գէմբը վերջին պահուն կը փայլէր
երկու գիւնի ծփացող զեղին կոհակներուն
մէջ . գեղնութիւն որ շատ անգամ կը տես-
նուի երբոր արեւը այգուն այգուն կը ծագի
ծովին վրայ :

Գ.

Չեմ գիտեր լաւ մը թէ ինչպէս եղաւ որ մեռելին ետեւէն գացողներուն խառնուեցայ ես, ու ինքնակոչ յուզարկաւոր՝ մինչեւ թագսիմ ընկերացայ անոնց։ Միեւնոյն ատեն մաքրովս, — գիտէք իմ հիւանդագին միտքս, — իսկոյն երկու քայլափոխի մէջ, վէպ մը սկսայ պատրաստել իր վրայ, շատագովիչ վէպը, բոլորովին տարբեր անկէ որ մահադգին առջեւ կանգ առնող անցորդներու կըցկըտուր խօսքերէն կը կազմուէր։

Կը խորհէի ինքնիրենս որ զո՞հ մը ըլլալ կը վայլէր այս գեղանի մեռելին և ոչ այն անարդ ու հերատուկ կինը զոր վայրկեան մը առաջ դատափետեր էին։ Չճանչցուած էակը ըլլալ, զոր իր ամուսինը, իր անհասկացողութեամբը թերեւս, խորտակած էր առջի ձեռք դպցնելուն, այն քնքուշ, դիւրաբեկ ու նրբարուեստ առարկաներուն պէս որոնց խիստ հպում մը՝ մահը ու խորտակումը կ'ըլլայ իսկոյն։

Ես իմ վէպիս առջի գլուխն էի դեռ, երկանը դաժան, գրեթէ բարբարոս նկարա-

գիրը կը շինէի մաքրովս, երբոր յուզարկաւորները, գերեզմանատուն տանող կառքերէն մէկուն մէջ հրամցուցին զիս։ Ո՞վ էի ես. ի՞նչ ընելու եկեր էի հոս։ Այս բաները չը խորհեցայ այդ պահուն. ներս մտայ Յոյնի մը հետ որ, բարեբաղդ դիպուածով մը, ճանչուոր ելաւ ինծի։

Մինչեւ գերեզմանատուն եկողները շատուոր չէինք. ու թը տասը հոգի ամէնքս։

Միւսներէն, որոնք ազգականները ըլլալու էին հարկաւ, ես քիչ մը ետեւ կեցեր էի՝ աչքի չգարնելու տարտամ ջանքով մը։ Բայց երբոր թաղման արարողութիւնը սկսան, այնքան այլայլեր էի արդէն որ հեկեկալով կու լայի առանց ա՛լ մէկը սեպելու, իբրեւ թէ ես տէրը ըլլայի ննջեցեալին, ու արցունքներուս մէջէն, երբ փոսը կը դնէին մեռելը, դեռ կը հիանայի վրան։

Երբեք մահը, ոչ ոք այդ աստիճան գեղեցկացուցած էր։ Ո՛չ այն աշխարհիկ ու ցանկազարթոյց աղուորութիւնը որ այս կնոջ աղուորութիւնը եղած էր իր առողջութեանը. այլ դէմքին վրայ չքնաղ ու անմեղունակ արտայայտութիւն մը նախ, վճիտ ու պայ-

ծառ խղճմտանքի մը ցոլացումին պէս : Ո՞վ ըսաւ որ յանցաւոր ու պարտազանց մէկն էր անիկա . ամէնէն մեծ արուեստագէտին երեւակայելիք շնորհը ու վայելչութիւնը աիւրւած էր այս մարմնին վրայ , բայց մնայլ ու սրբազան վերարկու մը ձգածի պէս պատկանանք միայն տարածելով անոր շուրջը :

Ու հիմայ՝ քահանային աղօթքին հետ համընթաց՝ փոսին երկու գիէն բահերով նետուած հողերուն տակ հեծեծող դագաղը հետզհետէ կը ծածկուէր ու ծովին մէջ ընկողմով նաւի մը պէս աչքէ կ'անհետանար : Մեռելաթաղները հողին զանդուածները կը կոտորեն , կը շտկեն , կը կոկեն ու ահա ոչինչ՝ բացի այն ուռեցուորած թարմ ու կարմիր հողէն որ նեղ ու երկար ձուածեւ մը կը կազմէ այդտեղ :

Յուզարկաւորները կարգով կը մօտենան ծերունի հօրը ու վշտակցութիւննին կը յայտնեն , ու էն վերջը ես կը մօտենամ անոր ձեռքը թոթուելու համար , երբոր , տարօրինակ բան , ես պէտք ունիմ որ իմ ձեռքս սեղմեն :

Մտերմութեան ի՞նչ անբաղդատելի օղակ

մը կը հաստատուի յանկարծ , վայրկեան մը առաջ իրարու անծանօթ երկու հոգիի մէջ . ի՞նչպէս կ'ըլլայ որ մէկ վայրկեանի մէջ զգացուած կսկիծ մը՝ տարիներով միասին զգացուած , բաժնուած ուրախութիւններէ աւելի սերտ մերձաւորութիւն կազմէ , ամուր ու պինդ շաղախ որ սիրտերը իրարու կը կապէ իրապէս անմեկնելի կապերով :

Պ.

Անկէ վերջ բարեւ մը կը փոխանակէինք անոր հետ , իրարու հանդիպելնուս : Չհարցուց բնաւ թէ ո՞վ էի ես և թէ ի՞նչ իրաւունքով իր սուգին մասնակցեր էի :

Վեց ամիս վերջը : Լիւքսանպուրի սրճարանը կ'երթար անիկա պոխի բառոյի մը ընելու համար , իրեն պէս գործէ քաշուած քանի մը մարդոց հետ : Հոն գտնուեցայ ես ալ ու միասին կը խաղայինք շատ հեղ : Ինքը վարպետ մըն էր ու ինծի պէս համբալի մը խաղէն մեծ հաճոյք չէր կրնար առնել . բայց չեմ գիտեր ինչո՞ւ ան ալ իմ ընկերութիւնս կը փնտուէր :

Ու միասին , խաղին բառոյին լմննալէն

եաքը, իրիկուան դէմ, քով քովի պզտիկ պտոյտ մը կ'ընէինք մինչեւ Թագսիմի Պարտէզը և նոյնպէս միասին կ'ընէինք վերագարձը, հօր ու զաւկի պէս :

Ի՞նչ էր այն անպատմելի բանը որ այս ծերունիին մօտ գտնուելուս՝ զիս ցնծութեամբ կը լեցնէր, ամէնէն երջանիկ արարածը կ'ընէր զիս : Փոխադարձ համակրութիւնը, զոր այս մարդը ինձի ցոյց կու տար, իր աղջիկէն եկածի պէս սպաւորութիւն կ'ընէր վրաս : Ինքը իր աղջկան յիշատակովը կ'ապրէր . ես ալ :

Անոր մահուանը տարեդարձին՝ երկուքնիս ալ մէյմէկ շքեղ պսակ դրինք գերեզմանին վրայ : Գարունը ցնծութեամբ կը լեցնէր այս սուգի տեղը . ծառերը, ծաղիկները կը խայտային . ու գերեզմանին վերի գին բացուող եղբւանի մը իր կապոյտ ծաղիկներու մեհեւանդներովը և անոր սիրած գոյնովը այդ փոսը կը զարդարէր դեռ : Վերագարձին հայրը իր տունը հրաւիրեց զիս . անհուն երանութիւն մը զգացի ոտք կոխելով այն տունը ուր ապրած էր Սերաֆիթան :


Այս էր տարօրինակ ու աղուոր անունը

այս կնոջ որուն մեռնելէն վերջը մտերիմը եղեր էի ինքնիրենս :

Անկէ վերջը միշտ գացի հոն . օրին մէկն ալ հայրը անոր խուզը տարաւ զիս : Անոր աղջիկնութեան հոտերովը լեցուն սենեակ մը, որ զինքը գրկող, պատող, շրջապատող առարկաներով լեցուն էր . վարագոյրները գոց էին միշտ, խորհրդաւոր ստուերի մը մէջ պահելով զայն . աջ կողմի անկիւնը բռնող թիկնաթուփն մէջ փետուրով լեցուած բարձիկը անոր մարմնին թողած գոգը կը պահէր դեռ, թռչունի մը բոյնին պէս՝ ու քովի մահոնէ նրբակերտ սեղանին վրայ՝ Պուռժէի, Մօբասանի մէկ երկու հատորները . քառորդ ժամուան մը համար միայն կարծես դուրս ելած էր այս սենեակին տիրուհին, և քիչ մը վերջը պիտի դառնար հոս իմ քովս, իր կապոյտ արդուզարդովը, վազելով, արտորալով՝ ինչպէս իր սովորութիւնն էր, կարմրած քրտնած ու համբոյրով մը ներողութիւն խնդրելով զիս սպասցնելուն համար :

Սովորաբար նարտ խաղալու կու գայի անոր հօրը հետ և ականջէս Սերաֆիթան, ինձմէ ուրիշին աննշմարտի, գէպի ինձի ծը-

ԼԷ. 1658



նած, գողտր ու դողդոջուն ցողունի մը ծը-
ռելուն պէս, կամաց մը շնորհակալութիւն
կը յայտնէր իր հէք հօրը մասին ցուցուցած
խնամքներու համար:

Ե.

Ես երջանիկ էի, մունջ ու անխառն եր-
ջանկութեամբ մը:

Սերաֆիթան, իր աշխարհային կապերը
ու պակասութիւնները թօթափած վրայէն,
երազայէն ու միանգամայն իրական կին մըն
էր ինծի համար: Անոր մահը՝ հալոցն էր,
մերկացնող, զատող, հարազատող այս ոսկին՝
խառնուրդէն, ազնուական մետաղը պահելով
միայն: Միայն բան մը չէր կրցած հեռացնել
անկէ, պըրանքը. թերեւս անոր համար որ
առանց անոր՝ Սերաֆիթան կին մը ըլլալէ
պիտի դադրէր հրեշտակ մը դառնալու հա-
մար:

Գլուխ գլխի կ'ապրէի անոր հետ. հիմայ
ինէ զատ ոչ ոք ունէր անիկա. պզտիկ նա-
խանձ մը սակայն. երբ իր վնթկած աղջկան
ձեւերը կը տեսնէի իր քալուածքին, իր ժըպ-
տելուն, իր գլուխը ծռելուն մէջ:

Հայրը ամէն օր մէյ մէկ պատմութիւն
ունէր անոր վրայ պատմելիք ինծի. ես՝ տը-
պաւորութիւններ միայն և հեռուէն նշմար-
ուած բաներ որոնք մօտը ապրող մարդուն
համար նորութիւններ են միշտ:

Մանրամասն գիտէի ա՛լ իմ սիրած կնոջս
մանկութիւնը ու երիտասարդութիւնը: Այս
խօսակցութիւններուն մէջ անոր ամուսնու-
թեան դժբաղդ պատմութիւնը կու գար եր-
բեմն. բաժանումը, ամուսնալուծման դատը,
որուն մէջ էրկանը փաստաբանները այս կնոջ
թեթեւ մէկ շարժումը՝ քրէական յանցանքի
մը պէս ցուցնելու յաջողեր էին. վերջապէս
գայթակղութիւնը որ ծամոցը եղած էր ամէ-
նուն բերնին:

Հայրը տաք ու պաղ տեսած ու երիտա-
սարդութեանը մէջ շատ մը հոգեկան տագ-
նապներ անցուցած մարդ՝ կանուխէն յանգած
էր ներողամիտ վարդապետութեան մը որուն
մէջ աղջիկը արդարացնելու դիտում մը չու-
նէր:

— Ես ալ, ըստ օր մը ինծի, շատ տա-
ռապեցայ սկիզբը իմ կնոջս երեսէն. ճիշդ
Սերաֆիթան էր ան. անոր գեղեցկութեամբը,

անոր ուրոյնութեամբը ու անոր զարտու-
ղութեամբը : Քսանը հինգ տարու էի երբոր
սիրեցինք իրար . իր ընտանիքը մեր ամուս-
նութեան ընդդիմանալուն համար՝ առեւանգե-
ցի զայն ու ամուսնացանք հեռու տեղ մը ,
գիւղի մը մէջ : Երբոր գործերս յաջող կեր-
պարանք մը առին, ամէն որ զիս ծափահարեց .
աներս և զոքանչս հոգի տալ սկսան վրաս .
աշխարհքը, այն անիրաւ ու ապուշ աշխարհքը,
որ յաջողողներուն դարպաս կ'ընէ միայն, իմ
չուրջս բոլորուեցաւ :

« Բերայի մէջ մեր երեկոյթները ամէնէն
փնտռուածներն էին, ու կինս՝ կիներու ամէ-
նէն շնորհալին : Բայց իր գեղեցկութեանը
չափ անհաստատ ու թեթեւ էակն էր զոր
գովեստներն ու ականջն ի վար փափսացուած
սիրոյ խօսքերը կը յաջողէին ատեն ատեն
գիւնովցնել : Սկիզբները շատ տառապեցայ
ու կը խոստովանիմ որ դժնդակ բան մը ե-
ղաւ ինձի այն եզրակացութիւնը որուն հա-
սայ և որ հիմայ կը ճանչնամ թէ ամէնէն
ուղիղն է :

« Ամէն չքնաղ առարկայի բաղդն է
ձեռքէ ձեռք խլուիլ . դիտակցութիւնը չէ որ

կը մղէ զայն , այլ իրմէ անկախ բան մը՝
ճակատադիրը . զինքը պատասխանատու բռ-
նելուն մէջ արդարութիւն չի կրնար ըլլալ :

« Աստղ մը իր շաւղը պիտի գծէ , թի-
թեռնիկը պիտի ոստոստէ , գետը պիտի վա-
զէ երթայ ու աղուոր կնիկը պիտի ժպտի
ասոր անոր . կը կարծեմ որ տխուր բան մը
պիտի ըլլայ եթէ խոժոռած ճակատ ու սրը-
դողած աչքեր դնենք գեղեցիկ կնկան մը ե-
րեսին վրայ : Կան որ փողոցին մէջ կ'անցնին
միշտ խոժոռած ու գետին նայելով եւ , դիպ-
ուածով , եթէ երեսդ ալ նային , զայրացած
կերպարանք մը կ'առնեն . չեմ ախորժիր ա-
տոնցմէ . լկրտած խնդուք մը՝ ամէնէն պար-
կեշտ բայց կախ երեսէն նախամեծար կը
սեպեմ ես :

« Իմ կինս , պչրասէր քիչ մը , միշտ իմս
մնաց , անոր համար որ չունեցայ իր թե-
թեռութիւններուն դէմ այդ ծանր ու դաժան
վարմունքը որ ամէնէն ջերմ սէրերը կը պո-
ղեցնէ : Չորս տարի առաջ կորսնցուցի զինքը : »

Յետոյ՝ աղջիկը միտքը իյնալուն՝ հառա-
չեց քիչ մը .

— Սերաֆիթաս ճիշտ իր մայրն էր . բայց

էրիկը իմ ներողամտութիւնս չունէր. խիստ ու անգութ եղաւ իր կնոջը դէմ. կ'երեւայ թէ ասով պատուաւոր մարդ հռչակուեցաւ աշխարհի առջեւ :

— Ես, պատասխանեցի իրեն, պատիւը շատ աւելի բարձր, շատ աւելի մեծ բաներու մէջ պահուած կը նկատեմ. կնոջ մը՝ էրկանը հանդէպ հաւատարիմ ըլլալը կամ ոչ չեմ նկատեր իբրեւ իրական պատուոյ խնդիր մը, այլ այն եսական պահանջումներէն մէկը որոնք առնական բնազդի ու կիրքի մը գոհացում կու տան : Սեփականութեան խնդիրն է աս որ անշունչ նիւթերէն անցնելով՝ մինչեւ կնոջ վրայ կը ծանրանայ :

«Ես պատիւը մարդոց իրարու օգտակարութեան մէջ կը տեսնեմ միայն. այն մարդը որ իր նմաններուն ամէնէն աւելի օգտակարն է՝ ամէնէն պատուաւոր մարդն է ինծի համար :»

Հիմայ, ամբողջ օրեր միասին կ'անցընէինք խօսելով Սերաֆիէթային վրայ, և տյնպէս մը որ իբրեւ թէ դեռ ողջ եղած ըլլար անիկա. այս կամովին պատիր ու շինծու բանը հաճելի էր մեզի : Բայց ծերունին երթալով կը

տկարանար ու գոհ էր այդպէս հատնելուն համար : Ձմեռը չկրցաւ տունէն ելլել. ամէն առթիւ բան մը կը գտնէր իր աղջիկը յիշելու համար :

— Թէ որ ճանչցած ըլլայիր զայն՝ պիտի սիրէիր զինքը, ըսաւ ինծի օր մը :

— Արդէն կը սիրեմ զինքը :

— Գիտեմ :

Առաջին անգամն էր որ երեսիս կ'ըսէր այս խօսքը, թէեւ շատոնց հասկցած ըլլալու էր իմ սէրս :

Ապրիլ ամսուան մէջ իր վիճակը ծանրացաւ բոլորովին. բժիշկը ըսաւ ինծի որ հազիւ քանի մը ժամուան կեանքը մնացած էր :

Խեղքը գլուխն էր մինչեւ վերջը ու հոգեվարքի մէջ էր արդէն երբոր նշան ըրաւ ինծի որպէս զի աւելի մտտե՛նամ իրեն. երբոր քովը գացի, իրեն քաշեց զիս ու ճակատս համբուրելով մրմնջեց հազիւ հազ լսելի ձայնով մը որ իր վերջին բառը ու վերջին օրհնէնքը եղաւ .

— Փեսայս :



Թեան մարդ էր, հաւտացող անոնց սրբու-
թեանը ու օգտակարութեանը:


Իրմէ տարիքով պզտիկ եղբայր մը, որ
իրեն չափ խղճահարութեան տէր մէկը չէր,
ամուսնացեր էր. բայց ձախորդութիւնը ե-
տեւէն հասեր էր իսկոյն: Քանի մը տար-
ուան մէջ գրամագլուխը փճացեր ու սրտին
ցաւէն մեռեր էր մարդը, Նիկողոս աղային
վրայ ձգելով իր այրին ու մանչ զաւակ մը:

Նիկողոս աղան ազդարարութիւն մը տե-
սեր էր այս վախճանին մէջ:

Պզտիկ տարիքէն հնազանդելու վարժու-
թիւն ունէր, գաժան հօր մը՝ Գէորդ աղային
— հռչակաւոր բոլոր Չարչըին մէջ — անդիմադ-
րելի կասկէին տակ ճզմուելով շարունակէ Այս
հայրը, հիմայ գերեզմանին անդիւն, տասը
տարուան անցեալի մը անջրպետէն դեռ կ'իշ-
խէր իր վրայ, ամէն խնդրի մէջ իր կարծի-
քը, լաւ եւս է ըսել, իր հրամանը կ'արձա-
կէր ու Նիկողոս աղան կը հնազանդէր անոր:

Տարակոյս վերցնող ամէն բանի մէջ խու-
շումնին իր հօրը կոչում կ'ընէր և չէր ու-
շանար պատասխանը առնելու. ինչ որ ալ
ըլլար այդ պատասխանը, Նիկողոս աղան կը

ԼՈՒՍԱՀՈՔԻՆ



Ս.



Կորդեան Նիկողոս աղան բանը
գործը տեղը խուշումնին մըն էր:
Յիսուսին մօտ՝ ամուրի մնացեր էր,
աշխարհ չմտած իր երկու քոյրերը, Բէմպէ
ու Նեկտար հանրմները կարգելու սպասու-
մին մէջ: Շատ թախանձեր էին իրեն, բայց
չէր յօժարած ոտնակոխ ընելու կանոնը որ
կը տրամադրէ թէ եղբայր մը իր քոյրերը
ամուսնացնելէ վերջը միայն կրնայ ինքը ա-
մուսնանալ: Իսկապէս կանոնի ու աւանդու-

հետեւէր անոր, խիղճը թեթեւցած, նոյն իսկ եթէ իր գործելիքը մարդասպանութիւն մը ըլլար:

Ամէն անհատականութենէ զուրկ այս մարդը գոհ էր այսպէս ըլլալուն համար: Տրուած պատուէրի մը ետին ապաստանելով՝ իր գոյութիւնը ամէն փորձանքէ և ամէն դատափետութենէ զերծ պահելու գաղտնիքը գտեր էր:

Գատը-Գիւղ՝ Մէօհիւրտարի կողմը կը բռնակէր ան ու, առանց բացառութեան, ամէնուն յարգանքը կը վայելէր իր գեղին մէջ:

Իրենց տունը, Էսնաւի աւանդական տունն էր: Միջին յարկին վրայ էր ամենալուր սենեակը. սէսիւրը ծայրէ ծայր կը գըրաւէր անոր ճակատը ու երկու դիէն պատերու շրջանը կ'ընէր ամբողջ, Ո տառը ձեւացընելով. մաքուր, ձիւնի պէս ճերմակ ճաշակաւոր ծածկոց մը այդ սէսիւրին ու բարձերուն ճաշակօն նախանձոտ զգուշութեամբ և ծայրայեղ խնամքով մը ամէն աչքէ կը պահէր և նոյնչափ մաքուր ճաշակաւոր ծածկոցներ, իրենց երկուքի ճեղքուած թերթերովը, պատուհանները կը գոցէին: Զախ

դին պատին յենած պոռօն վրայ՝ հին օրերէ մնացած մեծկակ ժամացոյցը շատոնց չէր բաներ, բայց երկու ծայրանաձեւ փոքրիկ սիւներով բռնուած բոլորակը անթարթ կերպով բացուած աչքի մը պէս կը կենար, Գէորգ աղային աչքը կարծես: Անոր երկու դիէն ապակիէ ծածկոյթի տակ նոյն տեսակ զոյգ մը ծածկոյթներու տակ ալ հին արհեստական ծաղիկներէ շինուած պզտիկ զարդարանքներ. ասոնց ճիշտ առջին շիջ մը ջուր ու երկու դին շարուած երկու գաւաթներ ծուփ ծուփ ծփալով իրենց ֆոօշէէ շինուած պզտիկ ափսէներուն վրայ:

Ու իրիկունները, Նիկողոս աղան, իր յատուկ անկիւնը նստած մտիկ կ'ընէր օրուան լուրերուն զորս իր քոյրերը կը հաւաքէին լուսցարար Մարիամէն որ ամէն տուն մտնել ելլելուն համար՝ ամէն բանի տեղեակ էր:

— Գիտե՞ս, Նիկողոս աղա, Պոյաճեաններուն աղջիկը կը կարգուի կոր:

Միշտ ամուսնութեան լուրով մը կը սկսէր շարքը, զոր Նեկտար հանրմ' իրեն տունը մնալուն անիրաւութիւնը շեշտելու նպատակով առաջ կը նետէր:

Յետոյ , աղուն եւ աղջկան տարիքին խըն-
դիւրը կու գար, ու հոս՝ վէճը կը դառնանար :

— Ես սանկ աղջիկ մըն էի , կ'ըսէր Նեկ-
տար՝ ձեռքը տախտակամածէն թիղ մը վեր
բռնելով , անիկա ալ ինծի մօտ բան մըն էր :

Նիկողոս աղան չէր կրնար համբերել ա-
սոր .

— Ես թե՛ ես ի՞նչ ես , Նեկտար հանրմ ,
ան պզտիկ աղջիկ մըն է , քսան տարու կայ
չկայ :

Ու պառւած աղջիկը կը զայրանար ,
Բեմպէ հանրմը վկայութեան կը կանչէր :

Խօսակցութիւնը կը կենար հոս , յետոյ
կը վերակսէր .

— Նշանիկ աղային կնիկն ալ իր սիրողէն
զատուեր է , տանը ծախքին մեծ մասը ,
կնկան լսթերը մարդուն ստակովն է եղեր :

Ու գոհունակութեան հառաչանքով կ'ա-
ւելցընէր .

— Հիմայ ամէն բան հասկցուեցաւ , ես
ադ կնկան հագուելուն խելք չէի հասցներ
կոր :

Նեկտար հանրմը այսպէս ամբողջ գեղին
ըջանը կ'ընէր , դուռ դուռ պատօցներով իր

քինախնդիր հոգիին ատելութիւնները , մէկու
մը չինայելով :

Ամէն գիշեր մինչեւ չորսը կը տուէր ա-
սիկա ու յետոյ ամէն դք իր սենեակը կ'ա-
ռանձնանար :

Բ.

Նիկողոս աղան Բերա չէր երթար . բայց
չարթը գիշեր մը բացակայ կը մնար տու-
նէն : Այսպէս էր տարիներէ ի վեր : Նիկողոս
աղային բոլոր պատմութիւնն էր ասիկա :

Դեռ քսան տարու տղայ մըն էր , երբոր
Չարչը ելաւ ստակ վաստկելու : Այն ամառը
նոր դրացի մը եկաւ իրենց մօտը : Այրի կնոջմէ
մը ու երկու աղջիկ զաւակներէ կը բաղկա-
նար այս ընտանիքը . ունեւոր էին , խոհարար
մը և սպասուհի մը կը պահէին ասոնք . մայրը
երեսունըհինգի մօտ , մեծակառոյց աղուո-
րութիւն մը ունէր և զուարճութիւնը կը սի-
րէր . իրենց գալէն երկու ամիս ետքը արդէն
բոլոր դրացիներուն հետ մտերմացած էր ու
ամէն իրիկուն հիւրեր անպակաս էին անոնց
տունէն : Տարին մէկ երկու անգամ երեկոյթ-
ներ ալ կու տային : Նիկողոս աղայի ծնողքին

համար ճշմարիտ գայթակղութիւն մը եղաւ այս դրացնութիւնը . նախ մանրամասն հարցուցին փնտռեցին անոնց որի՞ կին, որի՞ զաւակ ըլլալնին, ո՞ւրկէ գալերնին, նիւթական կարողութիւննին : Անոնց զուարթ ու խօլ կեանքը ճիշտ իրենց քիթին տակը, իրենց անմռունջ ու մռայլամած կենցաղին դէմ անճահ հեգնութիւն մը թուեցաւ . յետոյ կինը որ եկող գացող հիւրին ձեռքը կը թօթուէր ու ժպիտը պակաս չէր ըներ շրթունքին վրայէն, աղջիկները որ իրենց մօրը վարքը ունէին, այս ամէնը վտանգաւոր մերձաւորութիւն մը կը կազմէին և զգոյշ կենալու պարտքը կը դնէին Գէորգ աղսյեանց վրայ : Մէկ երկու հեղ հազիւ այցելութեան գացին . Բէմպէն ու Նեկտարը այս խնդու մերես ընտանիքէն բան չհասկցան . Նիկողոսին համար՝ այդ տունը երջանկութեան կոչումի պէս անդիմադրելի բան մը ունէր . անոնց անդրանիկ աղջիկը, Սօֆիկը, իր բարձր ու նուրբ հասակովը, իր կապոյտ և անոյշ աչքերովը, ոսկի մազերուն ծփացող, վէտվէտող մետաքսովը զինքը բոլորովին գրաւեցինքն ալ ազուր երիտասարդ մըն էր, հա-

զիւ վերի շրթունքը պերեւեշտով մը մրոտած . երկուքն ալ իսկոյն իրար սիրեցին, բայց Գէորգ աղային խօփոռ դէմքը շուտով այս լուսաւոր պատկերը նսեմացուց : Անիկա նախ սա իմացեր էր որ նորեկ այրի կինը շաա զուրցուած կնիկ մըն էր, միջոց մըն ալ իր էրկնէն զատուեր էր անոր կենդանութեանը միջոցին . յետոյ ունեցած ստակն ալ չնչին բան մըն էր ու անոր հարուստի վայելող մսխումը՝ աղջիկները ամուսնացնելու ունայն ճիգ մը միայն : Այս վերջին տեղեկութիւնը մանաւանդ Գէորգ աղային մնացած ակնածութիւնները վրձացուց . էսևնաճները միշտ վարժուած են խոնարհելու իրենցմէ հարուստներուն առջեւ ու ամբարտաւան ըլլալ՝ իրենցմէ նուազ ու նեւորներուն դէմ . Գէորգ աղան հիմայ, գուշակելով կարծես Նիկողոսին սէրը, դէմք ելլողին կ'ըսէր .

— Ես զաւկըններուս՝ զուրցուած կնկան աղջիկ չեմ առներ :

Նիկողոս այս կտրուկ ու զարհուրելի վճռին առջեւ ընկճուած մնաց . բայց շատ ուշ էր արդէն . երիտասարդը մեռնելը աւելի դիւրին գտաւ քան թէ հօրը կամքին դի-

մադրելը . հիւանդացաւ . քիչ մը վերջը իրենց
 դրացիներն ալ հեռու փողոց մը՝ Գուշ Տիլիի
 կողմերը գացին : Ատեն անցաւ վրայէն , բայց
 երիտասարդը աղէկնալուն պէս վազեց Սօֆի-
 կին քով նորէն : Հիմայ գաղտնի , գիշեր ա-
 տեն , պարտէզին դրան քով իրար կը գըտ-
 նէին : Յետոյ՝ տեսնելով որ Սօֆիկի մայրը
 նեղութեան մէջ էր՝ Նիկողոս յօժարութեամբ
 ձեռնտու եղաւ , անոր ապրուստին օգնեց :
 Այլ դրան առջեւ չէր սլքտկար , տուներնին
 կ'երթար հօրմէն գաղտնի միշտ . անոնց բո-
 լոր հոգերը կը ստանձնէր ու անձնուիրու-
 թեամբը ինքզինքը ալ աւելի կը սիրցնէր :
 Երկու տարի տեւեց ասիկա , օր մըն ալ Սօ-
 ֆիկին մայրը անկողին ինկաւ մէյ մըն ալ
 չելլելու համար . սաստիկ թոքատապ մը ութ
 օրուան մէջ գերեզման տարաւ զինքը : Նիկո-
 ղոս ամէն օր միջոց գտաւ հիւանդին տունը
 երթալու , խնամելու զինքը , բանի մը կա-
 րօտը չզգացնելով անոր :

Հոգեվարքի մէջն էր՝ երբոր հիւանդը իր
 զաւակներուն մտածեց .

— Ես կեցեր եմ , ըսաւ Նիկողոս :

Այս սփոփանքով մեռաւ հիւանդը :

Գ.

Ամուսնութեան մը պէս ու ամուսնութենէ
 աւելի բան մը եղաւ ասիկա երիտասարդին
 համար . իր գաղտնի սիրոյն ու խոստումին
 տէրը մնաց . Սօֆիկէն զատ ուրիշ կին չը
 ճանչցաւ աշխարհի վրայ . ուխտ մը ասկէ ա-
 ւելի սրբութեամբ չպիտի պահուէր :

Ասանկով՝ իր դատողութեան անձուկ շքր-
 ջանակին մէջ կը հաշտեցնէր իր սէրը՝ հօրը
 դէմ ունեցած հնազանդութեան հարկին հետ .
 հայրը իր ամուսնութիւնը չէր ուզեր այս
 աղջկան հետ . ինք ալ չէր ամուսնացած
 ահաւասիկ . բայց կրնար հարկաւ , հիմայ որ
 կատարեալ երիտասարդ՝ գրեթէ չափահաս
 մարդ էր , կին մը սիրել . և այս իրաւունքով
 Սօֆիկէն չզատուեցաւ :

Իր վաստակէն մաս մը , այնչափ միայն
 որ հօրը մանրագնին հաշիւներէն ճարտարու-
 թեամբ կը փախցնէր , անոր և քրոջը ապ-
 րուստին յատկացուցած էր : Յետոյ ուրիշ
 նախապաշարում մըն ալ կապեր էր զինքը
 այս կնոջ . իր գործը , առուտուրը օր օրի ա-
 ւելի յաջող , աւելի շահաւոր դարձեր էին .

մինչդեռ իր արհեստակիցներէն շատեր հետըհետէ կ'ազքատանային, կը փճանային : Մեռնող կնոջ հանդէպ ստանձնած յանձնառութեան դէմ՝ նախախնամութեան կողմէ եկած փոխարինութիւն մը կը նկատէր այս բազդաւորութիւնը :

Օր մը միայն, և այդ օրը շարունակ կը յիշէր՝ Սօֆիկ իր ծոցուր ըլլալը իմացուց իրեն. զաւկի մը մերձաւոր ծնունդը տեսակ մը հրապարակային հանգամանք կու տար իր այնքան խնամով դաղտնի պահած սիրոյն : Այն ատեն իր շուարումին մէջ այդ զաւակը չքացնելու համար դեղ ու դարման փնտռեց, բայց բնութիւնը անոր բոլոր հնարքները ի դերեւ հանեց, ու երբոր օրին մէկը զաւակը ծնաւ, ուրախացաւ իր հնարքներուն ապարդիւն մնալուն : Բայց այս ուրախութիւնն ալ խիստ վաղանցուկ բան մը եղաւ. իր կեանքը հետզհետէ նոր շփոթութիւններով, նոր գառնութիւններով կը լեցուէր : Երեխային կնունքը մեծ գործ մը եղաւ. ս^ուրկէ կնքահայր գտնել, որո՞ւն խոստովանիլ իր գաղանիքը. վերջապէս մկրտութիւնը եղաւ և իրիկունը անոր մայրը ըսաւ իրեն թէ իրենց փոքրիկ

Արամը արձանագրուեցաւ Ժամուն տոմարներուն մէջ իբրեւ «եկեղեցւոյ զաւակ» :

Երբոր իր հայրը, Գէորդ աղան, օր մը յանկարծ մեռաւ սրտի կաթուածէ, Նիկողոս աղան արդէն մէկզմէկէ աղուոր երկու զաւկի հայր էր ինքն ալ :

Որքան ալ դաղտնի պահած կարծէր իր կենակցութիւնը, շատերը իմացեր էին ասիկա : Այն վրան գլուխը շնորհքով մարդը որ ատեն մը ցերեկները միայն և վերջն ալ շաբաթը գիշեր մը Սկիւտար կու դար Սօֆիկ հանրմին տունը, նախ ազգական մը կարծուեր էր դրացիներէն. բայց այս ենթադրութիւնը շուտով մէկդի եղած էր : Քանի մը ընտանիքներ Սօֆիկ հանրմին երթալ գալը գաղթեցուցեր էին՝ չղիչանելով պահձու կնկան մը հետ տեսնուիլ : Մնիկա սակայն իր զաւակները խնամելու, մեծցնելու ետեւէն էր միայն. իր չքացած կեանքին վրայ ափսոսալով չէր դառնացած սիրտը. շատեր իր գեղեցիկ կնոջ հրապոյրներուն հետամուտ եղած էին առանց յաջողելու. հարկաւ կը փափաքէր որ այդ մարդուն հետ, որ վերջապէս իր ճշմարիտ էրիկն էր Աստուծոյ առջեւ, Ե-

կեղեցւոյ պսակովն ալ ամուսնանար, գոնէ իր զաւակներուն առջեւ ամօթահար չմնալու համար, գոնէ անոնց անուն մը ձգելու համար: Բայց Նիկողոս աղան միշտ խուսափեր էր ասկէ: Դպրոցին մէջ իր տղաքը՝ Արամը ու Գէորգը՝ մօրերնուն մականունովը յիշուեր էին: Երբոր խելամուտ ըլլալ սկսան անոնք, ուրիշ հոգ մը իր մայրական մտմտութիւններուն վրայ աւելցաւ. պէտք էր իր տղոցը առջեւ անուն մը տալ այն մարդուն որ շաբաթը մէյ մը իրենց տունը կու գար: Նիկողոս աղան մօրեղբայր մը եղաւ ուրեմն, և քիչ մը ատենի համար այս հնարքը յաջողեցաւ: Յետոյ, ուրիշ կսկիծներ եկան. օրին մէկը Արամ գպրոցէն լալով տուն դարձաւ. կռիւի մը միջոցին տղաքը թիճ թիճ պուտացեր էին իր երեսին ու հալածեր էին զինքը. վարժապետն ալ՝ փոխանակ պաշտպանելու՝ վռնտեր էր զինքը: Անկէ վերջը այդ նախատիւնքը տեսակ մը սովորական մակդիր եղած էր Արամին, այնքան որ ստիպուեր էին զայն գպրոցէն հանել:

Ռ.

Հօրը մեռնելուն՝ Նիկողոս աղան քառասունը անցուկ էր արդէն, գպրոցական տղու մը հնազանդ ու կրաւորական գերին մէջ փճացած: Մայրերն ու հայրերը «չնորհրով», «խօսք մտիկ ընող» զակի օրինակ ցոյց կու տային այս աղերբեկ մաղերով մարդը, միշտ սեւ կամ մութ գոյն զգեստներ հագած, ամառ ձմեռ չհանելով կռնակէն թառճախն զոր իր տարիքէն եղող մարդու մը համար անհրաժեշտ կը կարծէր: Օձիքը վար դարձած ճերմակ շապիկին սեւ քրավաթը երբեք չէր փոխուեր: Իր առուտուր ըրած խանութէն գիտէին անոր հաստատատիպ ճաշակը, ու ներս մտնելուն, սովորաբար Մնունդէն կամ Զատիկէն քանի մը օր առաջ, առանց հարցնելու կը պատրաստէին իր ուզածը, հոս իր զգեստները, հոն վեց ձեռք շապիկ, երկու քրավաթ, ձմեռը երեք հատ լաւ տեսակ բուրդէ ֆանելա և վեց հատ գուլպայ, ամառը բամպակէ: Նոր լաթ հագնող տղու մը պէս կը հրճուէր այս ամէնը գնելով, միակ ուրախութիւնը իր բովանդակ

կեանքին որ անխափան կերպով տարին երկու անգամ կը կրկնուէր :

Գէորգ աղային մեռնելէն ի վեր , տանը մէջ անոր տեղը բռնելու կոչուելուն՝ նախ բողբոլին շուարեր մնացեր էր ու ապարդին ջանքեր ըրած էր իր հլու ու ծռած ողնաշարը շտկելու համար :

Միջոց մը կարգուելու գաղափարը մտքէն անցաւ : Սօֆիկ հանրմ ախքա՛ն շատցուցեր էր թախանձանքը որ Նիկողոս աղան պահ մը համոզուեցաւ պսակուելու հետը : Իր խոստովանահայրը՝ մաքուր ու պարզասիրտ քահանայ մը՝ ան ալ խրատեց Նիկողոս աղան : Բայց տունը խօսքը բանալուն՝ ամէն բան տակնուվրայ եղաւ :

Նեկտար հանրմ մեղմ ու հեզ ձայնով մը զգացուց որ հօրը անէծքը պիտի հասնէր անոր վրան , թէ որ ատանկ բան մը ընէր . յետոյ , դեռ իր քոյրերը չկարգած ինքը կարգուելու ելլելը չտեսնուած բան մըն էր . միւս եղբայրը կարգուելը էր ահա և գլխուն եկածը տեսեր էին . նորէն ինքը գիտէր . հարկաւ կարգուելուն պէս՝ գալիք հարսը պիտի վռնտէր զիրենք տունէն և երկու խեղ-

ճերը պիտի մուրային կամ Հիւանդանոց պիտի երթային . բայց տանը մեծն էր ինքը և անոր հրամանին հնազանդելու պարտաւոր էին իրենք :

Նիկողոս աղան այս խօսքերուն դէմ պատասխանելու բան մը չկրցաւ գտնել . հօրը խոժոռ դէմքը պատկերացաւ իր աչքին առջեւ , հայրը նստած սա դէմի անկիւնը , ճիշդ դէմը . ու այս վերջուշումով չկրցաւ խոստովանիլ ոչ իր հին սէրը , ոչ իր զաւակներուն գոյութիւնը : Ներսիգիէն իրաւունք տուաւ իր քրոջ ու՝ ամէն վարանամիտ մարդու պէս՝ յարմարագոյն ժամանակի մը թողուց այս անել վիճակին կարգադրութիւնը :

Նիկողոս աղային գործերը ա՛լ աւելի աղէկցեր էին հիմայ . Չարչըին մէջ խուշուռնիներուն էն հարուստներէն մէկն էր , Լօնճայի մէջ անդամ , իր գեղին Թաղական Խորհուրդին մէջ գանձապետ էր :

Իր եղբորորդին , չափահաս պատանի մը , իր առուտուրին մէջն էր : Որքա՛ն երջանիկ պիտի ըլլար թէ որ իր բուն զաւակները , հիմայ երկու հրեշտակի պէս աղաքներ , իր քովը ըլլային . բայց կը խորհէր որ բարոյա-

կանի դէմ պիտի ըլլար ասանկ բան մը ը-
նելը : Ու Նիկողոս աղան իր վարանումին մէջ
մնաց :

Ե.

Հօրը պէս ինքն ալ օր մը յանկարծակի ,
սրտի կաթուածէն , ժառանգական ախտէն
մեռաւ :

Եկեղեցին ու ժողովուրդը տակն ու վրայ
եղան այս մարդուն յուզարկաւորութիւնը ը-
նելու համար :

Յուլիսի մէջ՝ կիրակի ցերեկ մըն էր : Ժա-
մուն բոլոր շահերը ու մամբրը վառեցին ,
վարդապետները ու տէրտէրները հրաւիրուե-
ցան ու եպիսկոպոս մը գտնուեցաւ որ պատ-
ուաւոր մարդու իբրեւ տիպար մէկը ներկա-
յացուց ննջեցեալը : Ապաքէն ժողովուրդին
կարծիքն է որ պատիւը՝ ոչ այնքան կարգէ
ու կանոնէ իրօք չընելու , քան թէ շե-
ղումները չցուցնելու , պարտկելու մէջն է :

Ոչ ոք աշխարհիս վրայ Նիկողոս աղայէն
աւելի կեանքին մէջ իր թերացումները պա-
հած էր . ամբողջ ընտանիք մը քայքայել ,
իր հարազատ զաւակներուն ոչ միայն ապ-

րելու նիւթական միջոցները՝ այլ անուն մը
ձգելու չէր յօժարեր . ատոր համար ու իր
յանցանքը ատ տղոց վրայ ձգելով փախեր
էր աշխարհէն : Ընկերական նախապաշարեալ
կարծիքը ոչինչ կրնար ուզել իրմէ ասկէ ա-
ւելի :

Հանրութեան առջեւ իր վայելած յար-
դանքէն բան մը պակասած չտեսնելու համար
չարժած էր միշտ անիկա , իր բովանդակ կեան-
քին մէջ . իր կամքէ զուրկ մարդու նկարա-
գիրն ալ մնացածը ըրեր էր :

Կամաց կամաց կը տանէին դագաղը այս
մարդուն որ իր յանցանքին բոլոր ահաւորու-
թեամբը կարծես թէ ծանրացած էր այս
պահուս :

Յետոյ , մեռելակիր մարդիկ փոյտնէի ջուր
սրսկել սկսան դագաղին վրայ . անոր շատ
մօտէն գացողները թաշկինակնին քիթերնուն
տարին . դիակին նեխումը սկսած ըլլալու էր ,
վասն զի դարչելի հոտ մը , ամէն ջանքերու
հակառակ , կը ծաւալէր , դուրս կ'ելլէր դոց
սնտուկին չորս դիէն :

Ու այս ապականութիւնը , զոր կարելի
չէր ըլլար ահաւասիկ պարտկել , այս մարդուն

վախճանին խորհրդանշանը կը թուէր, ամէն եսասէր կեանքի վերջնապուն խորհրդանշանը, իսկոյն ժայթքելով դուրս, գերեզմանի մը մինչեւ մուտքը հասնելուն իսկ չսպասելով:

Հիմայ գարչահոտութիւնը կը սաստկանար, այս աղուոր կիրակի օրը աղտոտելով. ապահովապէս ներքին արիւնահոտութիւն մը պատահած ըլլալու էր. մտելին տէրերը ինչ ընելիքնին չէին գիտեր ալ. եկեղեցիին առաջին կարգի թաւիչէ ծածկոցը՝ իր արծաթափայլ լայն խաչովը փռուած այս գիակին վրայ՝ բոլոր համակրութիւնները որ այս մարդուն կ'ուղղուէին, չէին յաջողեր այս թարախի ու շարաւի կոյտին պղծութիւնը նուազեցնել:

Յերեկուան մաքուր ու պայծառ արեւը վերէն կ'իջնէր ամէնուն վրայ, իր ճշմարտութեան յստակ լոյսովը ողողելով այս պատիր մարդոց տղայական շարժումները, հեզնելով անոնց մութ ու շինծու խղճմտանքին կարգն ու սարքը:

Ընտրեալ բազմութիւն մը ետեւէն կ'երթար. ամէնքը միարբերան անոր դովեստը կու տային. չարախօս մը որ անպակաս է ա-

սանկ հաւաքումներու մէջ, փսփոսաց որ լուսահոգին երկու զաւակ ունէր, երկու զաւակ զորս չէր ճանչցած. ամէնքը լսեցին ասիկա. բայց այդ բազմութեան աչքին՝ ճիշտ այդ զաւակները չճանչնալուն մէջ կը կայանար այս մարդուն պատուաւորութիւնը. երես չտունն ու ծուռ նայեցան այդ շատղրուցին:

Կը յիշեմ յետոյ դատը որ ծագեցաւ այս մարդուն մահուրէն վերջը:

Սօֆիկ հանրմ իր սուգը պահեց, բայց զաւակներուն իրաւունքները պահպանելու մէջ չթերացաւ. նախ թաղ. Խորհուրդին, յետոյ Պատրիարքարան զնաց, իր զաւակներուն ինչ ըլլալիքը հարցուց. ամէն տեղ իր լրբութեանը վրայ զարմացան. ինչպէս Ս. Պսակը չտեսնող կին մը՝ ամուսնական և մայրական իրաւունքներու թեկնածու կ'ըլլայ. վունտեցին զինքը. ճարը հատած՝ այս մայրը Նեկտար հանրմին լուր զրկեց. անոր եղբայրը իր զաւակներուն հայրն էր ու մեծ հարստութիւն մը ձգած էր. այդ զաւակներուն համար օգնութիւն մը ուզեց:

Նեկտար հանրմ խօսքը ուրիշէն փոխ չէր

առններ . պատասխան տուաւ որ անոր թիճերը նայելու պարտք չունէր . այն ատեն Սօֆիկ հանրմ գատարան դիմելու ելաւ : Ժողովները ու դիւանները իրար անցան խօսոյն , պահպանելու համար ամուսնութեան նուիրականութիւնը որ վտանգի տակ ինկած կ'երեւար իրենց աչքերուն :

Բայց արդարութիւնը այս կնոջական վայնասուններուն առջեւ տեղի չտուաւ :

Գիպուածով ներկայ գտնուեցայ Մեծ Չարչիի դուռը , երբ Շէրիի պաշտօնեաներ հանգուցեալին սենեակը կը կնքէին . իրիկուան ուշ ատեն էր ու մութը կ'իջնէր տակաւ , քարակօփ կամարներուն տակ կը թանձրանար . խորշուճիները եկեր հաւաքուեր էին այնտեղ :

Նեկտար հանրմը իմացեր , վազեր հասեր էր հոն՝ լեզու ու բերան կտրած . բոլոր Եւնասթութիւնը իր աւանդական մոլոր վարդապետութիւններովը , կեղծ իբով ու շահով շինուած բարոյականովը , այս պառւած աղջիկով կը ներկայանար , հայերէն-տաճկերէն խառն իխուռն յիշոցներով լեցուն լեզուազարու-

թեամբը : Կը խօսէր ան , պաշտօնեաները համոզել կը ջանար . ու անոնց անկարեկիր ու անտարբեր դէմքէն չկրնալով քաջալերութիւն գտնել , հոն ժողովուած արհեստաւորներուն կը դառնար , վկայ կոչելով զանոնք իր դատին արդարութեանը , քրտնաթոր , լեզուն դուրս ինկած , գրեթէ հեկեկալով .

— Ես Նիկողոս աղային հարազատ , էօզ քուրն եմ . կը ճանչնաք խորշուճի Նիկողոս աղան :

Բազմութիւնը կը մօտենար , հետաքրքիր կռիւ մը դիտելու , վէճի ունկնդրելու համար :

— Հօրմէս մնացած է այս բոլորը , կը պոռար անիկա , Գէորգ աղայէն . եկեր ախպօրս սենեակը կը կնքեն . ի՞նչ իրաւունքով . ես ու քուրս , մէյ մըն ալ եղբօրս զաւակը ժառանգորդ ենք . այս է օրէնքը . հիմայ ելեր սուտ զաւակներ կը հնարեն կոր . աս ի՞նչ անպատուութիւն իմ ախպօրս . լուսահողին աղա մարդ էր , անանկ բան չէր ընդուներ :

Հետզհետէ ծանրացող մթութեան մէջ՝ դէմքը չէր տեսնուեր , բայց ձայնը՝ հեղձամրդձուկ , խղզո՛ւող , անհետացող մոլորանքի մը

պէս , վերջին անգամ նոր ոյժով մը ըռու-
թեան մէջ կը թնդար , կամարէ կամար կը
թռչտէր :

Հոն եկողներէն մէկը խօսքի խառնուե-
ցաւ .

— Ես աղէկ դիտեմ որ Նիկողոս ազան
երկու զաւակ ունի :

— Զաւա՞կ մի ունի , բիճե՞ր չըսէ՞ք սը-
ւոնց . ո՞վ կը ճանչնայ ատոնք . . .

Յուզմունքէն՝ ձայնը կը դողար ու պաշ-
տօնեաներու ձեռքէն կը բռնէր կնքելու գոր-
ծողութեան դիմադրելու համար : Մեղմիւ ,
մարդիկը մէկգի կ'ընէին զինքը , համոզելով
որ իրենց պարտքը կը կատարէին ամէն բան
կնիքի տակ գնելովն , թէ այդ գործողու-
թիւնը մէկու մը իրաւունքին վնաս չէր տար :

Բայց Նեկտար հանրմ կը յամառէր ,
կ'ընդվզէր՝ իր կամքը ու է կերպով քայլե-
ցընելու վարժութեանը մէջ վիրաւորուած ,
ու իր գէր ու կարճ հասակովը պատուարի
մը պէս կենալով երկաթէ դրան առջեւ ,
անոր մուտքը արդիւիւր գերմարդկային ջան-
քով մը ու ցասմնակոծ ատելութիւնը դար-
ձընելով անոնց որ այս դատը կ'ընէին իրեն
դէմ .

— Այո՛ , բիճե՞ր , պարզ բիճե՞ր անոնք . . .

Յետոյ մարելը մը եկաւ վրան , երեսը
կապուացաւ , ծռւարկեցաւ . ջուր զարկին ու
աթուռի մը վրայ նստեցուցին զինքը . աչքերը
գոց էին , բայց շրթունքը դեռ քիչ մը ա-
տեն երերացին՝ շարունակելով թոթովել նա-
խատինքը , մինչեւ որ գոցուեցան :

— Իջուածք է , ըսին հոն գտնուողները :

Ու նորէն ժառանգութիւնն էր , ախտի
ժառանգութիւնը այս անգամ , որ ստաց-
ուածքի ժառանգութիւնը այդքան սաստկու-
թեամբ պահանջող այս կինը միանգամ ընդ
միշտ գոհացուց :



ՄԱՄԱՅԻԴ ԲԱՐԵԻ ԸՐԷ

Ա.

Քարգամանչաց վարժարանին յիշատակներէս ամէնէն քաղցրը՝ պատուհան մըն է, թաշ վերտիպէնէն պատուհան մը :

Փողոցի դրան քովէն եղրեւանի մը կը բարձրանար կը տարածուէր տանը երեսին, հինցած տախտակներուն գունաթափ ներկին վրայ, հազար ու մէկ ճիւղերով որոնք հետըզհետէ հեռուն երթալով կը նրբանային, իրենց ելեւէջներուն, գիրկընդխառնումներուն հետ պտտցնելով կանանչ տերեւներու և կապոյտ ծաղիկներու կոհակներ :

Մենք այդ ծաղկի ու տերեւի, դարնան ու երջանկութեան շրջանակին մէջէն կը տեսնէինք միշտ իր հիանալի դէմքը, մազերը՝ ցիրուցան իր եղրեւանիին պէս, և սեւ սիրուն աչուրները՝ որոնք կը ժպտէին մեզի՝ երբ իրիկուան արձակուրդին կ'անցնէինք փողոցէն, դասի տետրակները թեւերնուս տակ, ապա դայի յիմար երազները գլխնուս և որ աւելին է՝ սրտերնուս մէջ :

Կը ժպտէր մեզի, մեր դպրոցականի հետաքրքիր ու պահանջող ակնարկին փոխարէն, կը խնդար փողոցին այս պատանի անցորդներուն որոնք ա՛լ մտերիմները, պաշտողներն էին իրեն :

Սուրված էինք անունը՝ գեղեցիկ, տարօրինակ, իր դէմքին պէս . կը յիշեմ որ մեր բանաստեղծական առջի փորձերուն մէջ ինքը եղած էր խռովիչ մտատիպարնիս :

Հայր Արսէնի ազատ մեծաչափ տողերէն սկսած մինչեւ հինգ ոտքով անձուկ ոտանաւորներու մէջ սիրեցինք ու երգեցինք զինքը, սիրահարական դրազիտութիւն մը որուն մէջ թերզեանի դասերը իր անուշ նայուածքին կը խառնուէին ամէն ատեն :

Հիմայ այդ պատուհանը փակ է, այդ տունը կիսակործան ու թափուր՝ մեր սրտերուն պէս :

Միայն՝ եղրեւանին կ'աճի, կը ստուարանայ միշտ. ծառ մըն է հիմայ. ամուր ու հաստատ բունին կռթնած՝ մինչեւ տանիքը հասցուցած է տերեւներուն կանանչ սաղարթները ու ծաղիկներու գլխահակ գանգուրները. իր ճիւղերն ու ընձիւղները՝ անհուն տարփանքի մը, ջիղերու մշանջենական երիտասարդութեան մը գալարումները, պըրկումները ունին, և ծերութիւնը, այս ծառին մէջ, ամէն գարնան՝ մոլեգին, ախտափարակ ծլումներով, ծաղկումներով աչքի կը զարնէ :

Բ.

Սերվինազ մէկունը կամ միւսինը չէր. յայտնի կ'երեւար որ կը սիրէր մեր Դ. կարգը իր հոգիին պէս. հա՞րկ է ըսել որ ինքն ալ մեր Դ. կարգին պաշտեցեալ հոգին եղաւ միշտ :

Իր ժպիտը՝ ամէնուս վրայ բաժնուելով չէր տկարանար, պղտիկնար, անբաւական դառնալով առանձինն ամէն մէկերնուս. ո՛չ.

այլ կերպով մը իր զաւակներն էինը որոնց վրայ հաւասարապէս կը տարածուէին իր դուրովը ու խանդաղատանքը՝ վառ ամէնուս համար ալ :

Թերեւս մեր անձերը չէր սիրեր այլ մեր պատանութիւնը, մեր թիւը, մեր զարտուղութիւնը :

Երբեք իրարմէ չնախանձեցանք զինքը. ոչ ալ իր ընտանիքը ընդմիջեց մեր անմեղուկ տարփանքին քաղցրութիւնը. տասերեք տասնըչորս տարու պատանիներ՝ լուրջ թեկնածուներ կամ վախնալու տարփաւորներ չէին անշուշտ. բայց կրնամ վստահութեամբ ըսել որ ամէնընիս ալ այդ պահուն յօժարափոյթ պիտի ամուսնանայինք իրեն հետ, թէեւ ութը, տասը տարու մեծ եղած ըլլար մեզմէ :

Այս սէրը՝ Դ. կարգին ուսման ծրագրին մասը կը կազմէր, քաղցրացնելով անհատնում դասախօսութիւններով լեցուն օրերնիս. իր հրապուրիչ դէմքը՝ կառավարչին ժանտ ու թթուած երեսին դառնութիւնը կը մուսնէր :

Այսպէս հեշտիւ բոլորեցաւ տարեշրջան մը որ չպիտի վերսկսէր, Թարգմանչաց վարժարանի խանդարմամբը : Դ. կարգը՝ այնքան

հոծ , այնքան սերտիւ կապուած , մէկ սիրտ , մէկ հոգի չմնաց . ամէնքը ցրուեցան հոս հոն , ամբողջացնելու համար կիսկատար ուսումնին . ապագայ մը շինելու , ընկերական գոյութիւն մը պատրաստելու հետամուտ : Անհունական հաշիւներու Քօրմիւշներուն և Քերբուռի օրէնքներուն մէջ մուցանք Սերվինազն ու իր եղբււանիով գոցուած պատուհանը :

Պ.

Ինքը չմուցաւ մեզ . հինգ տարի վերջը , երկրաչափի վկայականս առնելէ ետքը , առնախմբութեան երեկոյթի մը մէջ հանդիպեցայ իրեն . նոյնը մնացեր էր իր հրաշալի գեղեցկութիւնը , և բազմութեան մէջ իր գլխու շնորհալի շարժումէն անմիջապէս ճանչցայ Սերվինազը . պարօղներու կրկին շղթայով մը շրջապատուած էր . ես՝ արդէն հեռու աշխարհիկ երիտասարդ մը ըլլալէ , աւելի վայրենացած իմ չափի ու հաշուի մարդու վերացումիս մէջ , արհամարհանքով կը նայէի արդ փերեւետիկ տղոց , հեռուէն կ'ունկընդրէի այն փուճ ու սնտոի խօսակցութեանց որոնցմով օրիորդին քով ամէն ոք իր նրբամտութեան չափը կու տար :

Ակամայ միտքս կը հաշուէր (հաշուի մարդու ունակութիւն մը) արժէքը այդ տղոց , այդ ծեքծեքումը , այդ սեթեւեթ շարժումները , և գումարս՝ անհունապէս փոքրի , զրոյի , ոչնչութեան կու գար կը յանգէր :

Սրահին լոյսերուն մէջ Սերվինազ կը ճառագայթէր , մաքուր հագուած , ձեռնոց դնող երիտասարդներու թելը մտած . որչա՛փ կը փափաքէի խօսիլ հետը . ի՞նչ պիտի ըսէի եթէ երբեք համարձակէի մօտենալ իրեն . հինգ տարի առաջուան մեր պատուհանի մտերմութիւնը կը բաւէ՞ր յանկարծ քովը երթալու , հոս այս մարդոց մէջ , իբրեւ թէ ընդհատուած խօսակցութիւն մը շարունակելու ձեւով :

Սերվինազը գիտելով իր գեղեցկութեան յաղթանակին մէջ , կը յիշէի Թաշվերտիվէնի պատուհանը , եղբււանիի կապոյտ խոսպոպները և մեր անմոռանալի Գ. կարգը , որուն մնացորդն ու ներկայացուցիչն էի այստեղ . և այս պահուս միտքս կու գային մեր քերթուածներէն տուներ , ամբողջ հաւաքածոյ մը , որուն մէջ իր անունը կը կրկնուէր միշտ անուշ արձագանգի մը նման և զորս ներշնչող

աստուածունհին ահա դէմս է, հո՛ դ, այդ ապերախտը՝ որ դիս չի ճանչնար հիմայ :

Սրահը կը թողում սենեակի մը անկիւնը քաշուելու համար և ահա շրջադգեստի շքր-չիւն մը կը լսեմ ետիս . ինքն է . աճապարանքով կը մօտենայ ինծի . կ'երեւայ թէ շատ ատեն չունի կենալու :

— Ի՞նչպէս ես, ազէ՞կ ես :

Կը սիրեմ այս պարզ ու եզակի ձեւը որ պաշտօնականի չի վերածեր մեր ատեսութիւնը . կը զգամ որ միշտ մեր Դ. կարգին Սերվի-նազն է :

Լըջաթոյր ձեռնոցին թաթիկներովը կը շոյէ երեսս :

— Մեծցեր ես :

Ինքը ապահովապէս աւելի երիտասարդացած էր :

Յետոյ, մտերմաբար, տասը տարուան բարեկամի մը պէս, շարժելով իր ազուորիկ գլուխը, ու վեր առնելով սաթի պէս փայլուն մազերէն մաս մը որ ճակտին վրայ կ'իյնար, շուրջը կը դիտէ անգամ մը, գողունի նայուածքով, կարծես նախանձոտ աչքերէ գաղտուկ սիրոյ ապացոյց մը տալու համար

ինծի . ո՛չ որ . այն ատեն դո՛հ սիրտով ինծի կը դառնայ .

— Ծխելու համար հոս եկայ . մարդ չտեսնայ, շո՛ւտ, սիկառ մը տուր :

Դ.

Այդ գիշերէն զատ մէյ մըն ալ չտեսայ զինքը :

Այն միայն իմ դասընկերներէս, որ միշտ հետեւեցաւ իրեն՝ ինձմէ տարիքով ու սրտով մեծ երիտասարդ մըն է :

Երկուքն ալ ձախորդութեանց զուգահեռական գիծով մը շարունակեցին ճամբանին . Ջարեհ չմտաւ երբեք այն ուղին ուրկէ խղճահարութիւններէ զուրկ ապիկարութիւնները կը յառաջդիմեն . գործի մարդ չեղաւ բնաւ . իր հոգին՝ մաքուր, միամիտ ու երիտասարդ մնաց : Դպրոցէն ելլելուն՝ վաճառականի գրագիր եղաւ և գրագիր մնաց մինչեւ վերջը . դպրոցին մէջ ամէնէս յառաջադէմն էր, բանաստեղծ մըն էր . հոս՝ վաճառատան ահա գին մաշտոցներուն դէմը՝ ապշած, օրն ի բուն կըբելով, խոնարհելով անբանի մը աշխատութեան տակ, դեռ ատեն կը գտնէր իր դը-

րական փորձերը, պատրանքները շարունակելու :

Չօրպածին Արեւելի մէջ կարգալով Զարեհի ստորագրութիւնը, կը զարմանար, կը նախանձէր իր եւագրքիին գրական կարողութեան և համբալին վրայ. գրպանը ստակ մը չունեցող մէկը զոր ամէն ոք կը ճանչնար, մինչդեռ ինքը՝ էֆէնտին, հարուստ ըլլալով հանդերձ, անծանօթ կը մնար. և յաջորդ օրը Զարեհին դէմ կը դառնար իր զայրոյթը, կը դիտէր սեղանին վրայ ծռած գրադիրը, ջանալով աչքին պոչովը դուշակել անոր գրութեան նիւթը, վախնալով որ իր վճարած ուշիատութեան մէջէն մաս մը չգողնայ. և այս հեռատեսութեամբ առաջուց կը յանդիմանէր զայն.

— Արեւելին զոր զոր յօդուած գրելուդ, սա սօն պիղանցօն լմնցուր :

Այս հաշիւներուն մէջ Սերվինազի պատկերը, դպրոցական օրերուն սէրը, անբաժան կը մնար իր սրտէն, որուն վրայ կարծես հիմայ պատատուկ տունկի մը պէս երթալով կը փաթթուէր :

Զէր վշտացեր Սերվինազի ամուսնութեան

լուրը առնելուն. թերեւս երջանիկ ըլլար այդ ամուսնութեամբ. Զարեհի սէրը անձնուրացութեան կը մօտենար հիմայ. բայց այս ամուսնութիւնն ալ ահա աղէտաւոր ու դժբաղդ միութիւն մը եղած էր. հիւանդութեան, չքաւորութեան շրջան մը :

Հիմայ երիտասարդը ալ աւելի կը յամառէր, անգրդուելի կը մնար իր սիրոյն մէջ : Տարօրինակ տեսարան մըն էր այս տղուն կեանքը, որ իր տուժարներուն մէջ թաղուած, հաւատարիմ իր առջի սիրոյն, դեռ այս կիներ կ'երազէր ու անոր կը ցանկար ամէն վայրկեան. ոչ ամուսնութիւնը, ոչ չքաւորութիւնը, ոչ գեղեցկութեան կորուստը մագի չափ չէին դղրդած և տկարացուցած իր սիրոյն հաստատուն ու զօրաւոր շէնքը :

Վեհանձնութեան, ասպետական հաւատարմութեան սպարտը մը կը համարէր ձախորդութեան, անկման ժամանակ չքել իր սիրոյն առարկան. ընդհակառակը՝ վաճառատան մէջ զինքը չորս կողմէն շրջապատող ապշեցուցիչ թուանշաններուն մէջ՝ իր բանաստեղծի երեւակայութիւնը կը գրդուուէր :

Գրչին տակն էին այն մեծամեծ գումարները որոնք վայելքներու աշխարհներ կը նըշանակէին . հարիւր հազարաւորներ իրարու վրայ բարդելով կամ իրարմէ զեղչելով ոսկիի դեզեր կը խառնէր իր տումարներուն մէջ, ինչպէս Միջին Դարու աշխիւխար մը իր ատրաշէկ հալոցին մէջ : Օրն ի բուն գրչի մէկ հարուածով կը հարստացնէր կամ կը փճացընէր այն հէք արարածները , զորս ինք ստեղծած ու կնքած էր Մայր-Հաշիւին ամէն մէկ էջին գլուխը , Ընդհ. Ապրանք , Մնտուկ , և որոնց վրայ , ամենահզօր նախախնամութեան մը նման , կը խրոխտար :

Ի՞նչ կ'ըլլար եթէ այս բոլոր հիացուցիչ գումարները որոնք իր գրչին տակէն կ'անցնէին շարունակ , մարմին առնէին յանկարծ , չքաւորութեան մատնուող սիրուհիի մը ընծայելու արժանի կեանք մը շինելու համար :

Ե.

Թարլա-Պաշրի անձուկ ցեխտա փողոցներէն մէկը . քարուկիր տուներու խիտ ու հոծ շարք մը , կարգով կեցող դպրոցականներու գիծի մը կամ քով քովի սեղմուող մսկոտ

հաւերու երամի մը նման . հազիւ հինգ կանգուն լայնքով տուն մը , որ իր երկու քովի պատերուն մէջ ճզմուելուն համար կարծես վեր վեր կ'ելլէ շարունակ . բաց դուռնէն՝ կերակուր եփելու հոտ մը կը ծաւալի դուրսը , ներսը , բակին մէջ , սանդուխին վրայ , որ մութին մէջ կը կորսուի :

Դէմ դէմի երկու սենեակ առաջին յարկը կը կազմեն . այսպէս ալ բոլոր միւս յարկերը . իրական սեժեր թաւի մըն է այս տունը . ու կ'ելլես վեր , յարկ մըն ալ վեր , և ուրիշ յարկ մըն ալ , առանց յաջողելու կատարը հասնիլ . Պ. Փափաղեանի «Վերելքն յԱրարատ»ը :

Ամէն սանդուխին վերջանալուն՝ որ սահմանագլուխ մը կը նշանակէ , լեզուները , դէմքերը կը փոխուին . յունարէնով կը սկըսիս՝ գերմաներէնէ , ֆրանսերէնէ , տաճկերէնէ անցնելէ յետոյ հայերէնին քով շունչ առնելու համար : Հոս՝ ծեր հեյլէնուհի մը , հոգ՝ մանկամարդ հայ հռոմէական կին մը , ամէն տարիքներ ու ամէն տարազներ , որոնցմէ կ'անցնիս անսայթաք , հոն , վերը , Սերվինազի սենեակը մտնելու ջանքով :

Այդ սենեակը պէտք է տանիքին անմիջապէս տակը գտնուի. բայց որքան ալ բարձրանաս երբեք բացարձակ վստահութիւն չկայ հոս, վրադ գեռ ուրիշ յարկ մը չունենալուդ :

Երկու պատահաններէն կը տեսնուի թաթավան Բերայէն բաժնող ձորը, որուն զառիվայրի տուներուն երկարող կարգերը հետզհետէ իջնող լայն սանդուխ մը կը ձեւացնեն :

Սերվինազ՝ էրկնէն բաժնուած՝ հոս կը բնակի իր ութ տարու տղուն, Լեւոնին հետ. երեսունըհինգի մօտ կին մըն է, անցեալ գեղեցկութեանը գիտակցութիւնը, արժէքը զգալով հոս, այս պօռսախն մէջ որ Բերա կը կոչուի. հիմայ ալ, իր սեւ սաթի մազերը առատ ու գեղեցիկ են առաջուան պէս. հասակը նուրբ, բարեձեւ մնացած է. երեսին մորթը կծկած քիչ մը. շրթունքը՝ հեգնութեան պրկում մը ունի, որ դէմքը կը տգեղցնէ, բայց ակռաները մաքուր և ամբողջ են. վերջին հիւանդութենէն նիհարցած՝ ուսին տախտակները կը ցցուին դուրս :

Չարեհին հետ խօսած ատեն կը բացատ-

րէ որ չէ կրցած աղէկ մը վրայ գալ. պզտիկ օդամիտսութիւն մը, քիչ մը աղէկ գինի, և առջինէն աղէկ միս պիտի կապէ, միս, այո՛, վասն զի, անանկ չէ՞, էրիկ մարդիկ միտէ կ'ախորժին :

Կը խօսի խնդալով, կը խոստովանի իր հրապոյրներուն պակսիւր, ինչպէս յանցանք մը պիտի խոստովանէր ակամայ. և արդարացնել կ'ուզէ ինքզինքը, պատճառները թուելով. քաշած նեղութիւնը, դէշ էրիկ մը, հիւանդութիւնները : Յետոյ երիտասարդը խապառ չյուսահատեցնելու համար իր վայելչութեանը վերադարձէն, կ'աւելցնէ որ ամէն բան կրնայ դարմանուիլ քիչ մը հանգստութեան երես տեսնելով : Անցեալը ապագային երաշխաւորութեան կը կոչէ, երաշխաւորութիւններու ամէնէն անհիմնը :

— Ատեն մը, գիտե՞ս, ինչպէ՞ս պըրիս պըրիս էի. հիմայ չորցայ :

Եւ կը ժպտէր տխուր ժպիտով մը որ ալ աւելի կը տգեղցնէր զինքը :

Շուրջը կը նայէր, սեղանին վրայ, անկիւնները փնտռտուքի կ'ելէր ու կը դառնար երիտասարդին .

—Թիւթիւն չունիմ որ հրամցնեմ:

Բիշ մը վերջը իր կեանքէն կը դանդաւտէր.

—Աղէկ օրի երես չտեսայ. հազար հոգի բէշիս կը պտտէր, դուն աղէկ գիտես:

Կը շարունակէր, բազդատուծիւն մը ընելով մտքէն.

—Իմ կէսս չարթողները . . .

Եւ, հաւանական պատասխանի մը առաջըը առնելով,

—Ձեմ ըսեր որ ես գեղեցիկ եմ. առաջ՝ ուրիշ խօսք:

Ամէն ոտքի ելլելուն ակնարկ մը կը նետէ գէմի հայելիին. սեւ, հինցած շրջանակով հայելի մը որուն վրայ ոսկի քանդակները կեցած են դեռ. մէկ նայուածքով իր մարմնին, կեցուածքին, հագուստին գիմացիներն վրայ ընելիք տպաւորութիւնը կը հարցնէ անոր և շրջազգեստին մէկ փոթը կամ մազին մէկ ոլորքը կը շակէ շուտով:

Փողոց ելած ատեն՝ ուշագիւր, հետաքրքիր, կը դիտէ կիները որոնք կառքերով կ'անցնին սրարշաւ, ժամանակ չձգելով իրեն դատաստանը ամբողջացնելու. անաչառ արուեստագէտի մը պէս կը տեսնէ, կը ցուցնէ ամէ-

նուն պակասութիւնը, չքաշուելով բնաւ տեսած կատարելութիւններուն վրայ ալ հիանալէ.

—Սա՛ անցնողը, նայէ՛, աղուօրիկ է, ըսելիք չունիմ:

2.

Սերվինազ կը գիրնար. միս կը կապէր վերջապէս, տանտիկնութեան միսը. և երիտասարդը կը շարունակէր դալ, ամբացած իր տոմարակալութեան պաշտօնին և այս կնոջ համար ունեցած սիրոյն մէջ. ամուրի մնացած էր հակառակ իր մօրը ջանքերուն, երբեմն գեղեցկութեանը, երբեմն տգեղութեանը համար չկրնալով զատուիլ Սերվինազէն և անոր կեանքին մօտ մնալու սովորութիւնը չկրնալով մէկդի թողուլ, մէկդի թողուլ իր բոլոր հաւատքը:

Այս տան մէջ, ուր բոլոր վարձակալները կը ճանչնային զինքը, կու գար ժամերով մընալ. երբեմն վերը կը սպասէր մինակ որպէս զի Սերվինազ վարը խոհանոցին մէջ իր կերակուրի պատրաստութիւնները աւարտէ ու դայ դէմը նստի. երբեք հետը դուրս չէր

եղբեր, վախնալով որ արատ չբերէ անոր անունին :

Վերջերը ա՛լ տունէն էր գրեթէ, ազգական մը Սերվինազին համար, որ անոր ներկայութեանը իր սենեակը կը մաքրէր, անկողինը կը շտկէր. երբեմն դէմի սենեակէն դրացուհին կու գար, կաթոլիկ Հայուհին, իրենց հետ խօսակցելու, ան ալ ամուսինէն բաժնուած կին մը, աւելի մանկամարդ, պզտիկ քոյր մը Սերվինազին, և բարեկամ մըն ալ կը բերէր մէկտեղ, ան ալ իր ազգականը անշուշտ :

Սերվինազ կը սկսէր ճանչցուիլ, հիւրեր կու գային. ինքը կը սորվէր Բերայի խօսելու յատուկ շեշտերը, վարուելու եղանակները :

Զարեհ կատակ կ'ընէր այս հիւրերուն վրայ. երբեմն կը հարցափորձէր .

— Ո՞վ էր սա առջի օրուան մարդը :

— Ի՞նչ, ա՛տկէ ալ կը նախանձիս, ես մնացի մնացի ատանկի՞ն մնացի :

Յետոյ՝

— Ես մարդու նայելու սի՞րտ ունիմ. ասկէ՞ ետքը :

Օր մըն ալ ելաւ խորհուրդ հարցնելու Զարեհին :

— Ի՞նչ կ'ըսես, Պէքեար փողոցը աժան տուն մը կայ, վարձու բռնե՞մ՝ բանսիօնէն առնելու համար :

Երիտասարդը համակարծիք չէր. այս պզտիկ սենեակէն գոհ էր ինք, թէեւ ատեն ատեն սրմուկովը՝ ներս մտնողի մը կամ դուրս ելլողի մը զարնուէր մութ սանդուխին վրայ :

Վայրկեան մը չէր կասկածեր այն կեղակարծ պարկեշտութեան երեւոյթին վրայ որ այս տան մէջ կը տիրէր, այս էրիկնէն զատուող կիներուն, այս երիտասարդ ազգականներուն ալէվուկ բարբերուն վրայ, որ կը լեցուէին հոն, իր սէրէն դուրս հետաքրքիր ըլլալու պէտքը չզգալով բնաւ և յաւերժացնելով մեր միամիտ Դ. կարգը :

Է.

Ումառուան իրիկուն մըն է. Մեծ Փողոցին մէջէն կը քալէր դիտելով վաճառատուններու ապակիներուն պարզած պերճութիւնները, հանդարտ ու ստոյիկ, երբոր կալաթա Սարայի մօտ լեւոնը տեսաւ, ձեռքը օղիի շիշ մը բռննած, թուղթի մը փաթթուած աղանդերի տեսակներով :

կեցաւ. հարցուց որի տանիլը այդ ամէնը. հիւր կար տունը. հիւր. ի՞նչ հիւր, օղիի փոքրիկ շիշը կը պատասխանէր իրեն. այս գլուխ գլխի շուարձութեան պատրաստութիւնները՝ փոքրիկ տղուն ձեռքին մէջ՝ պերճախօս ու աճեցի կը թուին յսնկարժ. սթամփում մը կ'ունենայ. փոքրիկ մանրամասնութիւններ որ իր աչքէն կը վրիպէին, հիմայ կուգան հատիկ հատիկ ամբաստանութեան ահագին զանգուած մը ձեւացնելու. իրա՞ւ է արդեօք. այո՛, առջի անուղղայ աղջիկն է այս կինը, այն զոր թաշ Վերտիվէնի պատուհանէն կը տեսնէր, եղբւանիկին կապոյտներուն մէջէն, և որ հիմայ այդ ծառին պէս ապաժաման ծաղկումներով կ'արթննար՝ տարիքը առնելուն հետ ուշ մնացողի մը պէս՝ աւելի բուռն տենչանքներու կատարը բարձրանալու մրցումով:

Եւ կը խորհի իր ալ կեանքին, ամուլ, անօգուտ ու աննպատակ, ամբողջ տառապանքի, սպասումի կեանք մը որ ընդ-քարշ դացած է միշտ այդ կնոջ ետեւէն, բոլոր պատանութիւնը ու բոլոր երիտասարդութիւնը կապուած, քամուած այս կնոջ խոստմնատու նայուածքին, որոնք այս վայրկեանիս անկէ

բաժնուելով ո՛ր և է յենակէտ մը չեն կրնար գտնել:


Իր պատերանքներուն այս քայքայման մէջ կը զգայ որ Մեծ Փողոցի շէնքերը կ'երերան, իր վրայ կը փլչին. կառք մը՝ զոր չի տեսներ՝ զինքը խորտակել կը սպառնայ. թեւէն կը քաշեն. անցորդները այս ապշած դէմքը դիտելով կը դրօսնուն. Սթոնէքի խանութին առջեւ, օղիին շիշը բռնող փոքրիկ տղուն քով կեցած կը խորհի, կը վճռէ. պիտի ձգէ, պիտի թողու այդ կինը որ այս վայրկեանէն ա՛լ գոյութիւն չունի իրեն համար. կը չափէ իր որոյման առաջ բերելիք սրտայուզութիւնը ու կ'ուրախանայ. հիմայ, շուտով, լուր մը, մահացու կապարի մը պէս անոր ճիշտ սրտին. հասկնայ որ ա՛լ տեղեակ է ամէն անցած դարձածին:

Լեւոնին թեւէն կը բռնէ.

— Ինձի նայէ, մամայիդ բարեւ ըրէ ինձմէ:

Ու շեշտելով տղուն իր ապսպրած բարեւին ահագին նշանակութիւնը.

— Չմոռնաս հա՛, ինձմէ մամայիդ բարեւ ըրէ:



երու մէջ ամփոփուած ոտքեր որոնց նրբա-
 ւարտ մատներուն ծայրերէն մինչեւ սրունքին
 դնդղուց միւր բարձրացող ու գրկող նուրբ
 կաշին երեւան կը հանէր ան, անպատկառ
 հրճուանքով մը, փողոցի փոշիէն կամ ցեխէն
 չաղտոտելու համար, պէտք եղածէն աւելի
 վեր՝ շատ աւելի վեր հանգրիծելով իր շք-
 ջազգեստը :

Այս ոտքերը բանաստեղծներուն երգած
 փոքրիկ ու մանկական խաղալիկները չէին .
 այլ իր մարմնեղ ու հասուն կնոջ — ըսի՞
 միթէ որ երեսունը անցուկ էր անիկա — հա-
 մեմատութիւններուն կը պատշաճէին, իրենց
 գիծերուն զմայլելի ներդաշնակութեանը մէջ
 միայն յայտնելով իրենց ուրոյնութիւնը :

Էմման գէմքը վերլուծող մը, այն յա-
 տուկ գիտութեան կանոններուն համեմատ ու-
 բոնցմով կ'ըսեն թէ մարդկային հոգւոյն մին-
 չեւ խորը կը թափանցեն, վախէն պիտի կենար .
 այնքա՛ն պակուցիչ ու ահաւոր բան մը պիտի
 գտնէր այս անմեղ ու մանկունակ երեսին
 վրայ :

Աղջիկ ատենը Օրթագիւղի մէջ շատ տե-
 սած էին զինքը . հիմայ, շատ մը տարիներ

Մ Ի Ի Ս Ը



Ս.

Էմման հայ հռոմէական կին մըն էր, եւ-
 րոպացիի մը հետ ամուսնացած . գե-
 ղեցի՞կ, չեմ գիտեր շիտակը . ո՛չ, գեղեցիկ
 չէր ան, գէթ արուեստագէտներուն սահմա-
 նած գեղեցկութեամբը :

Թուխ գէմքով սեւաչուի մը, հոյաշէն կա-
 ուցում մը որուն լանջքին ու բարձրուն
 զեղծանող, շռայլուող կարկառները պակասու-
 թիւն մը պիտի ձեւացնէին եթէ հասակին
 բարձրութիւնը չըլար :

Հոն՝ ուր իր մասնաւոր պըրանքը կը դնէր
 այս կինը, իր ոտքերն էին, միշտ նոր պօթ-

անցնելէն վերջը , երբեմն Բերայի Շիտակ ճամբուն վրայ կը հանդիպէի իրեն . ամառները Թարապիա կամ Բրինջիբօի մէջ ուր կուգար միշտ էրկանը հետ . կը տեսնուէր եւ աներեւոյթ կ'ըլլար իսկոյն :

Էմմա անոնցմէ չէր որ ամիսներով տեղ մը կը կենան , այնպէս որ զինքը տեսնելու ստուգութիւնը ունենաս : Այլ այն վաղակորոյս եւ ճիշդ ատոր համար փնտռուած հետաքրքրող ու երբեք չգոհացնող կնոջական տեսիլքներէն մէկն էր որոնց էրիկ մարդիկ անձկաբեկ կը սպասեն : Հորիզոնին վրայ անակնկալ կերպով ծագող ու անհետացող լոյսերէն մէկը՝ որոնց շաւիղը Լը Վէռիէ մը , աշխարհիս բոլոր անհունական հաշիւները մէկտեղ բերելով , չէ կրցած դեռ ճշդել :

Ես որ գիմագուշակ հարցուկի հովեր կ'առնեմ երբեմն , ամէն հեղ իրեն հանդիպելուս կը ջանայի , ինքնիրենս , իր դոյութեան առեղծուածը , իր ազիտաբեր արարածի կեանքին ալքերը պրպտել : Տեղ մը իրեն հանդիպելուս , հետը տեսնուելու համար հնարք մը չստեղծած դեռ , կը ձգէր կ'երթար ան , կարծես շատ իսկ սեպելով , իր վրայ հիա-

ցողներուն համար , իր տեսքին քանի մը ժամուան վայելքը :

Բ.

Էմման ամուսնացած էր , շատ երբտասարդ ամուսնացած , քանի որ իր զաւկըներուն էն մեծը հաղիւ տասերեք տարեկան կար հիմայ , թխադէմ տղայ մը , ճիշդ մօրը աչքերով :

Իր ամուսնութեան պատմութիւնը հետաքրքրական ու մասնաւոր բան մը չունէր : Աղուորութեանը համար միայն առեր էր զինքը էրիկը , նիհար ու հիւանդկախ մարդ մը , ժանգոտած պղինձի դէմքով , որ չյափրացող ցանկութեան մը վայելքը փնտռած էր միայն այս ամուսնութեան մէջ : Էմմա , իբր ճշմարիտ հայ հռոմէական աղջիկ մը , Եւրոպացիի մը հետ ամուսնանալովը իր եւ իր ընտանիքին բաղձանքներուն կատարը հասած էր :

Ճշմարիտ սիրով մը կապուած էր էրկանը հետ , տարիներով ու անձնուիրութեամբ խնամելով զայն Գթութեան քրոջ մը պէս , առանց տրտնջալու եւ ուղիղ բանի քիչ մը անհամաձայն թուող այս հաւատարմութեան

յարուցած ընդհանուր զարմանքին վրայ զուար-
ճանալով:

Շատոնց ըսեր էին բժիշկները որ էրիկը
երկար չապրիր, մինչդեռ մարդը հաճոյք կը
զգար ի դերեւ հաներով այս գուշակութիւն-
ները ու իր հէք սկոթներուն կմխտածեւ շէն-
քը, իր կանչըցած երեսը պտտցնելով կնոջը
պարարտ հրապոյրներուն քովը:

Ո՛չ վէճ եւ ոչ կռիւ իրենց մէջը, ինչ
որ քիչ զարմանք պատճառած չէր իրենց բա-
րեկամներուն, որոնք, ամէն բարեկամներու
պէս, գայթակղութիւններու ակնկալութեամբը
կ'ապրին: Անակնկալ համերաշխութիւնը այս
ամուլին՝ զրկանքի պէս բան մը կ'ըլլար անոնց
որ ամուսնութեան յաջորդ օրուան համար
գժտում, երկպառակութիւն նախատեսեր էին:

Եւ անոնք որ ջանացեր էին իր հոմանի-
ները ըլլալ, հիմայ մէկիկ մէկիկ քաջուէր
էին, չժածկելով իրենց զայրոյթը:

Մէկը միայն յամառեր ու գամուեր էր
անոր հրապոյրներուն:

Օրթագիւղի իմ դպրոցական ընկերներէս
էր, ան ալ հեռուանց ծանօթ մը էմմաին,
հիմայ երեսունի մօտ, բայց դիւրահաւատ ու

միամիտ սրտով տղայ մը, որուն հոգւոյն
աղնիւ մետաղը իր նոր թափծուի փայլին
մէջն էր տակաւին եւ զոր ձախորդութեանց
չունչը չէր եկած նսեմացնել:

Մաքուր հագուած, առանց սեթեւեթի
սակայն, միշտ կարգալու գիրք մը բռնած
ձեռքը, ընթերցումը ըլլալով իր մեծագոյն
դբաղմունքը, ճերմակ թաշկինակովը՝ իր կար-
ճատեսի ակնոցը մաքրելու զբաղած շարունակ:

Ամէն աղմուկէ, չափազանցութենէ հե-
ռացող իր կեանքը՝ իրաւամբ մեզ ամէնուս
օրինակ ցուցուցած էին միշտ: Երկրաչա-
փական ձեւերու ճշգրութեամբը կազմուած
էր իր գոյութիւնը: Հօրը մօրը մէկ հա-
տիկը, աչքերնուն լոյսն ու պարծանքն էր.
զինքը ամուսնացնելու կարօտէն զատ իր ծը-
նողքը մոմտուք չունէին: Նշանտուութեան
պղտիկ խօսքեր զուրցուելու վրայ էին իրենց
գրայիններէն մէկուն աղջկան համար որուն
տունը շատ կ'երթար ինքը:

Պանքային մէջ, ուր լեցուն ամսականով
պաշտօն մը ունէր, իր մեծերը կը սիրէին
անոր հաւատարիմ ու աշխատասէր բնաւո-
րութիւնը. մէծ ապագայ մը վերսպահուած
էր իրեն, գրեթէ խոստացուած:

Դպրոցէն դուրս՝ միշտ բարեկամ, մանաւանդ թէ մտերիմ մնացեր էինք, ինչ որ շատ չի պատահիր. կ'ըլլար սակայն որ ամիսներով, երբեմն տարի մը իրար չտեսնէինք, բայց առջի հեղ իրար գտնելու, փոխադարձ քաղուածքը կ'ընէինք իրարմէ հեռու անցուցած օրերնուս, մեր ուրախութիւններուն եւ մանաւանդ մեր յուսախաբութիւններուն, առանց անտեղի հպարտութեամբ մը իրարմէ բան պահելու. եւ այս խոստովանութիւններով մեր ընդհատուած մտերմութիւնը ա՛լ աւելի կ'ամրանար: Ձէր հաւներ ան իմ ապրելու եղանակիս ու խրատելու կ'ելլէր դիս.

— Երջանկութիւնը՝ երջանկութիւն չփրնտուելուն մէջն է, կ'ըսէր ինձի, երբեմն:

Եւ իր անդորր կեանքը նետելով երեսիս, իր ըսածը կը հաստատէր:

Դ.

Ինձի համար, բոլոր զինքը ճանչցողներուն համար, ամէնէն ապշեցուցիչ անակնկալը եղաւ Էմմանին համար ունեցած իր տարփանքին դայթակղութիւնը: Գիտէի քիչ մը այս

կնոջ համար ունեցած իր համակրութիւնը, բայց այս վերջաւորութիւնը մտքէս չէի անցըներ բնաւ:

Ուսկի՛ց ուր այս անփորձ ու միամիտ երիտասարդը կրցեր իր Էմմանին պէս կնկան մը սիրտը գրաւել. ի՞նչպէս մանաւանդ, ինքը՝ հանրային կարծիքին այնքան ուշադիր մը, պայմանադրական բարոյականէն մազի չափ չշեղող մը՝ ոտքի հարուածով մը մէկգի ըրեր էր իր ծնած օրէն զինքը մեծցնող, չորս գիէն պաշարող կեանքի կարգն ու սարքը, ընտանեկան աւանդութիւնները, ատոնց բոլորին վրայ ելեր նստեր էր, ամուսնացած ու զաւկի տէր կին մը առեւանգելու ու անոր հետ ապրելու չափ առաջ երթալու համար:

Երբոր այս լուրը առի, վեղարը ու սրբմը նետող վանականի մը նմանցուցի զինքը, այնքան անելի յոխորտ իր ըմբոստութեանը մէջ՝ որքան խոտակրօն եղած էր իր հաւատքի ժամերուն:

Բնութիւններ կան որոնք ջուրին թոյլ ու մեղկ հնազանդութեան երեւոյթը կ'ընծայեն. բայց ջուրին կաթիլներուն միօրինակ ու ան-

փոփոխ աշխատութիւնը լռելեայն կը կատարեն անոնք, մեղմիւ, հեշտօրէն մաշեցնելով զիրենք շրջապատող քարերը ու ժայռերը եւ ծակ մը, անցք մը բացուելուն՝ հեղեղի մը պէս դուրս կը թափին :

Այս երիտասարդինը այդ կարգէն էր անհա . ինքնիրենս այս խորհրդածութիւնները ըրի միայն : Այս առեւանգութիւնը սակայն ընդհանուր խօսակցութեան նիւթը եղաւ . կիները իրենց մաղձոտ չարախօսութիւնները դուրս թափեցին . այս կնոջ՝ էրկանը դէմ ցուցուցած անհաւատարմութիւնը քարկոծեցին . զինքը ձեռքէ ձեռք յափշտակել ուղող էրիկ մարդոց ճաշակին վրայ ալ շատ մը խնդացին . գոնէ գեղեցիկ կի՞ն մը ըլլար անիկա . սեւ ու նուաղուն աչքեր ունէր ան . ս^օվ սեւ աչք չունի Պոլտոյ մէջ . իր միտի աղուութիւնը, իր արդուզարդին շքեղութիւնը, ասոնք էին բոլոր հրապոյրները, որոնց առջեւ անհա մարդիկ կանգ կ'առնէին :

Երիտասարդին մասին էրիկ մարդոց դատավճիռը նուազ խիստ չէր : Հանրային կարծիքը այն ատեն մանաւանդ կ'որոտայ ու շանթեր կը տեղայ երբոր իր ամէնէն խար-

խուլ ու կեղծիքով միայն ոտքի վրայ կեցող սկզբունքներէն մէկուն դէմ է մեղանշումը :

Իմ բարեկամս, մէկ օրէն միւսը, ամէնէն անշնորհ ու անառակ երիտասարդի հըռչակը ստացաւ . իր անհատական կեանքը քրքրուեցաւ ծայրէ ծայր ու լեցուն գանուեցաւ արատներով :

Պանրային մէջ անգամ իր խղճամիտ պաշտօնեայի դիրքը կորսնցուց . յառաջդիմութեան յոյսերը մարեցան եւ մտերմական բարեւները գլխու հարեւանցի շարժումներու փոխուեցան :

Ես առիթ չունեցայ զինքը տեսնելու բոլոր այն ամառը . իմացայ սակայն որ իր ծնողքէն զատուելէն վերջը էմմաի հետ միջոց մը Եագաճըղի կողմերը գացեր էր . յետոյ, տեղի տալով իր սիրած կնոջ յարափոփոխ պահանջումներուն, վերսկսեր էր անոր հետ աստանդական կեանք մը գիւղագնացութեան, ութ օր հոս՝ հինգ օր հոն եւ այսպէս մինչեւ աշունը պտտելէ վերջ Բերա եկեր էին ձմեռը անցընելու :

Պ.

Օր մը , բնաւ մտքէս չանցած մէկ վայրկեանիս , գրասենեակէս ներս մտաւ ան . տիրաբար , չսպասելով գրագրիս հրամայներուն , երկար ճամբու մը յոգնութենէն պարտասած մէկու մը պէս աթոռի մը մէջ ինկաւ . յետոյ՝ դեռ ինծի բան մը չըսած՝ խահուէ մը ապրսպրեց ինքզինքին եւ սիկառէթ մը վառեց :

—Քենէ ուրիշ մէկը չունիմ իմ սիրտս բանալիք , ըսաւ ինծի դողդոջուն ձայնով մը . այն վայրկեանին ուր ամէն ինչ կ'երեւայ ու փլչելու մօտ կ'երեւայ շուրջս , անխախտ՝ քու բարեկամութիւնդ միայն կը տեսնեմ ու քեզի կ'ապաւինիմ :

Այս ձայնը զարմացուց զիս . երեսը նաշեցայ աղէկ մը . որքա՛ն փոփոխութիւն . քանի մը ամսուան մէջ նիհարցեր ու վատեր էր . տենդի կարմրութիւնը իր այտերը կը շառագունէր :

—Ինծի պատահածները հարկաւ գիտես , շարունակեց անիկա , ատեն չկայ որ երկար բարակ պատմեմ քեզի զանոնք . էմման էրկընէն զատուեցաւ , այր ու կնոջ մէջ փոխա-

դարձ յօժարութեան գործ մը եղաւ ասիկա , իրենց ամուսնութեանը պէս . իրենց շահերը , իրաւունքները , ամէն ինչ ճշդած , որոշած են . զաւկընները իրենց հօրը քով կը մնան ու մայրը իրաւունք ունի ուզած օրը զանոնք տեսնելու առանձին : Դատարան մը ասկէ աղէկ չպիտի վճռէր :

Ուրեմն իմ բաղձանքիս լրումին մէջն եմ հիմայ . ասո՞ր համար արդեօք աշխարհիս ամէնէն ապերձանիկ մարդն եմ : Ի՛նչ տարօրինակ սէր է իմինս որուն վայելքը զրկանքին չափ կը տառապեցնէ :

Ահաւասիկ բոլոր խնդիրը :

էմման իմն է , իմն բոլորովին , բայց զայն կորսնցնելու վախն է որ ամէն վայրկեան կը պաշարէ զիս :

Եթէ օր մը ձգէ զիս երթա՛յ , Աստուած իմ : Այս ահուդողին մէջ ոչ գիշեր , ո՛չ ցերեկ ունիմ ես . քաջաւոյժ մարդիկ կան ուրոնք թոքախտ ըլլալու սարսափով իրենց կեանքը կը դառնացնեն . ես անոնցմէ՞ եմ արդեօք , թէ ոչ նախազգացումը , մերձաւոր կորուստին նախազգացումն է որ զիս կը խռովէ : Ծշմարտութեան ասիկա աւերի մօտ է . երջանկու-

Թիւնս այնքա՛ն մեծ է, այնքա՛ն անհաւատա-
լի, որ վայրկեաններ կան ուր անոր ստուգու-
թեան վրայ կը սկսիմ տարակուսիլ. քնաչըր-
ջիկի մը պէս կ'անցնիմ կեանքին մէջէն, երա-
զաշէն աշխարհի մը շրջանը ընելով, որչա՛փ
օրուան մէջ... և ե՞րբ պիտի ըլլայ զարթնումը.

Տեսնելով իմ անհամբերութիւնս այս
անկապ ու անյարիւր խօսքերուն դէմ,

— Երջանկութենէ երես առած մէկը չեմ,
աւելցուց բարեկամս, մէկը անոնցմէ որոնք
իրենց եզական բաղդաւորութիւնը ուրիշի մը
վկայութեամբը հաստատելու հաճոյքին հա-
մար՝ անոր կը պատմեն զայն՝ յատկապէս
խել մը գծող հանքի պատճառներու մէջ պա-
րուրելով:

Ո՛չ. ես իրական անձկութեան մը մատ-
նուած եմ, վախի մէջ թէ ուրիշ մը էմման
ձեռքէս պիտի յափշտակէ: Ո՞վ է այդ միւսը,
մէջտեղ ելա՞ծ է արդէն, թէ երեսան պիտի
ելլէ. մութ հարցեր ինծի համար. բայց այդ
միւսը կայ. կասկած չունիմ ատոր նկատ-
մամբ: Գիտե՞ս, երբեմն սենեակիդ. մէջ
գիրք մը կարդացած պահուդ, կամ պատու-
հանէն փողոցը դիտած մէկ վայրկեանիդ,

առանց ոտնաձայն մը լսած ըլլալու կը զգաս
խսկոյն որ մէկը ներս մտած է. չես տեսած
դեռ զինքը, բայց ապահով ես, ստուգու-
թիւնը ունիս որ գլուխդ վեր առնելուդ գիր-
քիդ վրայէն, կամ ետիդ դարձնելուդ, մար-
դը պիտի տեսնես, և իրօք զայն կը տեսնես
ալ: Ես ալ ատոր պէս՝ իմ երջանկութեանս
մէջ ոտք կոխող ինէ ուրիշի մը գոյութեան
ահաւոր ստուգութիւնը ունիմ: Ի՞նչ կ'ըսես
դուն ատոր:

Այս հարցումին վրայ նոր սիկառէթ մը
վառեց անիկա:

Ե.

— Դուն նախ պատմէ ինծի, ի՞նչպէս ճանչ-
ցար, ի՞նչպէս ձեռք ձգեցիր այս կինը, պա-
տասխանեցի իրեն. միայն մտմտուքներդ ը-
սելու եկար հոս. ի՞նչպէս և ինչո՞ւ կը սիրես
զինքը. ես որ երբեք սիրած չեմ, հետաքրք-
րիր եմ ատոր:

— Սիրեցի զինքը անոր համար գուցէ որ
հազարումէկ պատճառ ունէի չսիրելու հա-
մար. այո՛, հազարումէկ. իմ կեանքս, իմ
սկզբունքներս, իմ ընտանեկան վիճակս, ա-

սոնք բոլորը մէկ կողմէն , այս կնոջ բոլոր կեանքը միւսէն , իրեն մօտենալն անգամ կ'արգիլէին ինծի :

Բրինքիբօի մէջ հանդիպեցայ անոր , միևնոյն պանդուկը գտնուեցանք դիպուածով , ու դրացի իրարու : Պզտիկուց գիտէի էմման , բայց բոլորովին մոռցեր էի զինքը . ո՛րչափ գեղեցկացեր էր մեծնալով : Առջի տեսած վայրկեանէս ամէնէն բուռն տպաւորութիւնը ըրաւ վրաս :

Իրիկունը , ճաշէն ելլելնուս , — անիկա էրկանը ու տղոցը հետ մասնաւոր սեղանի մը վրայ կ'ընէր ճաշը , — պարտէզին մէջ մինակը կը պտտէր . վարանոտ քալուածք մը ունէր , ու ձեռքի անգիտակից շարժումով , որ վարժութիւն եղած է ա՛լ իրեն համար , իր սանտրած մաղերուն կարգէն կանոնէն փախչելով ճակտին վրայ իյնող պզտիկ գանգուրները կը շտկէր :

Մինակը ծառերուն տակ շրջագայած ատեն անթափանցելի խորհուրդներու մէջ ընկըղմած կը թուէր . տրամութեան քողք մը , այն ամառ գիշերին ստուերներուն պէս թափանցիկ , ոտքէն գլուխը կը պարուրէր այս

աղուոր կինը . ինչո՞ւ համար տխուր էր արդեօք . ինքնիրենս ըրի այս հարցումը . քովէս անցնելուն՝ մեր նայուածքները իրարու հանդիպեցան . կարծեմ թէ բացայայտ զմայլանք մը կարգաց իմինիս մէջ . ու է զարմանք կամ ուրախութիւն չցուցուց ասոր փոխարէն . միայն հանդարտ ուշադրութեամբ մը և առանց քաշուելու ինքն ալ զիս դիտեց . անկէ վերջը՝ ամէն անգամ իրարու պատահելնու՝ այս նայուածքը չպակսեցուց վրայէս , անթարթ կերպով սեւեռած ու տրտում նայուածք մը , մինչեւ սրտիս խորը իջնելու ակններեւ մտադրութեամբ :

Ես՝ ներսէս՝ այս անտեղի սիրոյն հետեւանքները կը հաշուէի ու իմ բոլոր արիւթեանս կոչում կ'ընէի ազատելու համար անոր հմայքէն . անիկա , կարծես զգալով խուլ պայքարը որ կը մղուէր հոգևոյս մէջ , ա՛լ աւելի լուռ պըրանքով կը սեւեռէր իր նայուածքը վրաս , մարելու մօտ կանթեղի մը մէջ իւղ թափելու պէս :

Այս եղաւ մեր սիրոյն սկիզբը : Երիկը սակայն հիւանդ էր միշտ . կանոնաւոր կերպով շաբթուան մէջ օր մը կամ երկուք իր

սենեակը մնալու ստիպուած էր ցաւին սաստկացած միջոցին եւ իր կինը քովը կը հսկէր, թողով իր զաւակները սպասաւորի մը հըսկողութեան :

Չէի սիրեր այդ մարդը :

Աննկարագիր, անպատկառ ու ամէն բան հեզնող մարդոցմէ մէկն էր, որոնց առջեւ ամէն ընկալեալ կանոններ միամտութիւններ կը համարուին :

Լուսնի գիշեր մը որոշուեցաւ որ պանդոկին բոլոր հիւրերս կզգիին շրջանը ընենք : Ոմանք կառքով՝ ոմանք էջ հեծած ճամբայ ելան :

Բրինքիբօն զինքը շրջապատող կապոյտ ծովին վրայ կը ցոլացնէր իր սաղարթախիտ բլուրները, իր վիլլաներուն դոյնզգոյն երեսները, իր պարտէզներուն երփնագեղ կանանչութիւնները : Ու անհուն հայելին մէջ որ այս աննման կապոյտէն կը ձեւանար, այս բոլորը կը դողար, կը սարսուէր ալեակի մը վեհերոտ տատանումին հետ :

Այլէն ու ձախէն բարձրացող երգերու ժխորովը Տիառքէլօ հասանք : Հոս լուսինը իր բոլոր պայծառութեամբը կ'ողողէր պղտիկ սա-

րահարթը . Բէնտիքի եզերքէն՝ ուրկէ կը բարձրանար, աննշմարելի վերելքով մը, ադամանդի կոտրտուքներով յարդարուած լուսեղէն պողոտայ մը ծովուն վրայ կ'երկըննար, կը փալփլէր, կը լայնար, կը նեղնար շարունակ :

Բազմութեան մէջ տեսայ Էմման որ վար իջած կառքէն, Խրիսթօս տանող մեծ ճամբուն կողմը կ'երթար մինակը . այս ժաման բոլորովին ամայի էր այդ տեղը, նոճիներուն շուքովը պատսպարուած :

Գիտես որ ձեռներէց մէկը չեմ ես, բայց ութ օրէ ի վեր այս կինը այնքան լուռ պըշրանքով պաշարեր էր հողիս, որ իրեն հետ խօսելու փափաքին դիմադրելու անկարող էի ա՛լ :

Հող, այդ ճամբուն վրայ, զոր կարծես ինքն ալ յարմարագոյն վայրը դատեր էր, խօսեցայ հետը առջի անգամ :

Սեւ մետաքսէ ֆօռսաժ մը ունէր, այս օրուան պէս միտքս է, եւ վեր ժողված ճերմակ պատմութեանին ժիւրքէն տանթէլներու եռեւեփը ու փրփուրը դուրս կը ժայթքէր : Ինքը կ'ունկնդրէր ինձի՝ շարունակելով ժողու-

տուրը իր ճակատին անհնազանդ մազերուն ,
մատը բերնին դնելով երբեմն , խոհեմութիւն
պատուիրելու դիրքով , բայց որոշ ու մեկին
պատասխան մը չտալով երբեք :

Այսպէս իր վրդովիչ կնկան դերին մէջ
էր զոր Յէնքիէվիչ , իրաւամբ , Բիզայի աշ-
տարակին կը նմանցնէ , ծռելով միշտ՝ բայց
չխնայով բնաւ :

Իր ձեռքը զոր համբոյրներով ծածկեր
էի , քաշեց յանկարծ ուժով . մեր կողմը ե-
կող ոտնաձայն մը լսել էր . վայրկեան մը
սպասելէ ետքը մեր վախը ի դերեւ ելաւ .
վարէն՝ միայն երգի եղանակներ կը հասնէին
մեզի :

Հոս , անտառին խորը , գիշերը իր վճիտ
անդորրութեանը մէջ շքեղ էր , բիւրեղի մը
ջինջ պայծառութիւնը հագցնելով ամէն ա-
ռարկաներուն :

Ծռուելու երկար շարքը՝ իրենց պոչերուն
վրայ յանկարծ կանգնած անհամար օձերու
բանակ մը կը պատկերացներ , խայտաբղէտ
շապիկներով վիշապներ , մեր սէրը , մեր եր-
ջանկութիւնը դիտող նախանձօտ աչքերու
պէս , պաշարելով մեզ չորս դիէն : Գետի-

նը ծածկող տերեւներուն խշրտութեն զատ
ոչինչ կը խռովէր մեր կարճատեւ առանձ-
նութիւնը :

Էմման ինքը սթափեցուց զիս ըսելով .

— Գառնա՛նք :

Յաջորդ , վաղայաջորդ ու միւս օրերը
Էմման իր էրկանը հետ ա՛լ աւելի սիրով ,
ա՛լ աւելի մտերիմ՝ եւ ինծի դէմ աւելի
անտարբեր ու սառն գտնուեցաւ :

Հնարք մըն էր աս՝ էրկանը կասկածները
չարթնցնելու համար :

Ձ .

Գիտե՞ս թէ ինչ ծանր զոհողութիւններու
պարտաւորեց զիս այս սէրը : Եթէ ոչ պատ-
ուոյ , դէթ խղճմտանքի դէմ շատ մը մեղան-
չումներու առաջնորդեց զիս . ոչ որ ինէ ա-
ւելի խստութեամբ կը դատէ իմ արարքս .
ծնողքս՝ որոնց բոլոր համոզումները , ակըն-
կալութիւնները , շոյած երազները ոտնակոխ
կ'ընէի . այն սիրուն աղջիկը՝ որուն սիրտը
վաստկեր էի այնքան անարժանութեամբ եւ
որ քիչ մնաց նշանաժօ պիտի ըլլար . ասոնց
լուռ կշտամբանքը կը դգայի սրտիս մէջ . ա-

մուսնացած , զաւկըներու տէր կին մը հրապարելու ձեռնարկը ոչ նուազ անարգ ու անարժան գործ մը կ'երեւար ինծի . ու այս ամէնը կոխելով անցնելով , ա՛լ աւելի ուժով կապուած կը զգայի ինքզինքս Էմմաին հետ , իմ՝ բոլոր յանցանքիս մեծութեամբը կապուած :

Էմման ինքը զիս ընդուներ էր նախ անոր համար որ իմ ցուցուցած անսահման սիրոյս պէս սէր մը տեսած չունէր . յետոյ , գեղեցիկ կին մը միշտ պէտք ունի որ մէկը իր գեղեցիկութիւնը երեսին ըսէ . հոմանին տեսակ մը խօսուն հայելի է , կանանց արդուզարդի սպասին մասը կազմող : Շատ վերջը միայն , կարծեմ , ինք ալ փոխադարձ համակրութիւն մը զգաց ինծի համար : Այդ միջոցին էր որ յանկարծ , ինքնաբերաբար , շատոնց որոշուած վճռուած բանի մը պէս , յայտնեց ինծի թէ պատրաստ է զատուելու իր էրկընէն՝ ինծի հետ ապրելու համար : Էմմաին այս արիութիւնը բոլորովին զիս կապեց իրեն . ահա թէ ինչո՛ւ ես ալ իմ ծեր հայրս ու մայրս թողուցի :

Անկեղծութիւնը կը մեծարեմ նոյն իսկ

եթէ յանցանքի մը մէջ ի հանդէս կուգայ : Չեմ սիրեր մանուածապատ ձեւերը որոնց տակ Մեղքը կը պահուըտի ու կը շարունակէ Առաքինութեան յատուկ մրցանակները քաղել : Բողոներ կան որ բարոյականի կեղծիքն ալ բարոյական մըն է . ես այս բանածեւը գարշելի կը համարեմ : Բոլոր խնդիրը իր ըրածին պատասխանատուութիւնը ընդունելու եւ չընդունելու վրան է : Մէկը՝ թողլով ամուսնական յարկը , ինքզինքը չի պաշտպաներ այն հարուածներէն որոնց արժանի՞ է թէ ոչ , չեմ գիտեր , բայց որոնց ապահովապէս կ'ենթարկուի : Միւսը՝ դիմածածուկ կինը՝ պարկեշտ ամուսնի պատրուակը երեսին վրայ , բարեւներու ու մեծարանքներու եւ մաքուր կնոջ տիտղոսի կողոպտումին մէջ կը զայրացնէ զիս :

Ու դառնալով իր մտատանջութեանը , բարեկամս աւելցուց .

— Ըսի որ հիմայ Էմմաին սիրտը կորսընցներէ զատ ուէ վախ չսպառնար ինծի , մտացածին սարսափ որ հիւանդ երեւակայութեանս ծնո՞ւնդն է . այսպէս չէ սակայն , ես այն հաղարումէկ չնչին նշաններուն անց-

կութեամբ կը հետեւիմ, որոնք մտաւրուտ կը ցուցնեն ասիկա: Նախ էմման մտամոլար ու շուարած բան մը ունի. շատ հեղ խօսակցութեան մէջ մտքով բացակայ է ու հազիւ հազ մէկ խօսքը կրկնելու կ'ուշաբերի. դէշ նշան. յետոյ իր արդուզարդին միշտ խնամատ, հիմայ մանաւանդ ծայրայեղ մարմնապաշտութեամբ մը իր բնական շնորհներուն ուշադրութիւն կ'ընէ. աւելի դէշ նշան. ինծի հետ՝ իր սովորութեան հակառակ՝ քծնող ու ներողութիւն խնդրելու պէս ձեւեր մը ունի միշտ. ասոնք լիովին կ'ապացուցանեն ինծի ներկայութիւնը այն միւսին որ ինէ երջանկութիւնս կը յափշտակէ:

Կը խորհիմ մանաւանդ որ էմման՝ ինծի համար իր էրիկը ձգելէն վերջը՝ կարող է զիս ալ, ուրիշի մը սիրոյն, ձգել: Թող ձգէ զիս. բայց պիտի գտնուի՞ մէկը որ ինծի պէս ու ինծի չափ գիտնայ սիրել զինքը. դիւրին ու դժուարին բան միանգամայն. անիկա ինծի համար միայն գեղեցիկ կ'ընը չէր որուն կը տենչան, այլ մարմնացումը ամէն մարդկային երազներու, կը հասկընա՞ս: Ո՞վ ինէ զատ այս ըմբռնումով

պիտի ծնրադրէ իր առջեւ. ռամիկ հեթանոսներն էին միայն որ ատենով կուռքերը կը պաշտէին իբրեւ նիւթ. միւսները երկըրպագած են անոր միայն՝ իբրեւ խորհրդանշանը գերագոյն զօրութեան մը: Այս պէս ալ ես էմմանին դէմը:

Է.

Ես սրտապնդեցի հէք տղան. իր խանդարած երեւակայութիւնը հանդարտեցուցի:
— Որովհետեւ էմման ատեն ատեն մըստմտութեամբ ունի եղեր՝ չի հետեւի ատկէ որ անպատճառ նոր հոմանի մը ունեցած ըլլայ. քեզի համար իր ըրած զոհողութիւնները ամէն տարակոյս վանելու չափ մեծ բաներ են. անխելքութիւն է ուրեմն միտքը չարչարել անդոյ ոտիսի մը կակիծովը. բայց այդ վիճակդ էապէս երջանկութեան յատուկ վիճակն է, այն է՝ չկարենալ անխառն վաշելել զայն: Սիրէ էմմադ եւ ուրիշին վրայ մի խորհիր: Մի խորհիր միւսին վրայ:
Համոզուեցաւ քիչ մը. յետոյ,
— Խորատ մը կ'ուզեմ քեներ, քանի որ յատկապէս ասոր համար եկայ գործի որ

մը այսպէս ժամերդ գրաւել. կ'ուզեմ այս կասկածի մթնոլորտէն դուրս ելլել, եւ եթէ կարելի է հասկնալ իմ ենթադրութիւններուս անճիշդ ըլլալը :

— Խրատը, պատասխանեցի իրեն, հարցումիդ մէջն է. «դժուար բան մը չէ Էմմանին պէս կնոջ մը ուր երթալ գալը հասկնալ :

Չկեցաւ ալ քովս. ձեռքս թոթուեց ու գնաց :

Տասնըհինգ օր հաղիւ անցեր էր, իրիկուան մը դէմ եկաւ նորէն. բերանը կըղպուած էր :

— Ի՞նչ կայ, ի՞նչ ունիս նորէն :

Ան ատեն խորունկ ու ցած ձայնով կամաց կամաց սկսաւ պատմել.

— Քանի մը օր շարունակ լրտեսեցի զինքը. Էմմանն շաբաթը երկու անգամ առնուազն զաւակները տեսնելու կ'երթար էրկանը տունը ու ժամերով կը մնար հոն. բան մը չկար ստգտանելի այս վարմունքին մէջ : Ատկէ դուրս՝ պղտիկ գնումներուն համար՝ Բերայի վաճառատունները կը մտնէր, ու ոչինչ ատոնցմէ զատ. իր կեանքը յստակ կանոնաւորութեամբ կը ճշդուէր, և խիստ մօտ

էի հիւանդոտ երեւակայութեանս վրայ ծիծաղելու, երբոր շաբաթ մը առաջ տեսայ Էմմանն իր տղոցը տունէն դուրս ելլելուն. տոգոյն այտերը կարմրած ու երեսին վրայ այն չեմ գիտեր ինչ արտայայտութիւնը կար որ յանցաւոր կինը կը մատնէ :


Կասկած մը, փայլակի մը արագութեամբ, անցաւ մտքիս մէջէն. թերեւս հոս, այս տանը մէջ, ուր էրիկը բացակայ էր ցերեկ ատեն, կը տեսակցէր իր սիրած մարդուն հետ. սպասաւորները որ վերջապէս իր առջի ծառաներն էին, կրնային դրամի համար աչք գոցել եղածին :

Այսօր, երկու ժամ կայ, Էմմանն նորէն գնաց հոն. ես որոշումս տուեր էի արդէն : Քիչ մը ատեն անցնելէ վերջը դուռը զարկի. սպասաւոր մը դիմաւորեց զիս. պատրուակ մը պէտք էր այս տան մէջ մուտքս արդարացնելու համար. տանտիրոջ անունը տուի :

— Վերն է, պատասխանեց սպասաւորը, իմաց տամ :

Ապշեցայ. էրիկը տո՞ւնն էր այս ժամուն. յետոյ սանդուխներէն վեր նետուեցայ. սպասաւորը հաղիւ ետեւէս կրնար

հասնել, ի զուր ջանալով խօսք հասկցնել ին-
ծի, կեցնել զիս: Ոչ ոք կար տան մէջ.
միայն, էն վերի յարկը ուր հասէր էի ահա.
ննջասենեակի մը կիսաբաց դուռնէն անոյշ
ձայն մը, էմմաին ձայնը, ականջիս դպաւ,
ու զգուշութեամբ մօտենալով կրցայ որոշ
կերպով տեսնել զինքը իր ամուսնին թե-
ւերուն մէջ մարմնակործան:



ԶԱԲՈՒՂՈՆ



Ա.



արդ մը, որուն երեսը երբեք չէինք
տեսած, խաւարի մէջ ապրող գի-
ւային էակ մը. գոյութիւն ունէ՞ր
իրօք, թէ առասպել մըն էր որ բերնէ բերան
կրկնուելով, տարածուելով՝ վերջնական ձեւ
ու վաւերացում կը ստանայ, իրողութեան կարգ-
կ'անցնի:

Գող մըն էր Զարուղոն մեր գեղին մէջ.
Ո՛չ այն ուամիկ գողը որ կը բռնուի շարու-
նակ, կը ծաղրուի ու բանտերու մէջ կը փը-

ճանայ. ոչ ալ այն ահարկու աւազակը որուն գողօնին արիւն կը խառնուի ատեն ատեն:

Իր մեծ արժանիքը ճարպիկութեանը մէջ էր. օգի պէս անօտր, ոգիի մը պէս աներեւրեւոյթ, տեղ մը չէ ու ամէն տեղ է միանգամայն:

Ամէնէն աւելի ամուր փակուած դուռը, ամէնէն բարձր պատը՝ մտնելէ չեն արդիւրը զինքը. բանալիին ծակէն, տախտակներուն ճեղքերէն ներս՝ կը սպրդի կարծես, անշուկ ստուերի մը պէս:

Ամէն բան գիտէ, ամէն խօսք կը լսէ ու դռնփակ նիստերը իրեն համար չեն. իրեն համար պատրաստուած ծուղակներուն մէջէն յաջողութեամբ դուրս կ'ելլէ միշտ, վարպետ ձեռնածուի մը պէս զարմանքի մէջ թողլով զինքը բռնելու պատրաստուող միամիտները:

Երեսը շիտակ խեանող չկար. բայց կը պատմուէր— ո՞վ, կամ ի՞նչպէս, չեմ գիտեր— թէ երիտասարդ մըն էր այս տղան, նկնահասակ, թխադէմ ու վատոյժ տղայ մը. երկաթագործի քով աշկերտութենէ եկած էր ու կղպանքներու արուեստը պէտք եղածէն աւելի սորված էր:

Հիմայ արուեստասէրի մը պէս կ'սպրէր, գողնալով թալլելով շարունակ, աւելի մնապարծութենէ քան թէ իրական շարութենէ մղուած: Կը բաւէր որ իր ճարտարութեան փորձը տար ամէնէն անմատչելի կարծուած տուները կողոպտելով, ու յօժարութեամբ ետ պիտի տար գողօնը թէ որ բռնուելու վախը չըլար:

Կամաց կամաց մտերմութիւն մը հաստատուած էր գիւղացւոց ու այս գողին մէջ. ի հարկէ ստիպեալ՝ վարժուեր էինք իր ներկայութեան. այս խորհրդաւոր ու անմեկնելի գոյութիւնը, հալածական մարդու այս աստանդական կեանքը՝ սրտերնիս կը շարժէր, ու քիչ մըն ալ թէ որ երթայինք առաջ, պիտի սիրէինք զինքը:

Բ.

Ձաբուղոն նշանուած էր, կը զարմանա՞ք: Նշանաուքը Պատրիարքարանի մեծ դահլիճը կատարուած չէր հարկաւ: Փոխանորդ Հայրը օրհնած չէր զայն, ոչ ալ լրագիրները ծանուցեր էին:

Պարզապէս, յաւիտեան իրար սիրելու

խօսք տուած էին, գիշեր մը, ծառի մը տակ, աստղերը ունենալով իրենց վկայ. և աշխարհիս ամէնէն մեծահանդէս նշանտուքը եղած էր իրենցը :

Ամէնքնիս կը ճանչնայինք Վասիլիկը, այն վտիտ դէմքով ու թնջուկ մազերով աղջիկը, որ դոյնդոյն պատմուճաններով, արտակարգ արդուզարդերով՝ վերը, լեռը կուգար պտըտելու մինակը, շաբաթ իրիկունները :

Ոչ ոք կը համարձակէր աչք նետել կամ դարպաս ընել անոր. կեսարի խօսեցեալն էր անիկա. իր բացակայ նշանածին տարածած սարսափին մէջ պլլուած՝ աներկիւղ կը պտըտէր ամէն տեղ. ու զինքը պահպանող այս վախը կը վայէր իրեն. անմատչելի ըլլալը՝ հրապուրիչ կ'ընէր զինքը : Մասամբ մըն ալ նշանածին փառքը իր վրայ կ'անդրադառնար. անոր արկածալից կեանքին կապուող այս աղջիկը սովորական մէկը չէր կրնար ըլլալ. աշխարհքէն դուրս ապրող մարդուն նշանածն ալ աշխարհքէն դուրս արարած մըն էր. ու տեսակ մը պատկառանքի խառնուած ըղձանքով մը կը նայէին իրեն, ամէն անգամ որ այս լուացարարի աղջիկը, վէս ու արհա-

մարհոտ դիցունհի ձեւերով, իր շաբաթական պտոյտը ընելու կուգար մեր կողմերը :

Վասիլիկ՝ ինքը գոհ կը թուէր այս կեանքէն. մարդ մը կար մութին մէջ որ զինքը կը պաշտէր, Ռիւյ Պլասի ըսածին պէս, առանց երեւան ելլելու, առանց իր քովը գալու հրապարակաւ :

Ու մութը՝ իրական մութն էր հոս. կեանքը՝ գիշերը կը սկսէր իրեն համար ու գիշերը կը վերջանար. վասն զի նշանածը մութին կրնար գալ, ամէնէն անակնկալ մէկ պահուն, մտքէ չանցած ծպտումի մը տակ, որուն գրկաբաց կը սպասէր :

Ուրիշներ կրնային ըսել որ «այսքան օր» ապրեցան. ինքը պիտի ըսէր «այսքան գիշեր» :

Լուսինին պէս խաւար պէտք էր որպէս զի փայլէր. էապէս աղջամուղջի դշխոն էր այս աղջիկը :

Ու գողը, իր յարափոփոխ այլակերպութիւններովը, ամէն գիշեր նոր սիրահար մը կը թուէր իր աչքին, եւ այսպէս ամէն հասակները ու ամէն դոյները կարգով կը ծընրադրէին իր առջեւ, գիւթական անուրջ մը շինելով ամէն ատեն :

Գ.

Սկիզբները Վասիլիկ երջանիկ եղաւ այսպէս . Բաղդին չէ՞ր նմաներ քիչ մը այս անտեսանելի սիրահարը որ աշխարհքը կը կողոպտէր զինքը յափրացնելու համար ամէն ճոխութիւններով :

Օր մը սակայն այս ամէնը ծաղրելի թուեցան իր աչքին : Իր գաղտագողի ու թաքուն երջանկութիւնը բան մը կը կորսնցնէր այսպէս ծածուկ մնալով և չկնալով ուրիշներուն ցուցուիլ : Երեւակայեցէք մեծագին աղամանդ մը որ յախտեան տուփի մը մէջ փակուած մնալու դատապարտուած ըլլայ ու չկրնաք օր մը կուրծքերնուդ վրայ դնելով գիմացիներու շրջանը :

Իր բոլոր վայելքները , իր բոլոր ունեցածը այս գոցուած աղամանդին տպաւորութիւնը կը թողէին : Ինքը մանաւանդ , ցուցամու էակ , չէր կրնար գոհանալ կեանքի այն ներքին ու լռին ներգաշնակութեամբը որ ահա իր ձեռքին տակն էր և որ դուրսը արձագանդ չէր ձգեր . մարդիկ կան որ դեքսասաններ են աշխարհիս վրայ . իրենց սե-

փական կեանք ու գոցութիւն չունին եւ ուրիշներուն համար կ'ապրին միայն . հանդիսատեսներ պէտք է ասոնցպէսներուն , ու կեանքը հրապոյր չունի եթէ զիրենք դիտողներ պակսին . դերասաններ՝ որ յանձն չեն կրնալ առնել թափուր սրահի մը առջեւ ներկայացում տալ :

Այսպէս էր Վասիլիկ . իր մեկուսացումը լքում կը նշանակէր . ոչ ոք իր երեսը կը նայէր փողոց ելած ատեն . գեղին բոլոր երիտասարդները իր հրապոյրներէն կը դողային : Հիմայ պչրանքի արուեստը կը փորձէր անոնց դէմ , թոյլ ու երերուն քալուածք մը առած էր որ նուրբ մարմինին ամէն խաղերը կը մատնէր , և այսպէս ցանկութեան տաք հով մը կը տարածէր շուրջը ու օձի նայուածք մը որուն հանդիպողը կը կախարդուէր :

Օր մը տղուն մէկը կապուեցաւ անոր ու հետը ամուսնանալ առաջարկեց . այն վայրկեանէն գողին սէրը անտանելի լուծ մը դարձաւ իրեն : Այլ չկրցաւ սպասել անոր , գիշերները լուսյնել , ժամադրութիւններուն գտնուիլ , սա պարտէզին մէջ , կամ ան լեւրան վրայ . ամէն առթիւ դանդատեցաւ ,

բողոքեց ու լացաւ . միւսը կը զարմանար .
ինչո՞ւ այս արցունքը , չէ՞ մի որ առաջուան
պէս կը սիրէին իրար . ի՞նչ փոյթ մնացա-
ծը . Զաբուղոն իր առանձնացած կեանքովը,
միամիտ մարդու յատուկ անծալք գաղա-
փարները կը պարզէր :

— Ի՞նչ պիտի բլայ ասոր վերջը , կը հար-
ցընէր աղջիկը :

Ասոր վե՞րջը . Զաբուղոն երբեք չէր խոր-
հած ասոր . ընդհակառակը կը փափաքէր որ
վերջը չգայ :

Այն ատեն յուսահատած՝ յօժարութեամբ
բաժանում՝ ձեռք բերելէ այս նշանտուքէն,
որ օրհնուած պսակէ աւելի ամուր ու հաս-
տատ կ'երեւար , դիւային խորհուրդ մը ան-
ցաւ մտքէն . գիշեր մը ոստիկանները կանչեց
ու ձերբակալել տուաւ Զաբուղոնը :

Պ.

Քարաչէն պատերուն , երկաթէ ամրափակ
դուռներուն ետին կը սլքտկան , սպասելէ
վհատած , կամքի պարտասումի մը մէջ ան-
ըզգայ և անտարբեր դառնալով տարիներու
անվերջ հոլովումին :

Սնակնկալ փրկութեան մը յոյսը , առջի
օրերուն ակնկալութիւնը , շատոնց լքած է զի-
րենք և հիմակ նախասահմանեալ թուականին
սպասելով միայն , կծկուած կը մնան այդ
տեղ ժամերո՞վ , չորս դիէն բարձրացող պա-
րիսպներուն տակ բուսած հսկայ սունկերու
նման :

Ամէն հասակները ու ամէն տարիքները
կան հոս , այս դիմացկուն քարէ արգանդին
մէջ որ թիարան կը կոչուի և որ այս մար-
դիկը պիտի վերածնի օր մը , պիտի արտաքսէ
իր ծոցէն դուրս , յամբրամ՝ յղացումներով :

Վերէն , նեղ բացուածքներէ լոյսը կը սը-
պրդի ներս , հաշուուած խնայուած լոյս մը ,
տկար ու տժգոյն բան մը , այն դէմքերուն
պէս զորս լուսաւորելու կու գայ :

Զաբուղոն ասոնց մէջն է . իր համբաւը
կանխած է զինքը բանտին մէջ . մեծ չարագործ
մը չէ բայց մեծ ճարպիկ մըն է . հսկողու-
թեան տակ է շարունակ այս բանտարկեալը
որ ոտքը երկաթներ ունի ամուր ու կռնակը
հաստ պարիսպներ :

Եօթը տարի պիտի մնայ այսպէս . երի-
տասարդ էր հոս եկած ատեն ու ծերացած

դուրս պիտի ելլէ . իր նշանածին կը խորհի
ամէն ատեն , այն մէկհատիկ բարեկամու-
թեան որուն աներկբայ կը հաւատայ դեռ .
նա է . ի՞նչ կ'ընէ արգեօք . ու հակառակ
ամէն զգուշութեան , փախչելու ջանքեր կ'ը-
նէ . անգամ մը երեսուն կանգուն բարձ-
րութեամբ պատէ մը կ'անցնի , բայց դուրսի
բակին մէջ կը բռնուի . ուրիշ անգամ մը
բանտին երդիքին վրայ ելլելու կը յաջողի .
երկու գիշեր կ'անցընէ հոն . կը տեսնեն ու
կը բռնեն զինքը նորէն :

Այն ատեն ամէն խստութիւնները ի գործ
կը դնեն ամէն վայրկեան փախչելու հետա-
մուտ այս մարդուն դէմ . բանտին կարգա-
պահական սպառնալիքները կը տեղան իր գըլ-
խուն . բան մը չի կասեցնէր զինքը . դուրս
պիտի ելլէ Վասիլիկը գտնելու համար . իրաւ
որ ուրիշ պատճառ մը չունի փախչելու :

Եւ գիշեր մը կը յաջողի վերջապէս . խոհա-
նոցին ծխնկոյզին մէջէն վեր կ'ելլէ նախ
ու յետոյ հիանալի ճարտարութեամբ մը
այդ ցից բարձրութենէն վար կ'իջնէ , այս ան-
գամ բանտին շրջափակէն դուրս :

Երեք տարուան մէջ այս վեցերորդ փոր-

ձը կը յաջողի ահա , ու շիտակ , անխոհեմու-
թեամբ թերեւս , մեր գեղը կը դառնայ
նորէն . կասկած մը չանցնիր այս հնարամիտ
մարդուն մտքէն . տարակոյս մը չի գար թու-
նաւորելու իր սիրոյն մաքրութիւնը : Իր ձեր-
բակալութիւնը . ձախող զիպուած մը միայն .
առջի օրերուն պէս գիտէ որ սպասող մը
կայ իրեն ամէնէն անակնկալ ժամուն . ու
վայելած ազատութեան գինը՝ այս բերկրան-
քով կը բազմապատկուի , կը մեծնայ , իր
սրտէն դուրս պոռթկալու չափ :

Վասիլիկին թովիչ ակնարկը պիտի գտնէ
նորէն . անոր գուռը մազերուն պատկերը
դեռ չտեսած , աչքին առջեւէն կ'անցնի , և
ուրախութեան սալթառ մը կը ցնցէ իր հեգ-
մարմինը :

Մեղմիւ կը մտածնայ անոր տունին . պա-
տուհանին առջեւ . խօսակցութեան ձայն մը
կը կեցնէ զինքը . ո՞վ է ներսը . մտիկ կ'ընէ ,
չի հաւատար իր լսածին . ներս կը մտնէ ան-
ձայն , առանց իր ներկայութեանը կասկածը
տալու , ու չի հաւատար իր տեսածին . ժամ
մը ամբողջ անկիւն մը կ'ծկուած կը սպասէ ,
չկրնալով ցրուած միտքը ամփոփել . յետոյ

տակաւ ինքզինքը կը գտնէ, կը խորհի ու ձեռքը ակամայ կ'երթայ պզտիկ դանակի մը կոթին զոր մէջքի գօտիին անցուցած է. մատները կը շոյեն զէնքը. առջի հեղնէ որ արին թափելու հարկը կը տեսնէ որոշ ու յստակ. ինքը որ ամէն բանէ կրնայ փախչիլ, այս վրէժի նգրութեան գաղափարէն չի կրնար զատուիլ ահա: Ո՞վ է այդ ապուշ էակը որ իր թողած պակասը լեցնելու եկած է այստեղ. սա նստող տղո՞ւն համար Վասիլիկ մուսցած է զինքը: Մէկ նայուածքով կը չափէ, կը գնահատէ այս ոտխը ու շատ վար կը գտնէ իրմէ:

Եւ իր սիրտը լեցնող արհամարհանքին առջեւ վրէժի գաղափարը կը թուլնայ. ձեռքը կը քաշէ դանակին բունէն զոր իր պրկուած մատները կիսովին դուրս քաշած էին մէջքի գօտիէն. ո՞չ, չեն արժեր ասոնք իր զայրոյթը, ու կամացուկ դուրս կ'ելլէ կրկին: Բոլոր գիշերը կը քալէ թափառական, փողոցներուն մէջ. ո՞ւր պիտի երթայ այսպէս. տուն չունի, ծանօթ չունի: Կը խորհի որ այդքան ծանրագնի ձեռք անցու-

ցած ազատութիւնը բանի մը չի ծառայեր և ուսերուն վրայ կը ծանրանայ:

Արշալոյսին հետ՝ վարանոտ քայլերով ետ կը դառնայ, իր բանտին նորէն, որուն դրան առջեւ կը գտնեն զինքը առտուն ու ներս կ'առնեն:



Հեռուէն՝ նայուածքս կը հետեւէր անոնց շնորհալի շրջագիծին, կամակ ելեւէջներուն, ըմբոստ պզտիկ թելերուն, — ըմբոստ՝ որպէս են ամէն պզտիկները, — որոնք սանտրէն փախչելով կը դառնային կ'իյնային վար, զսպանակի գալարումներով:

Քիչ քիչ, մտերմութիւն կը հաստատէի անոնց հետ. կը ճանչնայի զանոնք, գրեթէ կը խօսէի հետերնին:

Ամէնէն հաճոյալի անակնկալը եղաւ երբ ինծի դարձաւ իր գէմբը. գեղեցիկ. ոչ հարկաւ. բայց տարօրինակ կերպով սրտի մօտ ու համակրելի պատկեր մը, յոգնած ու արըտում նայուածքով որ ինկած տեղը կանգ առնելու պէս բան մը ունէր կարծես:

Անոր համար երկար ատեն սեւեռած մնաց վրաս. չեմ գիտեր. բայց ինծի այնպէս թուեցաւ որ այդ նայուածքը մանրամասն հետախուզեց զիս. չափեց, ձեւեց, տեսաւ մանաւանդ զմայլած ու քիչ մը ապշած արտայայտութիւնը աչքերուս: Գոհ երեւցաւ անշուշտ այս քննութենէն, վասն զի փպիտ մը գծագրուիլը ու աներեւութանալը մէկ եղաւ երեսին սաստիկ կարմրութեանը մէջ, այն

Ռ Ե Հ Ա Ն

Ս.



ն ատենն ալ առատ մազերը կը սիրէի ու քովընտի նստած՝ կը դիտէի ձիւնսպիտակ ծոծրակին վրայ փողվուած սեւ թումբը՝ պարտէզին մէջ տեղ տեղ դրուած կազի լապտերներու լոյսերուն տակ, շքեղ ու անբարբառ ցոլացումով որուն աչքերս յառած կը մնային:

Ինչե՛ր չէին ըսեր ինծի այդ մազերը. իրենց անմուռնչ կեցուածքը՝ հո՛գ, այդ բարձունքին վրայ, պարկեշտ ու վրդովիչ բան մը ունէր:

վերջալոյսի տարտամ շառաւիղներուն նման որոնք արեւմուտքին մէջ կը հալին՝ համասփիւռ շէկութիւն մը ձգելով հորիզոնին վրայ :

Բ.

Որչափ որ կեցանք այնտեղ՝ անխօս մըտերմութեան մը կապելով միացած զգացինք սրտերնին : Տարէց մարդիկ կային իր շուրջը, հայրը, հօրեղբայրները թերեւս, ու անոնց առջեւ, մանաւանդ այն չարահայեաց բազմութեան մէջ որ այս Մէօհիւրտարի պարտէզը կը լեցնէր հիմայ, զգուշաւոր դիրքը պահելու ստիպուած՝ չէր կրնար ուղածին չափ ստէպինձի դառնալ . բայց զինքը առջորդ յայտնի անհամբերութիւնը կը կարգայի երեսին վրայ, ամէն անգամ որ առիթը գտնէր իմ կողմն նայելու :

Պատանութեան անուրջներուն մէջ երազուած, ըզձացուած էակն էր դէմն, խորհրդանշանը իմ բոլոր փափաքներուս, որ հող նստած էր, իր անվերլուծելի ձգողութեանը մէջ :

Աղատ էր ան երեսս չնայելու ու չխնդալու ինձի . ի՛նչ փոյթ . նորէն պիտի սիրէի

զինքը, պիտի հետեւէի իրեն ու կապուէի իր յիշատակին . իր Կուռքի անտարբերութիւնը՝ մազի չափ չպիտի խախտէր իմ հաւատքս :

Իսկ հիմայ աւելի բախտաւոր էի . կ'ըզգայի ստոյգ կերպով որ անուշադիր չէր ինձի, ու զիս վրդովով խորհրդածութիւնները՝ իր մտքէն ալ կ'անցնէին :

Երազող ու մտամուրթ կերպարանք մը առած էր անիկա և անդադար կը դիտէր ծովը՝ հանդարտ, անծալք սիւռոցի մը պէս պարզուած, որուն վրայ լուսինը՝ իր լրումի առատութեանը մէջ՝ ազամանդէ ոստոստուն գոհարներ կը թափէր, մինչդեռ ամառ դիչերին անդորրութեանը մէջ, ծառերը կը կենային մեր շուրջը անշարժ՝ մինչեւ իրենց դողացող սաղարթները : Օդին մէջ՝ ամբողջ անուրջի, վերացումի հրաւեր մը կար կարծես որուն երկուքս ալ անձնատուր կ'ըլլայինք ժամերով :

Գ.

Կէս դիչերին մօտ էր երբոր բազմութիւնը ցրուիլ սկսաւ . լուսինը անհետացեր

էր . անոնք ալ ոտքի ելան . գլխու աննշմարելի շարժում մը՝ որ երկուքիս միայն հասկընալի ըլլալուն համար այնքան աւելի քաղցր բարեւ մը ձեւացուց :

Հեռուէն ուղեկից եղայ իրենց , ու ճամբուն վրայ , մութին մէջ տեսայ իր նազելի գլուխը՝ որ ետին կը դառնար մէկը փրնտըռելու համար կարծես :

Յամբ ու դանդաղ քալուածքով մը կ'երթային ու հօրը ձայնը կ'իմանայի մեզ շրջապատող անդորր լուծեան մէջ , խիստ ու հրամայող ձայն մը որ հնազանդութիւն կը պատուիրէր :

Արդէն կը մեղքնայի զինքը . ինչ կը քաշէր արդեօք խստասիրտ հօր մը ճնշումին տակ . մեծ ծառի մը անբոյժ հովանիին ներքեւ փթթած ծաղիկ՝ որ քամիի հարուածներուն դէմ պաշտպանուած է անշուշտ , բայց ուղածին չափ արեւին երեսը չի տեսներ . անդին , ուրիշներ կան , բաց օդին , ձիւնին ու բուրին ձգուածներ , որոնց՝ վտանգները ու վայելքները հաւասարապէս շւայլուած են . ո՞րն է բազմաւորը ասոնցմէ :

Կը զգամ որ իմն վանդակներու ետին

պահոււրտող աղջիկ մըն է . իր վեհերօտ ձեւը այս համոզումը կուտայ ինձի : Ո՞վ է ինքը . ո՞ւր կը բնակի . այս հարցումները այնքան աւելի կը յուզեն միտքս որքան ահա քիչ քիչ կը մօտենան հարկաւ իրենց տունին :

Կանգ առին վերջապէս ձրէրներու դըպրոցին կողմը , նոր շինուած տան մը առջեւ . պղտիկ սպասուհի մը՝ կանթեղ մը բռնած ձեռքը , դուռը բացաւ . ես քայլ մըն ալ առի մօտենալու ու վերջին անգամ մը տեսնելու համար զինքը . հայրը մտաւ նախ , վերջը միւսները , տարիքի կարգով . էն վերջը մտաւ անիկա ու ես մինակ մնացի տասը քայլ հեռուն , փողոցին մթութեանը մէջ :

Ոն ատեն ուղածիս պէս դիտեցի տունը . դէպի Գուշ-Տիլի իջնող զառիվայրին ու հոն վազող վտակին կը նայէր երեսը . դեղջուկ ու սիրուն բան մը ունէր . աջ կողմը՝ անկիւնի սենեակը , էն աղուորը գերքով , լոյս մը երեւցաւ յանկարծ ու փողոցէն կրցայ տեսնել զայն , մազերը թափած հիմայ , որ բաց պատուհանին առջեւ եկաւ կանգ առնելու վայրկեան մը ու դիտելու Մօտայի ծոցը՝ իր սեղմուած հողէ լանջերուն մէջ :

Յետոյ լոյսը մարեցաւ ու ամէն բան
խաւարի մէջ ինկաւ յանկարծ :

Պ.

Ի՞նչ կը խորհիս դուն, ձեռքդ գլխուդ
այդպէս, պատուհանիդ առջեւ նստած .
թեթեւ քամին մեղմիւ կը շոյէ մազերդ ու
ես կը նշմարեմ հոսկէ անոնց վրայ վազող
սարսուռը :

Այս իրիկուան դէմդ ելլող տղո՞ւն կը
մտածես դուն ալ . սպասուած, օր մը չէ նէ
օր մը դանուած անծանօթին՝ որ հին բա-
րեկամի մը պէս առջի ժամէն մտերիմ կ'ե-
րեւայ քեզի, ինչպէս որ ես ահա, փողոցին
մէջ պատի մը տակ կեցած, քեզի կը մտա-
ծեմ :

Յետոյ, ձանձրացած այս միակերպ ան-
շարժութենէն, փողոցին մէջ կը քալեմ, աչքս
վեր այդ պատուհանին սեւեռած . ի՞նչ կ'ա-
կընկալեմ քեզմէ, բառ մը, անուշ խօսք մը
որ շոշափելի ապացոյցը ըլլայ մեզ միացնող
համակրութեան :

Մութին մէջ՝ չեմ կրնար որոշել դէմքը,
զոր ծնօտին դրուած ձեռքը կը գոցէ, բայց

սեւ մազերուն ժողվուածքը կը տեսնեմ
յստակ . մունջ կեցած է հոն, չհամարձա-
կելով առջի բառը ինքը արտասանել :

Եւ ես, իրմէ ոչ նուազ վեհերօտ, չեմ
խօսիր, վախնալով որ չխտուեմ այս գեղե-
ցիկ երազը ու ձեռքէ չհանեմ զայն :

Հիմայ, զովութիւնը կ'աւերնայ . աջ ու
ձախ երկարող փողոցներուն մէջ կը լսեմ
գիշերապահին ճոկանը որ կը հնչէ ու կ'ի-
սացնէ թէ ժամը եօթն է :

Վերը անշարժ կը սպասէ ան իր արձանի
դիրքին մէջ, ու ես վարէն, զինքը դիտելով
միայն երջանիկ եմ ահա : Հորիզոնին վրայ
պլպլացող լոյսերը կը տփգունին քիչ քիչ .
գիշերը աւելի յստակ, վճիտ ու թափան-
ցիկ կ'ըլլայ, ու հեռուն՝ ծովին մութ կա-
պոյտը, իր առջի փայլը կորսնցուցած՝ սեւ
ծածկոցի մը պէս կը տարածուի իբրեւ թէ
անհուն դադաղի մը վրայ :

Շուրջս տիրող վեհութեան ու խաղաղու-
թեան մէջ ինքզինքս ուրիշ աշխարհ մը փո-
խադրուած կը զգամ . մաքուր ու խաղաղ եր-
կիր մը որ իզմէ և իրմէ զատ բնակիչ չունի .
ամբողջ տիեզերքը մեր երկուքիս ձգուած :

Աքաղաղները կը խօսին . արեւելքէն լոյսի հոսում մը կը սկսի . գեղեցիկ մազերը վերն են միշտ, պատուհանին առջեւ, իրենց առջի դիրքին մէջ . հովը կը գգուէ զանոնք, անոնց պղտիկ թելերը կը գողացնէ . դէմէն՝ լոյսը կ'աւելնայ, կը զեղու, կը շռայլութիւն արշալոյսն է :

Վաստակարեկ, ժամերով հոս անբուն անցըներու համար չեմ գանգաւոր . դէմս է անիկա, իր պատուհանին առջեւ ինծի պէս անբուն, ինծի պէս երազող :

Քիչ մըն ալ կը կենամ այսպէս . յանկարծ սեւ մազերու կոհակը կը ճշգրտի աչքիս առջեւ . ուհանի պղտիկ թումբ՝ մը, իր մութ կարմիր թաղարին վրայ կեցած, առտուան զեփիւռէն կը սարսուայ :

Ա՞ն էր բաց պատուհանին առջեւ ինծի սպասողը մինչեւ լոյս . կը զարմանամ . ի՞նչպէս չտեսայ . ծաղրելի կը գտնեմ ինքզինքս . կը բարկանամ պղտիկ իյնալու համար :

Ե.

Հիմայ, որ տարիներ անցան անկէ ի վեր, հիմայ կ'օրհնեմ քեզի, ո՛վ ուհանի պղտիկ

փունջ, որ ամէն սրտի մօտ բարեկամէ աւելի երջանիկ ըրիր զիս գիշեր մը ողջոյն :

Աղջկան մը դէմք առիր պատրելու համար զիս . աղէկ ըրիր . այն բոլոր խանդակաթ գորտիկն համար՝ զոր թափեցի պղտիկ թերթերուդ վրայ, չեմ զղջար :

Առաւօտը թող գայ ուղածին չափ իր հոսած լոյսին անողոք ստուգութիւնը թօթափելու չորս դիս :

Դուն իմ աչքիս՝ առատ գեղեցիկ մազերն ես միշտ անոր :



ԱՌՋԻ ՍԵՐ ԱՌՋԻ ԲԱՐԻ

Ա.

Թագուկ տուտուն իմ դրացիս է. չամուսնացած բարի պառաւ մը որ տունը մնացած աղջիկներու անհամբոյր ու դառնացեալ սիրտը չունի: Իր անուշ լեզուն, զուարթ խօսակցութիւնը կը յիշեցնեն ինծի այն չքաղուած խաղողի հատիկը որ կեցած տեղը, բիրտ հպումներէ հեռու, թոռմելով աւելի եւս կը քաղցրանայ, չամիչի կը վերածուի: Թագուկ տուտուն անբասիր անցեալի մը համբաւը ունենալով հանդերձ, ներողամտ է երիտասարդներուն, ու յօժարակամ ամէն

ոք իր ցաւը կը խոստովանի անոր ու խորհուրդը կը խնդրէ իրմէ:

Ամէն իրիկուն, կանոնաւոր կերպով, պատուհանը նստած կը տեսնեմ զինքը, մաքուր հագուելու վարժուած կնկան մը անսեթեւեթ պաճուճանքին մէջ. այս արդու զարգը հին օրերու տարազը անփոփոխ ու անայլայլ կը պահէ. նրբագեղ ասեղնագործութիւններով զարդարուած սեւ եւագլխին տակ՝ ալեւոր մաղերուն ցոլացումը կը փոխանցուի դուրս, մութ գիշերուան մէջ՝ ձիւնապատ դաշտի մը փողփողումին պէս: Դէմքը՝ ճերմակ, անարիւն, խորշումներով լեցուն հիմակ, կաթնապուրին երեսը ծածկող պարուտակին կը նմանի, մաքուր ու փոթ փոթ:

Չմեռ գիշերները իր շուրջը կը ժողվուինք ամէնքնիս, զինուելով իր հեզ ու համբերող բնաւորութեանը դէմ, կատակներ տեղալով իր տարիքին, առանց դորձածութեան մնացած հրապոյրներուն, իր եւագլխին հաստատատիպ հանգոյցին եւ այն անվերջ, անհատնում օյալի մանուածահիւս դրասանդներուն վրայ՝ զորս, ակնոցը աչքին՝ Թա-

գուկ տուտու օրն իրիկուն կը շինէ , կը բանի , ճշմարիտ արուեստագէտի մը երանութեամբը համակուած :

Քոչոր արգուզարդէն՝ գլխուն օյան կը փոխուի երբեմն , հանգիսաւոր օրերու մէջ , Ծնունդին , Չատիկին , Խաչին , եւ որուն առնակնկալը , անոր նուրբ գծագրութեան նութեանը մէջ կը կայանայ :

Հիմակուան ժանեակներու կոշտ ու ճաշակէ զուրկ ձեւերուն վրայ արգահատելով , Թագուկ տուտուն՝ իր ձեռագործին աննման կատարելութիւնովը կը խրոխտայ ու յաղթանակը կը տանի , ծերացած դողդոջուն մատներուն , անոյցս ու ակար աչքերուն յաղթանակը :

Բ.

Ոմանք , անաղորմներ , գլուխը հատարուած՝ կտակը կը շինեն խեղճ պառաւին . բռնի , ակամայ կտակ մը , իր ներկայութեան , իր աչքին առջեւ , ի կենդանւոյն ժառանգութիւնը բաժնելու համար մէջերնիս , քանի որ էրիկ չունի , զաւակ չունի , մարդ ու մարդասանք չունի բացի մէնէ որ ահա իր

չուրջը բոլորուած , իր լքուած առանձնութիւնը մեր զուարճախօսութիւններովը կը կենդանացնենք ու կ'ոգեւորենք :

Օր մըն ալ ունեցածը չունեցածը տեսնելու փափաքը ունեցանք . ադամանդ չունէ՞ր , քոնսօլի՞տ ալ չունէր , ի՞նչ ունէր ուրեմն այս Թագուկ տուտուն , մեզի արժանի ի՞նչ ժառանգութիւն ցոյց պիտի կարենար տալ օր մը եթէ մեռնէր , անպիտան շորերէ զատ որոնք դուրսը անկիւն մը ընկուզենիէ շինուած պարկեշտ սնտուկի մը մէջ պահուած էին :

— Մնտուկը նայինք մէյ մը՝ ըսաւ վարի քովի տան տղան :

Թագուկ տուտուն բողբոջ , պուաց . չէ՛ մի որ մահունէն ետքը մերն էր այդ սնտուկը , ի՞նչ հարկ հիմակուց խառնշակել իր բոլոր գոյքը . իր իրաւացի բողբոջ խեղդուեցաւ մեր յարուցած ժխորին մէջ :

— Մնտուկը , պուացին ամէն կողմէ :

Բռնի առինք բանալին ձեռքէն ու ներս բերելով սնտուկը , ծանրացած դագաղի մը պէս , վրան վազեցինք դիակեր ադուաներու երամի մը նման :

Հիմայ Թագուկ տուտուն իր նստած անկիւնէն կը դիտէր մեզ առանց նեղանալու . ակնոցը հաներ աչքէն ու բարձին վրայ դրեր էր ձեռքի ասեղնագործութիւնը, ինչ որ շատ կարեւոր պարագաներու մէջ միայն կը պատահէր :

Իր բոլոր կեանքը, կարգով կանոնով այդ սնտուկին խորը խնամով զետեղուած, շարուած, դուրս կ'ելլէր հետզհետէ, երկար շղթայի մը օղակներուն նման որուն ծայրը՝ ծովին յատակը նետուած երկաթին պէս, մինչեւ իր երիտասարդութեան կ'երթար կը յանդէր : Եւ որքան կ'իջնէինք խորը, կը մտանայինք յատակին, օդէ ու լոյսէ՝ զուրկ մնացող այդ բոլոր նիւթերուն հոտը սաստիկ ու կծու կուգար մեզի, քառասուն տարի առաջուրնէ պահուած հոտ մը :

Յարութեան ու վերակենդանութեան կոչուած այս ամէն առարկաները սեղմուած թանգարանի տպաւորութիւնը կը ձգէին վրանիս . ու գովեստները չէինք զլանար տնօրէնին, իր ճաշակին նրբութեան ապացոյցը հոս ալ տեսնելով :

Ամբողջ շարք մը կը սկսէր, ցուցահան-

դէս մը հին ատեններու պերճանքին, մեծարժէք կերպաներու, վառ ու պոռոտ գոյներով, որոնք հիմայ գործածական չեն, ենթարի շարվարներ Պրուսայի կազէ շինուած, գոյնզգոյն սխաշեւներ, հաւիթ մատնիներ, սանտրեր, գլխու ասեղներ, բաղնիքի քաւ մը . ու յետոյ, չգիտցողին հասկըցնելու համար Թագուկ տուտուն շերմեռանդ հռոմէական մը ըլլալը, — ինչ որ մենք գիտէինք արդէն, — ամբողջ ու կատարեալ հաւաքածոյ մը հոն՝ Յիսուսի, Աստուածածնի փոքրիկ գունաւոր պատկերներու, համրիչներու ու վենետիկ տպուած փոքրակազմ աղօթագիրքերու :

Մեզի պէս ինք ալ հետաքրքիր աչքով կը հետեւէր այս ի տես հանումին, իբրեւ թէ օտարօտի ըլլային իրեն այդ ամէնը, որոնք՝ այս վայրկեանիս, իր առջի օրերը ետ կը բերէին, անփոփոխ իրենց ձեւով, գոյնով ու բոյրով, գրքի մը էջերուն մէջ զետեղուած ծաղիկներու, տերեւներու նման տափակցած ու փոշիացած քիչ մը :

Ու առանց վէճի, ինչ որ հազուագիւտ է իրական ժառանգորդներու մէջ, մեր մէ-

Ղեն ամէն ոք իր բաժինը կ'որոշէր, իրեն պէտք եղածը կը նշանակէր, մէկդի կը դնէր :

Հիմայ բոլորովին խորն էինք սնտուկին . ձեռագործներ կը հանէինք դուրս, գունաւոր մետաքսէ հիւսուած անհաւատալի նրբութեամբ, և սքանչացած՝ կը դառնայինք պառաւին որ կը ժպտէր համեստութեամբ :

—Մեր ատենի աղջիկները բոլորն ալ դիտէին ասոնք :

Ու էն վերջը, կապոյտ մետաքսէ պղտիկ պահարանի մը մէջ, որ ինքնին արուեստագիտական հրաշակերտ մըն էր, պղտիկ փունջ մը . . . խարտեաչ մազերու :

9.

Կռիւր այս հէք մազերուն վրայ փրթաւ . ոսկիեց էին, որունն էին այս մազերը. և առանց իր պատասխանին սպասելու, անհամբեր, մեր վճիռը կուտայինք . սիրահարի մը գլխուն մազերն էին ասոնք, Թագուկ տուտուն սիրահարը . ու անմիջապէս կ'երեւակայէինք այդ սիրահարը, կը պատկերացնէինք զինքը, մարմին ու հոգի կուտայինք իրեն .

միջակ հասակով, ուրեմն բարձրահասակ : Թագուկ տուտու մասնաւոր տկարութիւն մը ունենալու էր շքեղ հասակներու ու բարակ մետաքսէ պէխերու . դոնէ երջանիկ եղած էր այս մարդուն հետ : Ու կը յարձակէինք Թագուկ տուտուն վրայ, կը դատապարտէինք զինքը . այս սուրբ կինը, այս աղջիկը որ մինչեւ ետքը էրիկ մարդոցմէ իր հեռացումը պահեր էր, կեղծաւորին մէկն էր . իր յանցանքին խոստովանութենէն աւելի բան մը ունէինք ձեռքերնիս, դրական ապացոյց մը : Կատակները կը վերսկսէին ամէն գլխէ մէյմէկ ձայնով, անլուր ժխորի մը ներդաշնակութեանը մէջ :

—Թագուկ տուտու, բռնեցինք քեզի :

—Խարտեաչներէն կ'ախորժի եղեր, չըսէի՞ր մինչեւ հիմայ :

—Ո՞վ է խարտեաչը մէջերնիս, թող առաջ անցնի :

Պառաւը պատասխանելու ատեն չունէր, բայց իր սովորական անարին երեսը կը գունաւորուէր ահա, փոքրիկ խաժուկ աչքերը արտասովոր փայլով կը ճառագայթէին՝ սեւեռած այդ մազի փունջին վրայ, չկրնա-

լով զատուիլ այդ անխօսուկ յիշատակէն . ու տակաւ առ տակաւ կը թրջէին , ծիրանի գօտիի մը տակ տեղացող անձրեւի մը նմանութիւնը բերելով :

— Ատիկա մարդու չեմ տար . ինծի հետ գերեզման պիտի դբուի :

Ինչո՞ւ համար . բացատրութիւն կ'ուզե՛նք , աղբւոր սրտաշարժ պատմութիւն մը , անոնցմէ՛ զորս թագուկ տուտուն համով հօտով ըսելու արուեստին մէջ նմանը չունի :

Եւ տեսնելով որ ծաղրածութիւնները կը վիրաւորեն զինքը , լուրջ կերպարանք մը կ'առնենք , կ'աղաչենք .

— Քոչոքում թագուկ տուտու :

Եւ սնաուկը պարպուած կը թողունք սենեակին մէջտեղը . բազմոցին ու աթոռին վրայ ալ անոր պարունակած այլազան առարկաները , անցեալ կեանքի մը բեկորները . պառաւին բոլորը կը հաւաքուինք , ուշադիր , խելօք կեցած տղոց նման որոնց մասաւ մը խոստացուած է :



Մանկութենէն հօրմէ ու մօրմէ որբ , թագուհին հոգեզաւակ էր Բերա օրնտանիքի մը մէջ , որ մանչ զաւակ մը ունէր միայն և աղջիկ զաւակի կարօտ կը քաշէր :

Այս տղաքը քոյր ու եղբօր պէս մեծցան , քով քովի , երկուստէք մոռնալով այն տարբերութիւնը որ ճակատագիրը դրած էր իրենց մէջ . մանկական խաղերէն , կուխներէն , ծեծկուռքներէն ու համբոյրով մը կնքուած հաշտութիւններէն վերջը՝ պատանութիւնը եկաւ անձանօթ վրդովումներով , չհասկցուած արտմութիւններով , ուրախութիւններով խառնուած . և վերջէն , երիտասարդութիւնը՝ ճըշդելով ու հաստատելով ընդհնարուած սրտի անքակտելի կապերը , ինչպէս քիմիական բազադրութիւն մը որ յստակօրէն ի յայտ կը բերէ լուսանկարի փոքրիկ տախտակին վրայ դրոշմուած աներեւոյթ պատկերը :

Այն ատեն իրենք ալ վախցան , աղջիկը մանաւանդ սարսափեցաւ , հոգեզաւակ մը ինքը , ընկեցիկ աղջիկ մը որ տան տիրոջ զաւակին վրայ աչք նետած էր : Յետոյ քոյր ու

եղբայր կոչուած էին միշտ. այս պայմանադրական ազգականութիւնն ալ իր սրբութիւնը ունէր: Ի՞նչ պիտի ըսէին մանաւանդ իրենց ծնողքը. իր տեսած խնամքներուն փոխարէն չէր կրնար վիշտ ու կսկիծ ցանել այս տանը մէջ, ուր սիրով հիւրընկալէր, խնամէր, մեծցոյցեր էին զինքը:

Քսան տարու էր ու խորհրդածութիւնը կու գար, հատու դանակի մը պէս, այդ անմեղուկ սէրը սրտէն կտրել նետելու հարկը զգացնելով. պահ մը կը դիմադրէր, ինքզինքը կը պաշտպանէր անձնազոհութեան դէմ. յետոյ քիչ քիչ տեղի կու տար նորէն, վերաբուժական դործողութեան մը ենթարկուելու պէս. այն ինչի անընդհատ անցուդարձին առջեւ կը կենար ժամերով վարանած, իր իրաւանց ու պարտուց զուգակշիռը ընելով, անդունդի մը խորը չափելու յիմար աշխատութեանը մէջ յամառելով շարունակ. ու թոր այսպէս անցուց, սենեակը քաջուած. առանձնացած էր հիմայ սեւ ու մութ սենեակին անկիւնը:

Ե.

Վերջապէս որոշումը տուաւ. իր միամիտ սրտին մէջ իր դատաստանը ըրաւ ու անխրաւ գտաւ ինքզինքը. սէր էր թէ այդ մարդասիրտ թիւնը տեսած չըլլար այս տանը մէջ ու երակառիքի մը պարտքին տակ չճնշուէր հիմայ. փողոցի աղջիկ մը ըլլար, անոր ու անտէր, մազերը թափած ու ոտքը բոսկիկ մուրացիկ մը, սիրելու ազատութիւնը պահելով:

Ու անմիջապէս դադրեցուց իր մտերմութիւնները, մէկ հարուածով կծկեց այս փոքրիկ ամիտփուկ ծագիկը որ իր հոգւոյն մէջ դողալով կը փթթէր, մինչդեռ դէմը երիտասարդը կը զոյրանար ու կը նախասէր զինքը: Անոր դէմ կեղծաւոր անտարբերութիւն մը ձեւացնել հարկ էր, էն դժնդակը իր պարտաւորութեանցը. ամէն նախատինքի հանգուրժեց ու ամէն աղաչանքի դէմ անզրդուելի մնաց. հառաչանք մը դուրս չը թռաւ իր խեղդուկ սրտէն, բայց սրբա՛ն լացաւ իր բարձին վրայ:

Ամառան մը մէջ երիտասարդին քով ու

չինչ մնաց առջի սէրէն՝ մահացու ատելութենէ մը զատ . հիմայ ամէն առթիւ իր յայտնի թշնամին էր տանը մէջ, այնքան որ մայրը կը միջամտէր իր աղուն անիրաւութեանը համար, ու առանձին մնացած ատեն թագուկը կը սփոփէր :

— Հոգդ մ'ըներ, աղջիկս, էրիկ մարդիկ բարկացած ժամեր ունին :

Այդ միջոցին էր որ աղան հիւանդացաւ . այն ատեն քրոջ մը անձնուիրութեամբ խնամեց զինքը, օրերով անքուն հսկեց անկողնին քով, մօրը հետ միասին փոխնիփոխ բաժնելով մէջերնին յոգնութիւնը ու կսկիծը . ու երբ հիւանդին վիճակը ծանրացաւ ու տենդը ցնորանք բերաւ, այն ատեն իր վարանումները վերստին սկսան . ինչ շահած էր այս բոլոր մահացումներէն . եւ հիւանդին սնարին քով, կանթեղին արձակած առկայծ ու դողդոջուն լոյսին պէս, իր համազումները ու տուած որոշումները երերալ սկսան :

Այն ատեն փափաք մը ունեցաւ յիշատակ մը գոնէ պահելու իր ողորմելի սէրէն . մկրտում մը գտաւ փոքրիկ, որով հիւանդին երկարած մազերէն փունջ մը կտրեց առաւ, Գողի պէս չորս գին նայելով :

Հիւանդը առողջացաւ, բայց իր երեսը չնայեցաւ . ոչ խիկ յիշեց զինքը . ծնողքը ամուսնացուցին զաւակնին ու թագուկ հարսնիքին զուարթ ու խնդումբերես երեւցաւ :

Անկէ ետքը, իր պարտքը կատարած մէկու մը խղճի հանդարտութիւնը ունեցաւ . իր սէրը կը պահէր սակայն սրտին մէջ, յանցանքի մը պէս որ թողութիւն ստացած է, պարտքի մուրճակ զոր հատուցած էր իր բոլոր երջանկութիւնը տալով, եւ զոր իրաւունք ունէր ա՛լ քովը պահելու :

Այսպէս պահեց ահա տարիներով փոքրիկ մազի փունջը ու ինքը չամուսնացաւ :

Հիմայ, երեսուն տարի ետքը, կեանքի հազար փոփոխումներէ վերջ, հաշտուած էր նախկին բարեկամին հետ . եղբայրութեան կապը վերստին կը միացնէր զիրենք ահագին անջրպետի մը վրայէն : Անիկա թուան տէր ծերուկ մըն էր կորաքամակ, մազերը ճերմկած, մինչ իր քովիները ահա այդպէս թարմ ու դեղին կը մնային, ու ատոնց պէս իր սիրան ալ երիտասարդ ու աշխոյժ մնացած էր, իրբեւ թէ յանկարծ դադարած ըլլար բարախելէ այն օրը՝ ուր իր սիրածէն

բաժնուերու ցաւը զգացեր էր . այդ օրէն
ի վեր իր սիրտը ապրած չէր ու ծերացած
ալ չէր , մինչդեռ մարմինը կ'իյնար , կը աը-
կարանար հետզհետէ :

Տ

Եւ ձեռքէ ձեռք կը պտտցնէինք այս
մազերու փունջը , ջանալով դանել անոր մէջ
պատմուած կսկիծներուն հետքը = Այդ մա-
զերը կը պահէին իրենց սեւցած ոսկիի փայլը
եւ երիտասարդի թարմութիւնը = Տարօրինակ
բան . իրենց գոյութեան մէջ մկրատին
առւած ընդհատումը փրկած էր զիրենք . չէին
ծերացեր ա՛լ . իրենց տարեկից բոլոր ուրիշ
մազերը ալեւորած , թափած , չքացած էին ,
եւ իրենք միայն անխախտ ու անդղդղելի
կը մնային քսան տարու՝ խոսրոպիքի զուար-
թութեանը մէջ ու պիտի մնային այսուհե-
տեւ : Մէկ ցաւ մը ունեցեր էին , մկրատին
հատու ցաւը , բայց այդ ցաւը որքա՛ն կըս-
կիծներէ , անկումներէ փրկեր էր զիրենք ,
մշտնջենական երիտասարդութիւնը շնորհե-
լով , այն՝ զոր թագուկ առատի սրտին մէջ
կը գտնէինք :



Կ Ա Տ Ա Կ

Ա.



Րտորալով կ'անցնէր փողոցէն , տեն-
դոտ ձեռքովը ուժղին սեղմելով
կլորցած թուղթի պղտիկ զլաններ
որոնք իր տալիք դաշնակի դասերուն տեա-
րակներն էին :

Մտազբաղ , ակնարկը մնորած , ան-
հասկնալի եղանակներ մրմնջելով քիթին տա-
կէն , կ'անցնէր զմայլած ու զուարթ դէմքով
որ իր հոգեկան երանութեան ճշմարիտ ցո-
լացումն էր :

Միւսիւ Սէֆերեան այն իրապէս երջա-

նիկ մարդն էր զոր յուետեսները կը փրն-
առեն ու չեն գտներ : Երջանի՞կ . ինչո՞ւ
չըլար . աղքատ կօշկակարի զաւակ , ինքն-
օգնութեամբ , ձրի աշակերտներու վերա-
պահուած զրկումներով մեծցած , առաջ
եկած տղայ՝ որուն հոգիին անեղծանելի ու
ազնուական մետաղը չէր աւրուած ճղճիմ
ու ողորմելի կեանքի տաղնապներէն :

Իր աչքին . . . բայց իր աչքը դարձած
էր երբեք իրական կեանքի վրայ , անջատ-
ուելով այն հորիզոններէն ուր սեւեռած
էր միշտ . իր գոյութիւնը մշտնջենական
պատրանք մը եղած չէ՞ր . սիրոյ , անձնուի-
րութեան , առաքինութեան , ամէն կերպ
ազնիւ զգացումներու գրկընդխառնում մը
չէ՞ր կեանքը , վսեմ նուագներու բօբուրի
մը . զէթ այսպէս ըմբռնած էր ինք կեանքը
եւ չէր զղջացեր :

Ո՞ւսկից ուր , ազգային վարժարաններու
մէջ ստացած թերի ուսումէն անցեր էր
դաշնակի սէր տալու . ի՞նչ աներեւոյթ թե-
լով իր անձուկ միտքը , իր անգորր հոգին
երաժշտութեան անսահման ու վրդովեալ
երազներուն կապուած էր :

Բիրտ ու կոպիտ գիծերէն , որոնցմով իր
մանկութիւնը , իր պատանութիւնը կը ձեւա-
նար , հիմակուան գեղարուեստի , բանաս-
տեղծութեան շնորհալի շրջագիծը շինուած
էր որ իր հեզ ու համակերպիկ դէմքը կը
պարուրէր . այն թուփի ու մացառի չորա-
բեկ ու վտիտ ճիւղերուն պէս որոնցմով յօ-
րինուած շրջանակ մը երվներանգ ծաղկե-
պըսակէ մը աւելի պճնագեղ կ'ըլլայ երբեմն :

Բ.

Երաժշտութիւնը զինքը գրաւող առաջին
հուրին եղաւ , անկայուն ու յարափոփոխ
դէմքով կին որ ուղուած , ըզձացուած պատ-
կերը կը զգենու ամէն վայրկեան , տեսակ մը
մանանայ որ փափաքուած ամէն համը , ա-
մէն հաճոյքը կու տայ :

Իր դիւրահաւան սիրտը շուտ մը կը
կապուէր այս երաժշտութեան նուագներուն
մէջէն իր աչքին երեւցող կիներուն , համա-
զուժով ու անկեղծութեամբ ինքնիրեն փեսայ
ըլլալով շարունակ , անուշ խօսքի մը կամ
սիրուն ժպիտի մը տպաւորութիւնը պահե-
լով , անուցանելով , մեծցնելով իր հէք

սրտին մէջ, հնչուն ու կոյս քարանձաւի մը պէս որուն մէջ ինկող յետին մրմունջը՝ յարուցած անհամեմատ արձագանգովը կ'երկարածգուի ու կը բազմապատկուի :

Գլխացողներ ու ծիծաղողներ միայն կային իր շուրջը . ի՞նչ ծաղու նիւթ քան այս տարօրինակ երջանիկը . հպարտ չքաւոր մը չէ՞ր արդեօք որ իր ողորմելի վիճակը՝ յայտնի սնամիտութեամբ՝ քողարկել կ'ուզէ :

Ու դաշնակցութիւն մը կը սկսէր իր բուրրաւիքը . կատակի, խաղի, ծաղրի դաշնակցութիւնը որ այս մարդուն միամիտ սիրահարի ձեւերովը պիտի զբօսնուր :

Վախցուելու մէկը չէր որուն ներքին չէ խաղ ու կատակ ընել, այլ այն անտրտունջ վշտատեսներէն մէկը՝ որոնք կարծես հաղուսգիւտ խաղալիկներ, զուարճութեան առարկաներ ըլլալու սահմանուած են :

Գ.

Ինքը՝ բնաւ մտքէն չէր անցրներ որ կըրնան ծաղրել զինքը . ամէնէն անկնկնկալ ու անհաւատալի լուրն անգամ չէր կրնար մերժուիլ իր պարզ ու դիւրախաբ սրտէն .

այնպէս որ, երբ օր մը, իր հարուստ աշակերտուհիներէն մէկը, Զարուհին, իր սրտին աղնուութիւնը գովեց, այս պարզ խօսքը սիրոյ յայտարարութեան մը պէս, յուզեց զինքը . այս աղջկան նայուածքը իր հօգւոյն խորը կը թափանցէր հիմայ եւ հրապուրիչ կնոջ խոսվանքը կը ձգէր հոն : Այդ օրը դաշնակի դասին մէջ շփոթեցաւ . ճիշդները ու պեւոյնները ոտոտաեցին ձայնագրութեան տեսրակին վրայ, ինչպէս որ բոլոր տունը ու բոլոր աշխարհը ալ այս պահուս կը դառնար, յիմար երջանկութեան մը խօլ հողովումովը միակ լուսուոր ու կայուն կեդրոնի մը շուրջը, այս աղջկան : Տանը մէջ՝ անոր վրդոված դէմքը տեսնելով զուարճացան . ինչպէ՞ս ասանկ մէկ բառով սիրահար կը դառնար այս տղան :

Բերայէն, այդ տունէն, դարձաւ խոսված մինչեւ իր սրտին խոր յատակը . բուրր զիշերը չքնացաւ . բանաստեղծ մըն էր այս տղան ու իր լքուած ամուրիի սենեակին մէջ ոտանաւոր գրելով անցուց գիշերը :

Այն ատեն խաղը բոլորովին զուարճալի հանգամանք մը առաւ . ոտանաւորը ձեռքէ

ձեռք պատեցաւ ու հաւնուեցաւ . այս բխու-
նիստքը , իրաւ որ չզտնուած մարդ էր :
Լուրը տարածուեցաւ տունէ տուն , գեղէ գեղ ,
եւ ամէն տեղ միեւնոյն խնդուքը պատճա-
ռեց :

— Բիանիսթ Սէֆէրեանը Չարուհիին սի-
րահարեր է :

Իրա՞ւ . ամէնքը այս հարցումը կ'ընէին ,
չկրնայով իրենց քրքրիչը զսպել . պակաս էր
քիչ մը խեղճ տղան :

Անկէ ետքը խաղը կատարեալ ընելու
բաղձանքներ յայտնուեցան . ներկայացումը
ամբողջ ըլլալու էր . ու Չարուհիին եղբայրը
գիւտ մը ըրաւ . իր պաշտպանութեանը տակ
առաւ երիտասարդ ուսուցչին սէրը . թըղ-
թակցութիւնը իր միջոցով պիտի ըլլար :

Այն ատեն նամակները սկսան , միեւ-
նոյն յիմար սիրոյն խոստովանութիւնը որ
դրացիներու , բարեկամներու օրական զուար-
ճալիքը կը հայթայթէր ու զուարթ ժամեր
անցընել կուտար : Գանի մը մտերիմներ մի-
շամտեցին այս անողորմ կատակին դէմ . ըզ-
գուշացուցին ու արթնցնել ուղեցին զինքը :

— Մի խաբուիր , Սէֆէրեան :

Խաբուէ՞ր . իր բարեկամներուն սիրտը
հանդարտեցուց . Չարուհին կը սիրէր զինքը :
Ի զուր խրատ ու խորհուրդ տունն իրեն .
ասոնք ամէնքը նախանձոտներ էին իր սի-
րոյն . ո՞վ ըսաւ որ հարուստի աղջիկ մը ազ-
քատ մը սիրելու անկարող է . կ'ուզէին որ
Չարուհիէն ստացած նամակները կարգա՞ր
մէկիկ մէկիկ . դի՞րը . եղբօրն էր անշուշտ .
Չարուհին չէր կրնար իր գրովը այդ նամակ-
ները յանձնել , բայց ան տուն տուած էր
անշուշտ եղբօրը : Գա՞րձեալ չէին հաւտար .
հո՞գը . ինք կը հաւտար ու այս կը բաւէր իրեն :

Եւ ճամբուն վրայ անցնողները կանգ
կ'առնէին , գիտելու համար այս մտադրաղ
մարդը որ իր աճապարող քալուածքով ու
չուրջին անուշադիր ձեւովը ստոյգ երջան-
կութեան մը ետեւէն վազողի մը կը նմանէր :

Պ .

Օր մըն ալ Չարուհիին եղբայրը ձանձ-
րացաւ . կատակը կ'անհամար . դասատուն
Չարուհին ամուսնութեան ուղեւրու կ'ելլէր ,
իւր սիրոյն , իր իրաւունքներուն վրայ խօսիլ
կը սկսէր . ու բամբասող բերանները , որ

անսպակաս են , այս անխմաստ կատակը մա-
տերնին կը սկսէին փաթթել : Այն ատեն
կոչա ու ստորին բառերով հասկցուցին իրեն^ն
որ այդպիսի աղջիկ մը չէր կրնար իրեն հետ
ամուսնանալ . խելքը գլուխը կանչելու էր ,
ասանկ այլանդակ առաջարկութիւն մը ընելէ
առաջ :

Ու երբ յամառեցաւ , պինդ գլուխ մար-
դու ձեւեր առաւ , ճամբու գրին զինքը .
ո՛չ . շատ աներես մէկն է եղեր այս աղան
որ առջի դէմը ելլող աղջկան հետ կար-
գուելու կ'ելլէր :

Անկէ ետքը անոր երեսը չցուցուցին իրեն .
հերքումներ տեղացին դասաստուին գլուխը .
կատակ մը , կը հասկնա՞ր , պարզ կատակ
մը բրած էր աղջկան եղբայրը , խնդալու հա-
մար իր վրայ . այդ նամակներուն գոյու-
թիւնն իսկ չէր գիտեր Չարուհին :

Իր բարեկամները նորէն բոլորուեցան իր
շուրջը , համոզելու համար զինքը ու բառնա-
լու համար սրտէն այդ յիմար սէրը որ ան-
բուժելի ախտ մը ըլլալ ու զինքը յաւիտեան
դժբաղդ ընել կը սպառնար : Չյաջողեցան .
իր ուղիղ ու պարկեշտ սիրտը չընդունեց որ

իրեն յայտնուած սէրը ծաղր ու կատակ մը
եղած ըլլայ միայն . այս էր որ այլանդակ ,
անհնար ու եղեռնական կը թուէր իր աչքին
ու Չարուհին բարի սրտին անհամաձայն :

Տարիներ անցան ու դիպուածով Չարու-
հին չամուսնացաւ . եւ ասիկա պէտք եղաւ
ձէն աւելի էր անեղծ ու անկորուստ պա-
հելու սէրը իր հէք ու ողորմելի սրտին մէջ :
Մարդիկ կը միաբանէին իր իրական դժ-
բաղդութիւնը զգացնելու իրեն ու չէին յա-
ջողեր . իր պատրանքը այն մշուշ շէնքերէն
չէր որ արշալոյսի առաջին նշոյլին առջեւ
ծուիկ ծուիկ կը բզբտին , կ'անհետանան :

Իրեն հետ դքսնեւելու համար , իր գիւ-
րահաւան սրտին խաղ խաղալու մտքով յո-
րինուած կատակը՝ հիմայ մշանչենական ու
անվանելի ստուերի մը պէս ամէն տեղ կը
հալածէր զինքը :

Ն.

Գիշերը փողոցին մէջը կը սւքակայ . ջու-
թակի մը աղեղին պէս տրանջող եւ անգուլ
երթեւեկ մը . երբեմն կանդ առնելով , ուն-
կընդբերով ապարանքի մը պատահանին

տակ որուն դոց վարագոյրին ետին կանթեղի մը լոյսը կ'ընդհնջմարուի, առկայժ ու պլպլացող լոյս՝ մութի սահմանակից, որ յանցանք մը գործելէ առաջ վարանող խղճմտանքի մը կը նմանի :

Այդ սենեակին մէջ է հիւանդը, Զարուհին, հիւծուած ու մաշած, պահելով դեռ գեղեցիկ աղջկան ախտաբայր վայելչութիւնը :

Ձինքը սպառող հիւանդութիւնը անուն չունի . բարոյական երկարատեւ տառապանք մըն է աւելի քան թէ մարմնական ցաւ մը, տառապանք՝ որ ամէնէն սաստիկ խոնջէնքէն շուտ քանդած է իր առողջութիւնը : Իր երբեմնի դասատուին անընդհատ հալածանքն է որ կը սպաննէ զինքը, հո՛ր, այդ անկողնին մէջ . այդ ծաղրելի սէրն է որուն ենթական եղած է այսքան տարիէ ի վեր՝ առանց փրկկութիւն մը գտնելու : Այդ մարդը հետապընդած իրեն շարունակ՝ հաւատարիմ ուղտին պէս, որ իր անշահատէր ու ծաղրելի անձնուիրութեամբը թարթարէնին ետեւէն կ'երթար Ափրիկէէն մինչեւ թարասքօն :

Ամէն միջոց ի դերեւ ելած է համազելու

համար այդ մարդը թէ չսիրեր եւ երբեք չէ սիրած զինքը . ու ամօթահար այդ ապուշի սէրէն, ջղային անհանդստութիւն մը ունեցած է որ, քիչ քիչ, տարիներու շրջանին մէջ, ջուրին թալիկ այլ յամառ գործունէութեանը պէս քայքայած է իր առողջութիւնը : Այս սրտի ախոնգանքէն՝ կեանքը արգէն զըզուելի թուելու մօտ է իր աչքին . մինչդեռ վարը, փողոցին մէջ, անդիտակից մարդասպանը կը թափառի դեռ իր սիրոյ անուրջներուն մէջ մոլորած . ուրախ ու երջանիկ է ան, այս կանխահաս մահուան մէջ նոր ու գերագոյն ապացոյց մը գտնելուն համար, իր սիրուած ըլլալուն ապացոյցը այս աղջիկէն, երբ աշխարհ խօսք մէկ ըրեր էր կարծես Զարուհին իբրեւ խաբերայ եւ անսիրտ էակ մը ցոյց տալու իր աչքին :

Այս մտիթարութիւնը կը ցոլայ հիմայ իր աւերեալ գէմքին վրայ . այս հաւատախրով՝ իր կսկիծը երջանկութեան կը փոխտի նորէն, ու չկրնալով դուռնէն ներս մտնել, հոգ կենալու դատապարտուած, փողոցին մէջ կը շարունակէ երթեւեկել, իբրեւ թէ մտադրած տեղ մը ունենար, անուրջի մէջ քալող մարդու մը պէս :

Զ.


Չարուհիին մեռնելէն ետքը ամէնքը բարբա-
 վին յուսահատ ու դժբաղդ կարծեցին զինքը:
 Իրօք, առջի երջանիկ ու երանեալ մարդն
 էր: Հիմայ ոչ դաս, ոչ դրամ՝ եւ ոչ յարգ
 ունէր ալ. մտերիմները այս սեւեռեալ մտա-
 ծումի, այս զակատեալ մարդէն կը հե-
 ոսնային քիչ քիչ:

Հագուստները կը հիննային ու չէր կրնար
 նորեր գնել տեղը. բնակած փոքրիկ սեն-
 եակին վարձքը կը զիզուէր ու ամնուտէրը
 կը սպառնար դուրս նետել զինքը ու դաշնակը
 գրաւել. դաշնակը. երբեք չհաւատաց որ
 այդ բանը կտրելի է, ու վայրկեան մը մտա-
 հոգ չեղաւ:


Եւ կը շարունակէր փողոցները թափա-
 ռիլ աննպատակ, սրահելով իր առջի երան-
 եալ մարդու դէմքը զմտյաժ սրտակերի մը
 առջեւ, որ ամէնուն աներեւոյթ՝ իր աչքին
 դէմն էր սակայն: Իր սիրելիին մահը, սրբա-
 մաշտք ցաւէ մը առաջ եկած, հատնումը ու
 սպառումը այս քաջառողջ աղջկան՝ իրմէ զատ-
 ուելէն ետքը, իր սէրը ու հաւատքը նուի-

րագործեր, ու իրեն խաղ մը խաղցուցած
 ըլլալու կարելիութիւնը հերքեր էր: Ապաքէն
 երբեք չէր տարակուսած անոր սիրոյն վրայ:
 Այսպէս հեռուէն, լռիկ մնչիկ, տարիներով
 սպասեր էր առանց անձկութեան, և առանց
 կասկածի թունաւորումը զգալու իր մաքուր
 սրտին մէջ, ու ծերացեր էր գրեթէ:

Հիմայ ալ, մահը կու գար իր ձեռքէն
 յափշտակելու համար զայն. ու ան ալ չէր
 յաջողեր. սիրելին հոն է միշտ, իր դէմը, իր
 աջքին առջեւ, այն առջի օրուան անուշ ու
 տրտում նայուածքովը որ չի գրուիր, չի զուր-
 ցուիր ու չի մոռցուիր:



ՅՈՒՐԹՈՒՆԱ.



Ա.

Տուրթունան իմ գրացիս էր Գանտիլի բնակած տարիս. հին ու փտած մակոյկը որուն մէջ կը թիալարէր օրն ի բուն, գիշերները մեր քովի ծովեղերքը կը պահէր :

Մարդ ու մարդասանք չունէր. ընկեցիկ մէկն էր գեղին մէջ. ամառը՝ բաց օդին ու ձմեռը՝ հաստ պատի մը կողին մէջ բացուած պատահանածեւ խորշը կը քնանար ամէն իրիկուն, երբ գինետունէն, օրուան վաստակը վճարելէ ետքը, դուրս ընէին զինքը. առանց արանջալու, խանութպանին անվիճելի իրաւունքը ճանչցողի մը պէս կը հնազանդէր,

գիմացիներ ամչցնելով դրեթէ իրեն դէմ ցոյց տրուած խստութեանը համար, ու պատէ պատ, քարէ քար զարնուելով, իր տեղը, իր ուղորմելի խշտեակը կը դտնէր միշտ :

Օղին իր միակ մոլութիւնն էր, իր միակ ըմբռնումը կեանքի, իր միակ իմաստասիրութիւնը. որքա՞ն ատենէ ի վեր կը խմէր այս մարդը, ոչ որ պիտի կրնար ճշգիւ գորցել. բայց իր կարմրած ու թմթրկած այտերէն, իր միշտ կիսափակ ու նուաղած աչքերէն, իր երերուն ու օրօրուող քալուածքէն դատելով, որուն մէջ յաւիտենական գինովը ու ծովի վրայ մեծցող նաւաստին իրար կ'ամբողջացնէին, նոր բան մը ըլլարու չէր : Հաստ չունէր. իր գրգռեակը մարած, նուազած, մեռած երանգներու խառնուրդ մըն էր, աղքատութեան ծիրանի դօտին, զոր նեւտոն չէր գտած դեռ : Անհամար կարկտաններու հակառակ՝ արմուկները դուրսն էին միշտ, և չգոցուող կուրծքէն, լանջը՝ ուռած, կախուած դորշ մսակոյտ մը՝ աչքի կը զարնէր, արդաստանք կը հրաւիրէր այս մարդուն վրայ :

Բ.

Ատենով էն վայելչասէր նաւաւարն էր, մէկը անոնցմէ որոնք անգլիտակից արուեստագէտի մը ճաշակը ցոյց կու տան իրենց ռամիկ գործին մէջն ալ. անարատ սիււրիւնձիկ չապիկով, կապոյտ թաւիչէ պզտիկ բաճկոնակով, ձիւնսպիտակ մաքուր շաշկարով կը պտտէր միշտ. իր նաւակը, նուրբ, հիւժախտաւոր տոհմիկ աղջկան մը նրբութեամբ, սրբընթաց նետի մը աշխոյժը ունէր. կը դողար, կը գուրգուրար այս նաւակին վրայ, կը շոյէր, կը սիրէր զայն զաւկի մը պէս. յաճախորդները կը գանդատէին այն չափազանց զգուշութենէն, զոր իրենցմէ նաւաւարը կը պահանջէր, կոխած կամ նստած ատեննին. ինքզինքը կ'արգարացնէր. գիտէր որ մէյ մըն ալ ասանկ ձեւաւոր նաւակ մը չպիտի կրնար շինել տալ: Ո՛չ. ասիկա մասնաւոր շնորհք մը ունէր, անբացատրելի բան մը. իր տեսակին կատարելութիւնն էր. օր չէր ըլլար որ տախտակները չսրբէր, արոյրէ կաղմածքը չմաքրէր, չփայլեցնէր ոսկիի պէս:

Գէշ օգերուն, անձրեւին, ծովը չէր իջն-

ցըներ. ագահի մը՝ հարստութեան համար ունեցած սէրը ու տառապանքը ունէր ինքն ալ:

Ս,յն ատեն երիտասարդ մըն էր. նշանուած էր ու պիտի ամուսնանար. երեւակայեցէք նաւաւար Էտմոն Տանթէս մը:

Գ.

Ամառ օր մը, Պէշիկթաշի առջեւ փոթորիկի բռնուեցաւ. յանկարծուտ պայթող միւրիկ մըն էր, սեւ թաթառի մը պէս խոյանալով իր վրայ: Միտ մինակ էր ծովուն բացը. իր անձին չմտածեց այնքան որքան իր խեղճ նաւակին. շփոթեցաւ, կորսուեցաւ. ու երբ ողողող աղի ջուրերէն դուրս հանեցին զինքը, իր պրկուած ձեռքին մէջ թի մը կար, վերջին բեկորը իր ընկղմած նաւակին: Երբոր խելքը գլուխը եկաւ, չհաւտաց. փնտուելու ելաւ. անկարելի էր որ անհետ կորած ըլլար իր նաւակը. տեղ մըն էր պահուած ուր պիտի երթար գտնէր զայն, մաքուր, փայլուն կաղմածքովը, ժպտուն հարսի մը պէս:

Յետոյ հարկ եղաւ համոզուիլ. բայց անկէ վերջը երեսը չխնդաց. իր կսկիծը ճշմարիտ սուղի մը համեմատութիւնները առաւ.

ետ ձգեց հարսնիքը, ու ատեն մը չաչխատեցաւ :

Յաջորդ ամառ նոր մը շինել տալու ձեռնարկեց ու շինուածին չհաւնեցաւ. ետ ձգեց՝ ուրիշ մը ապսպրելու համար ու անկէ ալ դո՛հ չեղաւ. իր նաւակին ճիշտ նմանը կը պահանջէր, չափը կու տար, ձեւը կը բացատրէր. բայց ո՞չ. էն վարպետները այդ անանունն փափկութիւնը անգամ մըն ալ չյաջողեցան տալ: Ու իր հաւաքած դրամները այսպէսով վատնեց. քիչ մըն ալ գինետունները սկսաւ երթալ, օղիին, այս լուռ խօսակցին, իր ուղածը, իր բացատրել չկրցած խնդիրքը հասկցնելու:

Պ.

Անկէ վերջը անկումը եկաւ, մեղմ, թոյլ, աննշմարելի բայց ստոյգ փճացումը: Նշանածը, սպասելէ ձանձրացած, ուրիշի մը հետ ամուսնացաւ. և ինքը շարունակեց նաւակ փոխել, անտեսանելի տիպարի մը յամառութեամբ դեռ հետամտելով. իր նաւակը, իր ամուսնութիւնը, իր վիճակը հարցնողներուն մէկ բառով մը կը պատասխանէր, որ իր ամբողջ պատմութիւնը կը պարունակէր.

— Փուրթունա :

Թաղժալից ու տրտում՝ ձայնով մը կու տար պատասխանը, միշտ միեւնոյնը, բառ մը միայն կարուկ .

— Փուրթունա :

Ըսին որ խենթեցաւ. գինովութիւնը ապուշի ձեւ մը տուաւ իրեն, սկսան վրան ծիծաղիլ:

Անկէ մնաց Փուրթունա անունը, մինչդեռ ինքը, գինետան անկիւնը, օղիի սրուակին առջեւ, իր նաւակը կ'երազէր դեռ, դիւթական զիծերով շինուած :

Իրօք, աղքատութեան մէջ իր հինցած նաւակը ա՛լ չէր կրնար փոխել. նորոգել կու տար հիմայ, կոկելով անոր ծռած տախտակները, մաշած ու կտարած թիակները, ամառները կը ներկէր, հինէն մնացող վայելչասիրութեան դրդումով:

Բայց օղիին աւերումներուն տակ իր կամքի ու կարողութեան մնացորդները կը սպառէին: Փուրթունան յաճախորդ չունէր ա՛լ, բացի անցորդ մանրավաճառներէ ու խաբերայ մուրացիկներէ զորս չնչին գնով մը տալաւ ին կը փոխադրէր հոսկէ հոն, կուպրով

ծեփուած մակոյկին մէջ, նստուկ գացողի մը պէս՝ անգիտակցաբար կարծես շարժելով թիերը :

Ու պատուհանէս կը դիտէի զինքը, ամէն անգամ որ անցնէր դառնար : Դանդաղօրէն ջուրը մխուող թիերուն ճողփիւնը իր մշտնջենական երազը օրօրող երգը կը թուէր ինծի :

Ատով կը շարունակէր գալ, ամէն օր կանուխ, պատրաստ կենալով իր մակոյկին նստարանին վրայ կորաքամակ, քիթը կորսուած կունտ ու կակուղ սյտերուն մէջ, անփոյթ անվհատ սպասելով, և ամառը տաքուն՝ եղբրքին խոտին վրայ, արեւին տաք ճառագայթներուն տակ քնանալով, հանգարտ ու անմեղ քունով մը, մեղի ցոյց տալով իր եղկելի ու կիսամերկ մարմինը՝ համարձակ գետին թաւալած :

Ն.

Մարդ չէր ճանչնար. ոչ զիս որ տարի մը շարունակ իր դրացին էի, ո՛չ իր գեղացիները՝ որոնց մէջ ապրած էր այքան ատեն. մարդ չէր ճանչնար. մարդկային ամէն ձայն,


ամէն աղմուկ ու ամէն դէմք մշուշի մը մէջ կը խառնուէին, կը շփոթուէին մէկը միւսին հետ : Մէկ հոգի մը կը զանազանէր դեռ . ջատուկ պառաւ մըն էր որ կու գար առտուները իր երկու աղջիկներուն հետ եազմալուալու իմ տանս մօտ : Փուրթունայի նշանածն էր. ու զայն՝ տեսնելուն իր արբեցութենէն կարմրած դէմքը կը թալկանար, մահատիպ դոյն մը կ'առնէր : Նստարանին վրայ շտկուելու ուղիղ դիրք մը առնելու ջանքեր կ'ընէր, իր ցնցոտի բալթօին օձիքը կը դարձնէր մերկ կուրծքը պարտկելու համար, բընազգական ըղձանքով մը, որ այս կործանած իմացականութեան մէջ դեռ կենդանութեան անորոշ նշան մը կու տար, վերջին տկար շառաւիղը այս մարած հոգիին աղջամուղջին մէջ :

Ադկէ զատ օղին ունէր միայն իրիկուան. խենթի պէս կը վազէր վեր, գեղը, հոն ուր զինեստունները կը վիստան. ամէնքն ալ իրենն էին, ամէնքն ալ. արբեցութեան մէջ իր գոյութիւնը կը սկսէր, ոչ հիմակուան ողորմելի կեանքը, այլ առջի երիտասարդութեան օրերը, իրենց յուսալից ու խնդում երեսփնին : Իր նաւակը նախ, նրբամարմին թռչունի

ձեւով որ ծովը հաղիւ թէ կը շոշափէ իր վաղքին մէջ. յետոյ նաւաւարը՝ իր շքեղ արդուզարդովը, ֆէսը ծռած, որուն կապոյտ ծոպին ծայրը սւսին վրայ կ'իյնայ. ու նաւակին մէջ իր նշանածը, այն գեղեցիկ յոյնի աղջիկը զոր սիրած էր :

Եւ այս աղօտ հեռանկարը, օղիի սըրուակներու յաջորդութեանը մէջ, կը ճշգուէր, յայտնի, պայծառ, կը կենդանանար, ու Ֆուրթունան ամէն իրիկուն անով կ'ապրէր ժամերով, ժամերով մինչեւ որ գինետունէն դուրս ընէին զինքը :

Այս արբեցութիւնը Ֆարիայի գանձը չէ՞ր միթէ այս ողորմելի մարդուն ձեռքը, ամենազօր կարողութիւնը որ վրէժները կը լուծէ, մարդոց ու գիպուածներու դէմ՝ անխտիր :



Մ Ե Ղ Ա Յ Տ Է Ր



II.



ուտուան ժամերգութիւնը նոր կը սկսէր, մթութեան մէջ կորսուած գեկտեմբերի առտու մը, յուրա ու խոնաւ. կոչնակը օգին ու բուրին մէջ կ'արձակէր իր ընդհատուող վայիւնը, մինչդեռ թափուր եկեղեցին պանդուխտ քահանային ձայնովը կ'արթննար, կը սարսռար իր քարակոփ պատերուն ու կամարներուն մէջ :

Տէրտէրը կ'երկնցներ իր աղօթքը, սպասելով բարեպաշտներուն որոնք չէին դար.

վասն զի ո՞վ կու գար եկեղեցի, ձմեռ ու լուր
օր մը, այս չլուսցող առտուանցով:

Քահանան շուրջաւը ուսին իր ժամերգու-
թիւնը կը շարունակէր.

— Տէր զի բազում եղեն մեղք իմ և
բազում անօրէնութիւնք իմ:

Խուլ ու տարտամ ձայնով մը որ տիրող
կէս մթութեան կը յարմարէր, անտարբեր
իր շուրջի միայնութեան, և անդգայ ձայ-
նագրի մը պէս արտասանելով աղօթքին տու-
ները. իրեն համար քսան տարուան սովո-
րութիւն մը:

Յետոյ երկրորդ ստուեր մը տեսնուեցաւ
իր քովը. լուսարարն էր, այս որմերուն՝ պա-
հապանը, անոնց պէս ամուր իր անտանելի
պաշտօնին մէջ, սիրելով այս ստուերները,
այս լքումը և կամարներէն կախուած, կամ
սուրբերու պատկերներուն առջեւ հաստատ-
ուած կանթեղները, որոնք իր հիւանդագին
զաւակներն էին գրեթէ, փութալով անոնց
քով, մէկէն միւսին, անոնց շարունակ սպա-
ռելու մօտ կեանքը արծարծելով:

Քիչ քիչ մէկ երկու հոգի ալ երեւցան,
ժամկոչը, յետոյ մտրացիկ ծերուկ մը իր փայ-

տէ զաւազանին կռթնած. ու յետոյ երկու
պանդուխտ որմնագիրներ, հազիւ քուներնուն
արթնցած: Հիմայ առտուն կը ճշգուէր. կա-
նուխ գործի գացող բանուորներ կու գային
խաչ մը հանելու դրան մօտ և յաջողութիւն
խնդրելու. ժամուն սովորական աղօթողները
ասոնք:

Բ.

Սարաֆը ուշ եկաւ եկեղեցի այն առտու.
Սուառօ յուսոյին կէսին միայն հասաւ, ինք
որ ամէն օր զայն ծայրէ ծայր ըսելուն կը
պարծենար:

Գուրսը տիրող ցուրտին հակառակ, քրտ-
նաթոր մտաւ ներս, ծանրաշարժ ու պարարտ
մարմնին բեռան տակ շնչասպառ. երեսը
խաչակնքեց, ծնրագրեց, ֆէսը վար առած,
ցոյց տալով իւղոտ ու հերաթափ դանկ մը.
յետոյ բարձրաձայն հառաչանք մը ելաւ
կուրծքին խորէն, խորէն.

— Մեղայ Տէր:

Երբեք մեղայ բառը այսքան ստոյգ անձ-
կութեամբ, այսքան անկեղծ ապաշաւի մը
արտայայտութեան ձեւով լուած չէր:

Գասին մէջ չորած սարափին կըր մարմինը, ծռած գլուխը, կիսափակ աչքերը, ուղորմելի ու գլխովեան արժանի պատկեր մը կը ձեւացնէին աստուածային զայրոյթին տըրամագրութեան տակ դըռած. և ինք յանցանքին մեծութեանը չափ այսպէս անկեղծ զղջումի մը դալով միայն թողութիւն կ'ակընկալէր կարծես, երբ հետզհետէ կը կրկնէր մարող, սպառող ձայնով մը, առանց քաշուելու զինքը լսողներէն :

— Մեղա՛յ Տէր, մեղա՛յ Տէր :

Յետոյ, թեթեւցած, ոտքի ելաւ ու իր հաստ ձայնը՝ տէրտէրին ձայնին միացաւ. ու լուռ եկեղեցին կ'ապշէր, կը խռովէր՝ ունկընդդրելով այս մարդուն :

Ինքը՝ իր տանը մէջ ըլլալ կը թուէր. դասը, դաւիթը, խորանը բոլորովին իրն էին անշուշտ. ինք կ'ըսէր աղօթքը միայնակ, քահանայէն առաջ, բառերը հատիկ հատիկ, ամէն պարբերութեան նշանակութիւնն ու սրբութիւնը շեշտելով. պահ մը կը յոգնէր, շունչ առնելու կը ստիպուէր, ու վայրկեան մը վերջը նորէն կը սկսէր, ընդմիջելով քահանային անորոշ մրմունջը և ծուռ ծուռ նա-

յելով անոր երեսը, երբ սխալ մը սպրդէր կամ վարանում մը տեսնէր նոր տուն մը սկսելու ատեն :

Վայրկեան մը նորէն կը մասնաւորուէր իր աղօթքը, անհամար ծնրագրութիւններու խառնուած, համբուրելով գետնի աղան ու փոշին, ու լալաղին և սրտաշարժ ձայնով մը վերագառնալով իր անձին .

— Մեղա՛յ Տէր :

Պ.

Մարտիրոս աղան այսպէս էր ամէն առտու, անպակաս եկեղեցիէն, իր ներկայութեամբը ապահովելով եկեղեցիին բոլոր ծէսն ու արարողութեանց կանոնաւորութիւնը, և ոչ մէկուն փախուստի ճամբայ չձգելով շարականներէն բառ մը պակաս կարդալու համար :

Քահանան այս աշխարհականին բարեպաշտութենէն կը դողար. քարոզիչն ու թաղական խորհուրդը կ'ակնածէին իրմէ և զիւղացին կը մեծարէր այս հաւատացեալ աղան որ իր բոլոր հարստութեան հակառակ աղքատի մը պէս խոնարհ ու աստուածավախ կը թուէր :

Պոլիս, իր խանութին մէջ, Մարտիրոս աղա մեծաղօր մարդ մըն էր : Հայր մայր չունէր, այլ հօրեղբայրներու ու հօրեղբօր որդիներու անհասանում շարք մը որոնք փոխն ի փոխ կու գային իր քով, սորվելու դրամ չահելու արհեստը, յաճախորդներու հետ վարուելու կերպերը, բայց գիշերները սուներ սարաֆին հետ եկեւցիի կենալը աչք առնելով : Այսպէս անոր մէյմէկ մանրանկարները կը դառնային, Աստուածասիրութիւնը Դրամասիրութեան հետ հաշտեցնելու գաղանխքը գտնելով :

Բայց անոնցմէ ոչ մէկը աղային չափ հարստանալու հնարը կը տեսնէր :

Իրենց ժառանգական վաշխառուի բոլոր ճարտարութեամբը, ստակ փոխ տալու ձեւով աշխարհ կողոպտելու բոլոր խորամանկութեամբը, ոչ, այդ հարստութեան չէին կրցած տիրանալ, և ինքնիրեննին, երբ իրենց մեծաւորին քով կեղծաւորութիւն ընելէ ու սպասաւորի դիրք մը ունենալէ տաղակացած բերաննին բանային, կը հասկցուէր որ իրենց խելացի աղգականը ինչպիսի գէտքերէ կրցած էր օգուտ քաղել :

Պ.

Հայրենիքէն դրեթէ բուպիկ եկաւ Պոլիս, նիհար ու վատոյժ պատանի որ խաներու, քարուկիր սենեակներու խոնաւութեան մէջ ծառայութեամբ հաւաքած հինգ հարիւր դրուշով բացաւ իր սարաֆի ՏՕՂԱՄԸ, ճշմարիտ «տօլապ» մը զոր մինչեւ այն օրը ոչ ոք իրեն չափ վարպետութեամբ դարձուցած էր : Իր հայրենի քաղքին մէջ զոր Մարտիրոս մեր երկիրը կը կոչէր, տիրացութիւն ըրած ու ժամասիրութիւն ժառանգած էր ազգէ :

Իր աղքատութեան, որբութեան բոլոր թշուառութիւնները տիրացուի զգեստը հագնելով կը մոռնար, և Աստուծոյ առջեւ, Աստուծոյ տան մէջ, իր անկեալ դիրքէն կը սուծոյ տան մէջ, իր անկեալ դիրքէն կը բարձրանար յանկարծ ուրիշներու հաւասար ըլլալու և իր ջերմեռանդութեամբը զանոնք գերազանցելու չափ : — Եւ ի՞նչպէս չտիրէր եկեղեցին ուր ո՛չ հարուստ ըլլալու, ո՛չ բախտաւոր ըլլալու պէտք կար Աստուծոյ աչքին : Այսպէս երջանիկ ապրեցաւ քանի մը տարի. մտածեց որ երկինքին թագաւորութիւնը տընանկներու յատկացուած է ու մխիթարուե-

ցաւ իր ներկայ չքաւորութենէն:—Բայց երբ տասնըութը տարին թեւակոխեց, բռնի Պոլիս զրկեցին զինքը մարդ ըլլալու համար, իբրեւ թէ աղքատ ըլլալուն համար մարդ եղած չըլլար մինչեւ այդ ժաման: Իր տաժանելի ուղեւորութեան միջոցին, յետոյ շոգենաւին մէջ և մանաւանդ Պոլսոյ մէջ, իր համադումները, սփոփանքները անբաւական մնացին:

Ո՛չ, այս մայրաքաղաքը երկրին չէր նմաներ բնաւ. Ակնայ տնակներուն երգիքը, դիւղացւոց շարվարը, կիներու աղտոտ լաչակը չտեսաւ հոս. նոր աշխարհ մը՝ նոր դաղափարներ արթնցուց. վայելքի պէտքը դրամի պէտքը ցուցուց: Իր բարեպաշտութիւնը որ մինչեւ այն ատեն անշահասէր էր, պահանջող, ուզան քերակ դարձաւ:

Մայր եկեղեցւոյ մէկ անկիւնին մէջ քաշուած՝ անհատնում աղօթքներու ու շարականներու քաղուածքով ստակ և դարձեալ ստակ ուղեց Աստուծմէ, և իր աշխատութեան փոխարէն առած չնչին գումարները որոնք զինքը կը շլացնէին, աստուածային պարգեւներ կը համարէր և իր աղօթքներուն վարձատրութիւնը:

Այսպէս իր առեւտուրը աստուածասիրութեան հետ խառնուած մնաց, այն բոլոր առիթները ուսկից դրամ շահելու կարելիութիւնը նշմարեց, իր օգտին համար Աստուծոյ կողմէ յատկապէս կարգադրուած նկատեց ու բան մը չհարցուց ա՛լ իր խղճին: Աստուած իր ըրածը չէ՞ր զիտեր միթէ:

Վ.

Սնդամ մը միայն տարակուսեցաւ, վարանում մը զգաց: Սնոր բարեպաշտ մարդու համբաւէն խաբուած, իր մահամերձ բարեկամներէն մէկը մեծ, շատ մեծ, իր չտեսածին չափ մեծ գումար մը աւանդ յանձնեց իրեն, մահունէն վերջը այդ գումարը ազգին իրեն, մահունէն վերջը այդ գումարը ազգին ու իր ազգականներուն մէջ բաժնելու խընդելքով. Մարտիրոս աղա նախ չհաւատաց գոց, նախ անդիմադրելի մարմաջ մը զգաց տեսներով այդ գումարը զոր հիւանդը փոքրիկ սնտուկէ մը կը հանէր. յետոյ հիւանդը հոն խղղելու և ստակները յափշտակելով փախչելու դաղափար մը ունեցաւ, յիմարի

գաղափար մը. բայց այս փորձութեանց դիմադրեց. ինչ հարկ անոնց. միթէ Աստուած իր դէմը հանած չէ՞ր այս հիւանդը. ու Աստուծոյ թողուց որ իր ուղածին պէս տնօրինէ ամէն բան:—Մարտիրոս աղա նախ դիմադրեց, չուղեց ընդունիլ այս աւանդը, ցած ձայնով, վախնալով որ դրան մօտ սպասող մէկը չըլլար ու իմանար այս աւանդի խնդիրը. յետոյ քիչ քիչ տկարացաւ, աւանդին պայմանները հարցուց. նախ է՛ն գլխաւորը, տոկոս պիտի տա՞ր. ոչ, ըսաւ հիւանդը. այն ատեն ա՛լ անձնատուր եղաւ, ստացաւ աւանդը, և Աստուածաշունչէն հատուածներ բերաւ մահամերձին ազգասիրութիւնը գովելու համար:

Հիւանդը մեռաւ և յուղարկաւորներուն մէջ Մարտիրոս աղա իր արցունքներովը, անկեղծ ու անսահման կսկիծով մը ննջեցեալին ամէնէն սրտակից բարեկամը համարուեցաւ:

Յուղարկաւորութեան տեւած բոլոր միջոցին ամբողջ ճամբուն երկայնութեամբը այս մեռած մտերիմին վրայ խօսեցաւ, անոր բարեմասնութիւնները, պարկեշտութիւնը գովեց, անոր կեանքէն մասնաւոր դէպքեր պատմեց

և լացաւ, մինչդեռ ուրիշներ, գաղաղին ընկերանալով հանդերձ, իրենց քաւիւղալին, փոնեշիւնէնքօին, քիւսցաին խօսքերը կ'ընէին. Մարտիրոս աղա զայրացաւ ու իբրեւ թէ ինք ըլլար այս անձահ խօսակցութիւնը ընող, կսկծալի ձայնով մը գոչեց.

—Մեղա՛յ Տէր:

Մարդիկը լռեցին վայրկեան մը, քանի մը քայլ ալ ըրին լռութեամբ. յետոյ մէկը, պաւստի վաճառական մը, շարունակեց իր խօսքը.

—Պճէմներուն պէրաքները ձեռքէ հանելու է:

2.

Մարտիրոս աղա անկէ վերջը իր բարեբարը նկատեց ննջեցեալը. թող չտուաւ որ մէկը գէշ ըսէ անոր վրայ. միթէ այս մեծ հարստութիւնը անոր չէ՞ր պարտեր. ո՛չ, պերախա մարդ չէր. յետոյ այդ աւանդը պերախա համար խորհեցաւ ամիսներով. իւրացներու համար խորհեցաւ չունէր ուրիշին նախ ըսաւ որ իրաւունք չունէր ուրիշին ինչքը գողնալու. վերջը ինքնիրեն հարցուց թէ ինչո՞ւ Աստուած իրեն յանձնել տուաւ

այդ աւանդը և ոչ ուրիշի մը. այս հարցումը իր տարակոյսները վանեց. Աստուած այս առիթը կը ներկայացնէր իրեն հարստանալու համար, և ինք՝ իբրեւ խելացի մարդ՝ առիթէն օգուտ կը քաղէր, մինչդեռ անխելք մը այդ բանը չպիտի մտածէր. այսպէս բացատրեց Աստուծոյ կամքը և ճշմարիտ գոհունակութեամբ մը՝ աւելցուց .

— Կամք Տեառն օրհնեալ եղիցի :

Անդին՝ ննջեցեալին ազգականները կարօտութեան, չքաւորութեան մէջ կը մնային. անոր այրին Մարտիրոս աղային կը դիմէր պզտիկ օգնութիւն մը հայցելու համար, իբրեւ իր ամուսնին սրտակից բարեկամէն :

Մարտիրոս ազա չզլացաւ այդ օգնութիւնը, բայց այս դիմումը իր տարակոյսները նորէն արթնցուց. պահ մը խորհեցաւ որ ըրածը ճշմարիտ գողութիւն մըն էր. բայց ո՞ր մեղքը թողութիւն չտանար եթէ մարդս մեղացի գայ. ու այս յոյսով, սարաֆը թախանձագին ներում մը խնդրեց .


— Մեղա՛յ Տէր :

Պահ մըն ալ ըսաւ որ ազգականներուն դրամը տայ բայց ազգին դրամը պահէ. ի՞նչ

է վերջապէս ազգին դրամը. չէ՞ մի որ ուրիշ մը պիտի ուտէր :

Այս վարանումներով կը պահէր, այսինքն կը գործածէր ստակը որ իր ճարպիկ ձեռքերուն մէջ արդիւնաբեր կը դառնար, բարեբախտ դէպքերով կը կրկնապատուէր, այնքան որ այս յաջողութիւնը իր գողութեան արդարացումը կ'ըլլար և իր զղջման ընդունելի եղած ըլլալուն ապացոյց, զղջում մը զոր սովոր էր ա՛լ յայտնելու ամէն առթիւ, խորունկ հաւատքի ձայնով մը .

— Մեղա՛յ Տէր :




մըկալից մթնոլորտին մէջ երկարելով այս ձմեռ գիշերուան դբօսանքն ու հաճոյքը :

Երեսները ա՛լ կը բացուէին. առջի զգուշութիւնը՝ սեւաթոյր կամ վարդերանգ մետաքսէ գիմակներուն հետ մէկդի կը նետէին ամէնքը, այս պահուս մտերիմ դարձած իրարու : Կէս գիշերէն ի վեր անընդհատ տետող պարերուն յարուցած փողին, այրերու սև զգեստներուն ու ձիւնաթոյր փողկապներուն, կիներու արդուզարդին և նուրբ շպարին վրայ կը տեսնուէր :

Յողնած, յուլացած, դեռ կը շարժէին, հանդարտելու մօտ եզող ծովի մը վերջին կօհակներուն պէս : Քիչ քիչ, առտուան լոյսը կը զօրանար, անկիւններուն ու անցքերուն մէջէն մթութիւնը կը վանէր, ու սրահին մէջ կը սկսէր տարածուիլ իր շլացուցիչ ձերմակութեամբը շեշտելով կաղերուն դեղին ցօլքը :

Եւ ակամայ կը ձգէին պարասրահը. տակաւ առ տակաւ բազմութիւնը կը պակսէր. կը մեկնէին խումբ խումբ, դրան մօտ հաւաքուած, պատմութեան ձայնով ցօլատին դէմ պատասպարուելու համար բերած զգեստներին. ՂՅԴ ՂՅԴ, թեւ թեւի կ'ելլէին

ՊԱՐԱՀԱՆԴԷՍԻՆ ՎԱՂՈՐԴԱՅՆԸ



Ա.

Չեղունին ապակեայ լուսամուտէն նըրբանցքներուն վրայ բացուող պղտիկ պատահաններէն, առտուան լոյսը թատրոնէն ներս կը սպրդէր,—ցրտին ու դողահար լոյս մը, դուրսը տեղացող ձիւնին սպիտակ ցօլացումը գողցես, որ սրահին շիկորակ լոյսերուն քով՝ կը տժգունէր, կը մարէր :

Ներսը կը սլարէին, երածշտութեան ու դեւոր շեշտերէն մղուած, յորձեռանդն ու տենդայոյզ, ուշադրութիւն չընելով այս կանխահաս առտուան, ու սրահին տաք ու ազ-

դուրս, ձիւնին անբիծ ու միապաղաղ մակարդակը կօխտաւելով կը հեռանային, սյրերը իրենց վերարկուին օձիքը վեր առած, կիները դիպակէ մեկնոցներնուն մէջ փաթթուած, իրենց հետ տանելով երաժշտութեան եղանակներուն պրճագանգը, մինչդեռ դրացի տուներու պատահաններէն՝ կանուխ արթընցող հետաքրքիրներ թմթուկած աչուքներով կը դիտէին ձիւնին անշարժ ծածկոյթին վրայէն սահող այս ստուերները:

Քիչ մը վերջը ոչ ոք կը մնար պարողներէն. թատրոնին լոյսերը կը մարէին, և երաժիշաները իրենց կարգին կը մեկնէին, գործիքներնին. լաթէ ծածկոցներու մէջ փաթթած թեւերնուն տակ, պարասրահը իր սովորական կէս-խաւարին ու լուռ անդորրութեանը յանձնելով:

Բ.

Ինքը վերջին մեկնողներէն մէկն էր պահանդէսին. ամսյի ու անձայն փողոցին մէջ կը քալէր, երկար ու կոճկուած քալոթին տակ պահելով իր պարողի սեւ զգեստները, շապիկին բաց կուրծքը, որ հիմայ այս լուր

օրին ու ցրտագին առտուան չէր յարմարեր բնաւ:

Սուջի դիշերուան լոյսերու փողփողումներէն, օթեակներուն մերկ ուսերէն ու շպարուած դէմքերէն, սրահին խօսակցութեանց և երաժշտութեան ձայներուն թոհուբոհէն տարօրինակ խառնուրդ մը իր յոգնած երեւակայութեան մէջ կը մնար ու կ'ընկերանար իրեն:

Ճամբուն վրայ հաղուադէպ անցորդները կը դիտէին այս դալուկ դէմքը ու քնաչըջիկի քալուածքը. ինքը կը շարունակէր ճամբան, ուղիղ փողոցի մը մէջէն, սառոյցէ սահուն քարայտակին վրայ. տուն կը դառնար:

Եւ ամէն մէկ քայլափոխին՝ ոտքերուն տակ ճմլուող ձիւնին միօրինակ խշրտուքը պարի եղանակներ կ'արթնցնէր մտքին մէջ, վալսը՝ իր թաղժալից բանաստեղծութեամբը, Մագուրֆան՝ իր ընդհատուած նուագներով:

Վաստակաբեկ ու դանդաղ քայլերուն հետ քաղուածք մը կ'ընէր իր երեկոյթէն. և երաժշտութեան, պարի, գոյներու, ծանօթ ու անծանօթ դէմքերու մէջէն, կնոջ պատկեր մը միայն կը մնար, վէս, խռովիչ ու ամբար-

տաւան դէմք մը, որուն արհամարհոտ և բարձրաձայն ծիծաղը կը հնչէր իր ականջին մէջ, իր հոգւոյն խորը :

Առջի տեսներուն կանգ առած էր այդ տիկնոջ քով որ պարահանդէսին մտերմական ու ընտանեկան ձեւին համար անշուշտ իր օթեակը ձգելով պարասրահը կ'իջնէր, ձախ ձեռքովը հանգրիճած իր վարդագոյն բեհեղէ շրջագոյնս, ծանօթներու, մտերիմներու բաժնեկիցի իր ժպիտը ու դիտու թեթեւ բարեւ մը :

Այդ վայրկեանէն չէր կրցած հեռանալ անոր քովերէն, ժամ մը ամբողջ լրտեսելով խօսակցութիւնը, շարժումը, ակնարկը, նախանձելով դայն բոլոր քովը մտեցող մարդոյմէ, մեծ մասամբ տարիքոտ դրամատէրեր որոնց ալեւոր գլուխը երիտասարդ կնոջ սեւաթոյր մաղերուն կը քսուէր :

Փոխն ի փոխ անոնց թեւն էր, սրահին շրջանը ընելով ու պարծենալով կարծես մեծ անձերու իրեն դէմ՝ ցոյց տուած քծնող ու ցաւատանջ ցանկութեան համար: Պահ մը ուշադրութեամբ դիտած էր զինքը, իր յամառ ու շրջապատող նայուածքին պատճառը

հասկնալու համար. յետոյ դառնալով իր քովի անձին՝ ցոյց տուած էր զինքը. անունը կը հարցնէր թերեւս. ծանօթ մէկը չէր, ըսած էին :

Ու ինքը հեռուն անշարժ կը կենար, դիտելով անոր գեղաշնորհ հասակը ու լեցուն ուսերուն շրջագիծը որ երկուստեք մէջքը կ'ամփոփէր, կը սեղմէր :

Այսպէս պիտի տեսէր մինչեւ լոյս, եթէ բարեկամ մը չհանդիպէր ու յանձնառու չըլլար այս տիկնոջ մօտ առաջնորդելու զինքը: Դպրոցական դասընկեր մըն էր ատենով, հիմայ կարեւոր դիրքի տէր երիտասարդ վաճառական մը, ֆոմիսերի ժապաւէնը կուրծքին, որ ամէնքը կը ճանչնար այստեղ և յարմար ու պատշաճ խօսքով մը ներկայացուց զինքը :

— Տիկին, տաղանդաւոր բանաստեղծ մը, Յակոբ Դաւիթեան, գիտեմ որ բանաստեղծները կը սիրէք և համարձակեցայ ձեր մօտ բերել զինքը :

Ու երիտասարդին դառնալով՝

— Տիկին Յովսէփեան :

Տիկինը դիտեց զինքը՝ ուշադիր ու հետա-

քրքրը՝ ոտքէն մինչեւ գլուխը, փողկապը, կօշիկները, ձեռնոցը, սքաւնպուշիկը, որոնք բանաստեղծի մը համար, բաւական շնորհքով թուեցան: Միւսը թողուց զիրենք:

Իրենց խօսակցութիւնը պարահանդէսի սովորական բանաձեւով սկսաւ:

— Աղէկ բաղմութիւն կայ այս զիշեր:

— Այո՞՞՞ Տիկին:

Երջանկութեան սրտագողին մէջ չկրցաւ բառ մը աւելցնել, վախնալով որ ապուշ խօսքով մը իր բանաստեղծի ենթադրեալ նըրբամտութիւնը ի դերեւ չհանէ:

Լուութիւնը կը շարունակէր ու ծաղրելի կը դառնար:

Տիկին Յովսէփեան սկսաւ նորէն.

— Գիւղը կը նստիք:

— Ոչ, տիկին, Բերա կը բնակիմ:

Կը թոթովէր. անիմաստ խօսքեր պիտի ըսէր անշուշտ:

— Լսած եմ ձեր անունը, աւելցոյց վարանելով, իբրեւ թէ խոսսովանութիւն մը ընէր, ձեր գրութիւնները միշտ կը կարդամ ու միշտ հաճոյքով:

Երիտասարդը իր գրագէտի ամէնէն դիւրագրած թելին մէջ արթնցաւ:

— Իմ գրութիւններս ինձմէ երջանիկ են ուրեմն:

Այս ֆօնքլիւսուր առաջինն էր զոր ըրաւ սրտատրոփ ու գողոյշուն, աղէկ մը չգիտնալով թէ տե՞ղն էր արդեօք:

Բօլժա մը կը զարնէր երաժշտութիւնը. պարի հրաւիրեց ու պարեցին. թոյլ, յոգնած կը թուէր իր ընկերուհին. մարմնեղ կին մըն էր ու երիտասարդը կը զգար իր սրտին վրայ անոր ինքնամատոյց լանջերուն յարոյցը. յետոյ պարի շրջաններէն, սրահին տաք օդէն ու իրեն յետոյ մարմինն այս ջերմութենէն գլուխը դարձած, մուցաւ որ հաղիւ կէս ժամէ ի վեր կը ճանչնար այս կինը. յանկարծ իր յանդուգն ու ձեռնարկող իղձերուն բոլոր սաստկութեամբը շրջապատեց այս մարմինը. չբողոքեց. քօլիան՝ վերջանալու մօտ՝ ալ աւելի կը շտապէր հիմայ, իր ուժգին նուագներովը, և կը դառնային ջահերուն ցոլացումներուն մէջ, գրեթէ չդպչելով գետնի տախտակամածին, եթերային պար մը. ընկերուհին իր լուութիւնը կը պահէր. բայց երկար արտեւանունքին տակէն ակնարկը կը խօսէր յստակ ու պայծառ, ակնարկ մը որուն մէջ կը դնէր

իր անձնատուր ու հաճոյքէ նուազելու պատ-
րաստ ոգին :

Երաժշտութիւնը դադրեցաւ, ու ստիպ-
ուած կանգ առին ալ, հազիւ կարենալով
ուղիղ կենալ սուրբի վրայ. Տիկին Յովսէփեան
իրեն կը յենուր բոլորովին վաստակաբեկ ու
մեղկացած, իբրեւ թէ այս պարին հեշտու-
թեամբը խորտակուած ըլլար. և իր թեւովը
կը սեղմէր երիտասարդին բազուկը, այս պա-
րով վայելած հաճոյքնուն իբրեւ մէկ մնա-
ցորդը և իր տարփոտ կնոջ հպումովը սփո-
փելով անոր սիրատենչ պահանջումները :

Յետոյ ուրիշ երիտասարդներ հրաւիրեցին
զինքը, ու Դաւիթեան հեռուէն, պարողներու
ու դիմակաւորներու բազմութեան մէջ, շա-
րունակեց դիտել զինքը և զարմացաւ որ ու-
րիշներու հետ պարած ատենն ալ միեւնոյն
սիրահալ նուազումներով, մարմնի միեւնոյն
ընծայումներով կը վարուէր :

Առտուն, փողոցին մէջ, այս էր դեռ իր
միտքը զբաղեցնող պատկերը որ հիմայ յե-
տադարձ նախանձով մը սիրտը կը կեղեքէր,
մինչդեռ ձիւնը կը շարունակէր գալ գորշ ու

ամպամած երկինքէն, դանդաղ, վարանոտ,
ծայրանաձեւ գիծերով. և երկինքի այս ձիւ-
նաթոյր սպիտակութիւնը սիրայօժար կուգար
տարածուելու հողին վրայ և իր սպիտակ
կուրծքը յանձնելու անցորդի մը գարշապա-
րին. ոչ ցեխը և ոչ աղտը չէր կեցներ զինքը.
ու հաճոյք կը զգար կարծես այսպէս սուրե-
րու տակ տղմաթաթաւ հեծեծելուն ու ճրգ-
մուելուն մէջ :

Գ.

Ուսուցիչ ու բանաստեղծ էր միանգա-
մայն, դաւառացի նիհար ու վատառող տղայ
մը, այս Դաւիթեանը, որ կասկածոտ, յամառ
ու խնայող մարդու կենցաղովը իր դրսեցիի
ծագումը կը պահէր :

Բերա, Գալիօնճու - Գուլուքի տուներէն
մէկուն մէջ, ուր իրեն պէս դեռ քանի մը
ամուրի երիտասարդներ կը բնակէին, սեն-
եակ մը վարձած էր, իր բոլոր տունն ու տե-
ղը. և իր մայրենի լեզուի դասախօսութիւն-
ներէն զվուած, քերականութեան կանոնները
հազարերորդ անգամ աւանդելէ ձանձրացած,
զրգուած, յուսահատ, կը դառնար իր սեն-

եակը ու իր հաւաքած փոքրիկ դրամագլխովը ուրիշ գործ մը փնտռելու, ապագայ մը պատրաստելու մտադիր. այս ակնկալութեամբ, առանձին մնացած ժամերուն, քերթուածներ գրելով կ'անցընէր ատենը:

Բերան կը սիրէր՝ իր մարդաշատ տուներուն, մեծ փողոցին, քարուկիր ու բազմաշարկ շէնքերուն, ազմկալից կեանքին համար. այս բազմութենէն ու ժխորէն կ'ախորժէր. ու իրիկունները իր սովորութիւնն էր, ելլել դուրս, եղէգնեսոյ փոքրիկ գաւազանը ձեռքը, իր բանաստեղծի լայն ճակատը բացած, կալթա-Սէրայէն մինչեւ Թագսիմ շրջան մը ընելու, ման գալու, ինչպէս կ'ըսէր ինք, ու կիներու այս մեծ շուկային տեսքը, այս վաճառիկ հրապոյրները վայելելու:

Այս հարուստ արուարձանը հազար ներշնչումներով լեցուն էր իր աչքին. և կ'ուսումնասիրէր զայն իր դուրսի զուարճութեան երեւոյթին տակ և ներսի մալութեան ու ապականութեան սարսուռներուն մէջ:

Օր մը, յանկարծ, հրատարակութեան տըւաւ իր քերթուածները. իր վերջաւորոյսի ցոյժերը նորութիւն մըն էր. ոչ ծաղիկ խօսք կար

հոն, ոչ արեւի և ոչ սոխակի. այս ցուքերու լոյսովը ինքը ցոյց կուտար մեծ քաղքի մը ստուերամած փողոցները, այդտեղի կեանքը իր յարափոփոխ միօրինակութեան մէջ: Բնապաշտ քերթող մը եղաւ ու յաջողեցաւ. հայ տիկիները սրտնք զրականութեամբ կը դրազէին, հետաքրքրուեցան, տեսնել ու զեցին զինքը, մինչդեռ իր դասախօսած դպրոցներու պրահմանի հոգաբարձուները յանդիմանեցին զինքը:

— Միւսիւ Գալթեան, ձեր գրութիւնները բարոյականի դէմ են. թող որ բան մը չի հասկցուիր այդ քերթուածներէն:

— Հակասութեան մէջ էք, էֆէնտի, թէ որ բան մը չի հասկցուիր այդ գիրքէն, ինչպէս գիտցաք որ բարոյականի դէմ էր:

Հոգաբարձուն պղտիկ մնաց. բայց յաջորդ դասին աւանդական ու մահաբոյր բանաձեւը հասաւ իրեն.

— Դագարեալ էք:

Դագարեալ. դասատունն' ըր զիտեն միայն այս անցեալ գերբային ահարկու նշանակութիւնը. այս բառը կը նշանակէ նախ որ ամսական թոշակէ մը զրկուած են, և մինչեւ

որ նոր դործ մը գտնեն պէտք է ա՛լ աւելի չափաւորեն իրենց արդէն խնայող կեանքը. յետոյ այս բառը իր պատճառներուն մէջ կը նշանակէ որ դատատուն յարգական կերպով չէ բարեւած Հոգաբարձուն՝ փողոցը հանդիպած ատեն, փէշը փէշին, տասնեակ մատները իրարու կցած, ճշդելով անցորդներուն առջեւ իր ակնկալու զիրքը և սպասելով որ նախ միւսը բարեւէ բարձրածայն .

— Ի՞նչպէս ես, Պ. Դաւիթեան :

Եւ շարունակէ ճամբան առանց պատասխանի սպասելու :

Բանաստեղծը այս քրէական յանցանքներով արդէն նշանակուած էր հոգաբարձութեան մտքին մէջ. մեծ փողոցին մէջ անոր գաւազանը ճոճելով անցուդարձը, զիրենք չտեսնելու զարնելը, երբեմն մտերմաբար քովերնին մտենալ ու խօսիլը, այս անբարոյական քերթուածներուն լոյս տեսնելուն միանալով, շատ իսկ էին դադարման այդ որոշումը արդարացնելու :

Ինքը, ճշմարիտ դրսեցի, յամառ ու ամբարտաւան իր անկման մէջ, պարզապէս ծիծաղեցաւ լսելով այս որոշումը, զոր կառավարէր կը հաղորդէր իրեն :

— Խայտառակներ, գոչեց բարձրածայն :

Մինչդեռ կառավարիչը իր ականջը կը դոցէր չլսելու համար այս անլուր հայհոյութիւնը ու իր ներկայութեամբը մեղսակց չը դառնալու համար :

Հիմայ դաս տալէ տարբեր հոգ ու մտածում ունէր երիտասարդը. ուրիշ ատեն իր դրամ շահելու հետամուտ ոգին պիտի զոյրանար. այս վայրկեանիս գրեթէ նախախնամական բան մը եղաւ այդ դադարումը, որ միջոց կը թողուր իրեն ծոյլ ու երազող բանաստեղծի անուրջներու :

Գ.

Վերջապէս միջոց մը գտած էր երթալու Յովսէփեաններուն տունը, Տիկնոջ չորեքշաբթի օրուան երեկոյթներուն, որոնց սովորական հիւրերը զարմացած կը նայէին այս նորեկին երեսն ի վեր :

Այս տանը մէջ երիտասարդը ուսուցիչէ աւելի բանաստեղծ մըն էր. և բանաստեղծէ աւելի՝ ոսկեհեր մազերով, խանդավառ խօսուածքով տղայ մը որ իր սիրահարի ձեւերը չէր գիտեր ծածկել նախանձոտ աչքերէ :

—Վարժապետ մը, կ'ըսէին տիկնոջ մը-
տերիմները :

—Ի՛նչ փոյթ, կը բաւէ որ սիրուն տղայ
մըն է :

Տիկին Յովսէփեան, իրեն շուրջը դարձող
պէյերէն ու էֆէնտիներէն ձանձրացած կը
թուէր ու նոր պատմութիւն մը կը սկսէր :
Ապաքէն միշտ սիրած էր նոր պատմութիւն-
ները : Համբաւաւոր ընտանիքի մը կը պատ-
կանէր, վերջերս ինկած՝ բայց պահող միշտ
ճոխ ու փարթամ կեանքի վարժութիւնը :

Իրենց հարստութեան սպառելուն հետ
իր ամուսնութեան համար երազած փառա-
տենչ ակնկալութիւնները պակասած էին. դես-
պան մը, պետական բարձր պաշտօնեայ մը
փափաքած էր ամուսին ունենալ. յետոյ ա-
ռաջին քարտուղարով մը պիտի գոհանար.
Վերջ ի վերջոյ Յովսէփեան Պօղոս էֆէնտիին
հետ ամուսնացած էր, հարուստ երիտասարդ
մը, հօրը մէկ հատիկ որդին որ աֆիօնի և
բամպակի առեւտուրով կը զբաղէր. մեծ
դժուարութիւններ քաշեց համակերպելու
համար իր նոր զիւրքին. վաճառականը իր
հաշուի, տետրակի, աֆիօնի խօսակցութեամբը,

իր մաղազայի մարդու կենցաղովը դռնհիկ
ու ստորին երեւոյթ մը ունէր. առջի օրէն՝
փեսացուին մեկնելէն վերջը՝ իր սպառօրու-
թիւնը չէր ծածկած բնաւ :

—Ո՞ւսկից գտաք աս աշխատքը :

Վերջը համոզուեցաւ. բարեկամուհիներ
խրատեր էին զինքը :

—Հո՞գոք, թող աշխատք ըլլայ, դուն նո-
րէն սիրտիդ սիրածը գտիր :

Ամուսնացաւ ու այս հարսնիքը երկար ա-
տեն խօսուեցաւ Պօլսոյ մէջ. մինակ առտուան
սուրբէին երկու հարիւր ոսկի ծախսուած
էր : Յետոյ զատ տուն տեղ ըլլալ հարկ ե-
ղաւ. Բերա բնակիլ կ'ուզէր. իր խօսքը ե-
ղաւ : Միւր փողոցը տարին 120 ոսկի վարձ-
քով տուն մը վարձեցին ու կահաւորեցին.
հարսը իր եւրոպական կրթութեան համեմատ
ապրելու եղանակ մը հաստատեց. իրեն յա-
տուկ սրահ, սենեակ ու ննջասենեակ ունէր,
զորս իր ճաշակով զարդարած էր բլիւշի,
աքլաւի կերպաններով, ուր լոյսը կ'արդիւ-
ուէր երկոյս վարագուրեալ պատուհաններէն :
Վաճառականը բան մը չէր հասկնար այս
անօգուտ շաշլութենէն, պատերուն, աթո-

ուակներու վրայ դրուած Չինի ու Հնդկաչինի հազար մանրակերտ նիթերէն որոնց ոսկեզօծ նկարները այս մութ սենեակներուն մէջ կը փայլէին . նուիրական տեղ մը մտնելու պէս կուգար հոս, ուր ոտք կոխելու տեղ չկար, և ուր մթնոլորտը հարսին դործածած էֆսքոններուն բուրումալը թանձրացած էր, մինչդեռ պատերը ու տախտակամաճը ծածկող օթոցները ամէն ձայն ու աղմուկ կը խեղդէին :

Յետոյ երեկոյթներու և ընդունելութեանց շարքը սկսաւ . ամէն կողմէ կը հրաւիրուէին իրենք և պարտաւոր էին հրաւիրելու . էրիկը, հլու և հնազանդ, չէր կրնար դիմադրել . իրենց դիրքը կը պահանջէր, և տարին երեք չորս հեղ Տիկին Յովսէփեան Բերայի հայ և օտարազգի մեծ ընտանիքները իր տունը կը հաւաքէր՝ ճշմարիտ պարահանդէսներ տալով :

Կը դրօսնուր, թողլով որ ամէն տեղ էրիկը իր բամբակի, աֆիօնի արտադրութեան, մաքսի, պաշտայի խնդիրները պատցընէ ուղածին պէս :

Ամառը Բրինջիբօ կ'երթային օդափոխութեան . չէին կրնար էսնաֆի պէս ամբողջ տարին միևնոյն տունը բնակիլ . հոն ալ հիւ-

րերը պակաս չէին և այս կեանքը կը շարունակուէր, ապահով ու ստոյգ կործանման առաջնորդելով իր էրիկը . ինքը այդ անդունդին կը նայէր անտարբեր, դրեթէ հաճոյքով, հետաքրքիր՝ հասկնալու համար անոր հետեւութիւնները :

Չորս տարուան ընթացքի մը մէջ բոլորովին զգուած էրկանը առեւտրական խօսակցութենէն, հեռզհետէ կը զղջար իր ամուսնութեան վրայ որ շղթայակապ դատապարտութիւն մը կը դառնար, ու հազար անգամ պատրաստ էր փոխելու այս աֆիօնով խառնուած հարստութիւնը, սրտի մօտ մարդու մը բարեկամութեանը հետ :

Ոչ կիրք և ոչ ցանկութիւն ունէր իր ամուսինը և կինը իր տենդաբորբ հիւժումներովը կը սոլաուէր, կը հիւանդանար . բժիշկը՝ գաղանապահ ու շնորհալի տօքթօր մը՝ կուգար եթէ ոչ առողջացնելու, գէթ սիփփելու համար հիւանդը . Տիկին Յովսէփեան իր քնատութենէն կը գանդատէր . բժիշկը կը զարմանար . այսչափ աֆիօնի մօտ մարդու մը կինը քնատութենէ դանդառէր և իր փշուաչներուն պէտք ունենա՛ր :

ձշմարիտ էր սակայն որ Տիկին Յովսէփեան շատ գիշեր կը լուսցնէր, տենդոստ ու երազամուլ. և առտուն՝ գեղեցիկ աչքերուն կտրած կոպէն, ատգունած երեսէն գիշերուան տաղնապները կը կարգացուէին դէմքին վրայ :

Իր դժգոհութիւնը էրկանը դէմ կը դառնար և կը զայրանար այն օրինաւոր հարըստութեան դէմ՝ զոր անոր երեսէն կը վայելէր ու յիմարական կարգադրութիւններ կ'ընէր մտքովը, իր էրկանը կործանման ակնդէտ սպասելով :

Իր արդու շարժերը կը մտադրէր պատրաստել իր մտերիմներուն ընծաներէն. հագուստը բոլոր յարաբերութեանցը ամփոփումը պիտի ըլլար, տեսակ մը ֆառնէ ուր ամէն ոք իր անունը պիտի արձանագրէր :

Եւ ոչ ոք կար իր մօտը խրատելու համար զինքը և դարմանելու իր հիւանդ հոգին :

Այդ միջոցին աֆիօնի գիները մեծ անկում մը ունեցեր էին և ահագին քանակութեամբ ասորանք կար էրկանը ձեռքը, որ հիմայ շուարած ապշած կը մնար այս մեծ կորուստներուն վրայ, զորս դարմանելու անկաւորող կը դգար ինքզինքը :

Կինը, քինախնդիր ու ռխերիմ իր ատելութեանը մէջ, կը յանդիմանէր անոր ապիկար ձեռնարկութիւնները :

— Հօրդ հարստութիւնը ստակ չըներ, էրիկ մարդ ըսածդ ինքը վաստկելու է, դուն կորսնցնելէ ուրիշ բան ըրած չունիս :

Ստոյգ էր. երեք տարուան միջոցի մը մէջ իր դրամագլխին կէսը կորսնցուցած էր այս թմրեցուցիչ դեղին վրայ կատարած շահագրիստութենէն. էրիկը իր յանցանքը կը խոստովանէր, մեղմիւ, քիթին տակէն .

— Սա՛ աֆիօնը . . .

— Օ՛խ, տասն անգամ ըսի քեզի, դուն գործի մարդ չես. ես քեզմէ տասն անգամ աղէկ եմ, ուղածիս չափ դրամ կրնամ շահիլ :

Չէր բացատրեր ինչ կերպով. բայց էրիկը կը հաւատար, ու կինը յողթական ստքի կ'ելէր, կարմրած, դունադեղ ու պաշտելի իր ոխակալ ամբարտաւանութեանը մէջ. միւսը ինքզինքը պաշտպանել կը ջանար լուրջ ձեւ մը առնել ուղելով :

— Կ'աղաչեմ՝ Նարդիկ :

Կնոջը քրքիջը իր ձայնը կը խափանէր. խնդալէն կը մարէր էրկանը ապշած ձեւերը

ու անխմաստ խօսքերը կրկնելով, ճարտարութեամբ ձայնը նմանցնելով խորէն, անդունդէն եկող խուլ, սնանկանալու մօտ վաճառականի մը ձայնը .

— Կ'աղաչեմ Նարդիկ . . .

Ու վայրկեան մը վերջը կ'աւելցնէր արգահատութեամբ դիտելով զինքը .

— Բէք շիրիկն ես :

Յ.

Իր թեկնածուներուն մէջ զարտուղութիւն մը եղաւ բանաստեղծը իր առատ ու դպրոցականի մը երկուքի ճեղքուած, սանտրուած մազերովը : Երիտասարդը իր իտէալի հակամէտ տրամագրութեամբը բոլորովին վերացական հեշտութեամբ մը կը համակուէր իր քովը . և այս գրական կինը երազացնոր հրեշտակի մը կերպերը կը զգենուր . իր սրահին մէջ, անկիւն մը, գլուխ գլխի, անոր ուսին վրայ հակելով իր ժպտուն դէմքը, կարմիր լուսարդելին տակէն արձակուող մեղմ նշոյլներուն մէջ, Տիկին Յովսէփեան բանաստեղծին կ'ունկնդրէր :

Սնդին կը փափսային հիւրերը, դժգոհ

այս բացառիկ շնորհէն զոր նորեկը կը վայելէր, բայց կը ստիպուէին տեղի տալ, գիտնալով որ տիկնոջ այս հովուերգութիւնը չէր կրնար շարունակուիլ :

Յետոյ այս ուսուցիչ սիրահարին անունը կը տարածուէր բերնէ բերան, տունէ տուն . կը քննադատէին, կը գովէին, կը խնդային . ի՞նչ բազդաւոր էր այս երգիչը իր քնացուցիչ քերթուածներովը . յայտնի էր որ Տիկին Յովսէփեանին ճակատագիրն էր թմրեցուցիչներու մէջ տարուբերիլը . այս գիտողութիւնը կը ծափահարուէր այն տուններուն մէջ որոնց տիրուհիները չէին երբեք հանգուրժեր անոր գերազանցութեանը :

Նարդիկ թող կու տար որ ըսէին . ներքին գոհունակութիւն մը կ'ունենար լսելով իր հանած աղմուկին արձագանգը . այո՛, բանաստեղծ մը կը սիրէր որ դեղեցիկ երիտասարդ մը ըլլալու առաւելութիւնը ունէր . ճշմարիտ ու անկեղծ սէր մը փնտռած ու գտած էր :

Երիտասարդը միայն շուարած կը մնար իր անակնկալ յաջողութեան առջեւ . իր ձեռքն էր ամէն դոհացում ստանալ . զօրապետներ կան որոնք իրենց տարած յաղթու-

Թեան օգուտը քաղել չեն գիտեր. ուսուցիչը անոնցմէ էր :

Երջանիկ էր հիմայ Տիկին Յովսէփեանի սրահին մէջ. այս ճոխութիւնը, փակ վարագոյրները, աթոռներու կակուղ կերպասը, ամէն ինչ մեղկութեան ու երանութեան կոչում կ'ընէին իրեն. և այս ամէնուն մէջ հեշտաբոյր հոտ մը, տիրուհիին հոտը կու գար իր ատեն ատեն սպասելու համար անցուցած ժամանակը մոռցնելու. յետոյ դռնէն կ'երևար Տիկինը՝ միշտ թարմ, միշտ նոր հրապոյրով. գերերը կը փոխուէին. ուսուցիչը աշակերտ կը դառնար: Ու յանկարծ քմահաճոյք մը կ'ունենար, երիտասարդը իր ճաշակովը հազուեցնելու կ'ելլէր, հրահանգներ կու տար զգեստներուն համար, փողկապի ու շապիկի համար Քէօնի վաճառատունը կը յանձնարարէր, և ուր օր վերջը երիտասարդը կու գար իր նոր հագուստներով, զորս վայելչապէս կը կրէր, և որոնց համար, ատենով Քոէտի Լիօնէի քով ձգած ստակէն՝ շունչ ու կեանք սպասելով հաւարած դրամէն՝ մաս մը ետ առնելու ստիպուած էր :

Երբեմն Տիկինը թատրոն կ'երթար և կը

փափաքէր որ հոն գտնուէր ինքն ալ. կը հընադանդէր. ու այսպէս քիչ քիչ կը պարտաւորուէր յանձնառու ըլլալ այն անկերջ ծախքերուն որոնք այս կերպ կեանքի մը պէտք են. իր գաւառացիի խնայող սովորութիւնը կը բողբէր այս ընթացքին դէմ. դրամի ու կնօջ սէրը կը մաքառէին իր մտքին մէջ. կամայ կամաց թողած էր իր բոլոր դասերը, սիրոյ ժամագրութիւններուն պատճառաւ ոչ մէկ տեղ կրցած էր կանոնաւորապէս շարունակել իր պաշտօնը. հոգը չէր. Տիկին Յովսէփեանի մէկ ժպիտը, մէկ ձեռքի սեղմումը կը փոխարինէր այս կորուստը. բայց Քոէտի Լիօնէի ստակը կը հատնէր ծաղկեփունջերու ու պղտիկ նուէրներու յատկանալով, վասն զի հիմայ գիտէր այս աշխարհիկ սովորութիւնները. միայն թէ այս ամէնուն եզրակացութիւնը կ'ուշանար և Տիկին Յովսէփեան կը ձանձրանար :

Ձ.

Սիրոյ համար ձանձրոյթէ աւելի մահացու բան չկայ. Տիկին Յովսէփեան յուսաց, սպասեց, բայց վերջապէս ձանձրացաւ, մինչդեռ

Երկտասարգը իր սիրոյ մոլեգին ու անյա-
 դուրդ ցանկութեամբ կը տառապէր. երբեք
 պատշաճ առիթ մը չկրցաւ գտնել ոչ իսկ
 համբոյր մը առնելու այն սիրաատենչ շրթունք-
 ներէն :

Յետոյ ստակի նեղութիւնը՝ իր հեռաւո-
 րութիւնը ու ստորնութիւնը եկաւ յիշեցնել.
 այս վիճը, անյատակ ու ահարկու, երեւցաւ
 իր սարսափած աչքին. հիմայ ա՛լ ոչ դաս
 կար և ոչ ստակ. շարաթ մը առաջ իր վեր-
 ջին դրամը առած էր պանքայէն. պարտքեր
 ըրած էր, ինքը որ ամէն ամիս տասը փարա
 պարտական մնալ չէր զիտեր. ս՛ւր գացեր
 էին իր դրամները. սենեակին մէջ ձեռնոց-
 ներու տուփը աչքին դպաւ՝ դոյնդդոյն հա-
 ւաքածոյով. ու իր դաւառացիի լուրջ միտ-
 քը արթնցաւ : Չհամարձակեցաւ տպագայի
 վրայ խորհիլ. իրեն սիրտանք մը կը մնար,
 Տիկին Յովսէփեանը՝ իր անձնուէր ու հաւա-
 տարիմ կնոջ սիրովը. և սակայն, իր անկման
 և աղքատութեան մէջ, ա՛լ չպիտի կա-
 րենար ներկայանալ անոր տունը, և հեռուէն
 միայն, ուրիշներու հետ պտտած, ժպտած
 ատեն պիտի կարենար տեսնել Նարգիկը :

ինչպէս պարահանդէսի դիշերը զիտած էր
 անկիւն մը քաշուած :

Այս մտածումներուն մէջ իր աղքատիկ
 սենեակը չարաշուք գոյն մը ստացաւ, անձ-
 նասպանութեան դաղափարը փայլակի մը պէս
 անցաւ իր մտքին մէջէն :

Այն դիշեր դուրս չելաւ իր սովորութեանը
 հակառակ ու մինակը իր կեանքին հաշիւը
 փնտռեց. գաւառը, Պոլիս գալը, պանդուխտ
 դպրոցականի կեանքը, դասատուի նուաստ
 անցեալը, բոլորը ողբալի պատկեր մը կը կազ-
 մէին, և այս ամէնուն վրայ արև մը կը ծա-
 գէր լուսաւոր, պայծառ, կնոջ մը ակնարկը
 որ իր բոլոր թշուառութիւնները համակրելի
 կը դարձնէր. կէս դիշեր էր. հագուեցաւ
 առանց զիտնալու ինչ ընելիքը, դուրս ելաւ,
 փողոցը, որ կողմ երթալիքը չգիտնալով : Մեծ
 փողոցին մէջ ուշադրութեան արժանի բան
 մը չգտաւ, և դիշերը՝ մութին կը թափառէր
 աննպատակ, երբ յանկարծ ծանօթ տան մը
 առջև տեսաւ ինքզինքը. Յովսէփեաններու
 տունն էր, լոյս կար, բազմութիւն կար,
 խնդալու ձայները մինչև փողոց կը հասնէին :

է.

Միացեալ Ընկերութեանց Տնօրէն Խորհուրդին կ'անդամակցէի . կարող պաշտօնեաներ կը փնտռէինք մեր լուսաւորութեան գործին ծառայելու , անձնազօհ ու համեստ մարդեր որոնք իրենց միտքն ու հոգին նուիրեն առանց ազմուկի , պարտականութիւն մը միայն կատարող մարդոց պէս . կը փնտռէինք ու չէինք գտներ :

Երիտասարդ մը ներկայացաւ մեր ժողովին . Դաւիթեանն էր :

Պաշտօն խնդրելու կուգար Ընկերութեան վարժարաններուն մէջ . իր վրդոված դէմքէն կրած տառապանքը կը հասկցուէր . նիհարցեր , աչքերը հորը ինկեր էին . յանձնարարեցի զինքը ու յարմար պաշտօն մը փնտռեցինք . Սլաշկերտի վարժարանին տնօրէնութիւնը բաց էր . ընդունեց , աղաչելով միայն որ կարելի եղածին շուտով ճամբայ ելլէ :

Ժողովէն վերջը առանձին տեսնուեցայ հետը . իր կսկծալի պատմութիւնը ըրաւ ինծի . կորսնցուցած դիրքը , երկու հարիւր ոսկիի չափ դրամին հատնիլը , չքաւորութիւնը աչքի

առջև , և սրաին մէջ այս յաւէտ սիրեցեալ կնոջ պատկերը :

Վերջերը ա՛լ սկսեր էր իր երեսը չնայիլ . ուրիշներ , աւելի փորձ ու ճարտար սիրոյ արուեստին մէջ , վայելած էին զայն և ինքը իր չքաւոր բանաստեղծի սիրոյն ու պարկեշտութեանը մէջ մոռցուած էր :

Տիկին Յովսէփեան Բերայի ամէնէն ըլձալի կինը կը մնար . իրեն անգամ մը մտեցողները տարփանքով ախտացեալ ու վարակեալ կը հեռանային :

Ապաքէն ոչ ոք իր հրապոյրներուն մենաշնորհը ունէր . ամէնունը ըլլալ կը բաղձար այս կինը քանի որ իր էրկանը չէր . նոր անկում մը իր տարփանքին վայելքը ու սաստկութիւնը կ'աւելցնէր :

Շաբաթ օրը աւստրիական թղթատարը կը մեկնէր և ուսուցիչը նոյն օրը ճամբայ ելլել որոշած էր . խոստացեր էի ուղեկից երթալ իրեն մինչև շոգենաւ ու խոստումս պահեցի :

Իրիկուան ժամը իննին մեկնեցանք ընկերութեան գրասենեակէն . բեռնակիր մը առջևնուս կը տանէր ուղևորին համեստ սնտուկը .

ձիւնը կը տեղար հանդարտ օդով մը ու ծու-
լութեամբ կը տարածուէր, կը փռուէր ցե-
խոտ մայրթերուն վրայ . ամէն ազգ ու ամէն
տարիք կը կոխէր կ'անցնէր անոր կաթնաթոյր
երեսին վրայէն, հոն թողլով իր գարշապա-
րին աղտոտ գրոշմը . ձիւնը կուգար կը հանգ-
չէր, երջանիկ այս կոխտուամերուն տակ :

Բազդատութիւն մը եկաւ միտքս այս
կնոջ և այս ձիւնին միջեւ . ապաքէն երկուքն
ալ միւսոյն ճակատագիրը ունէին :

Մաքսատան մէջ ճամբորդները կը լեց-
ուէին անհամբեր, հակերու, սնտուկներու,
ծրարներու մէջերէն քալելով : Քարափին վրայ,
այս եզերքէն ուրկէ ուղևորութիւնը կը սկսէր
ալ, վերջին անգամ արտասանեց մեղմիւ
Տիկին Յովսէփեանի անունը .


— Նարդիկը չպիտի տեսնեմ ալ :

Լացաւ . յետոյ իր գաւառացիի տոկուն
բնաւորութիւնը յաղթեց :

— Այս քաղաքին մէջ բոլորովին թուլա-
սիրտ մէկը գարձեր եմ :

Շոգենաւին մէջ շատ չկրցանք խօսիլ ու
ինքը մտաղբաղ կը դիտէր այս ցուրտ օդը,
ու բամպակի գուզերու պէս տեղացող ձիւնը

որ կը յիշեցնէր իր պարահանդէսէն ելած
առտուն, ճիշդ տարի մը առաջ : Ճշմարիտ վա-
ղորդայնը այս ուղևորութիւնն էր ահա որ
գաւառացի տղան կը խղէր ախտացեալ մայ-
րաքաղաքին մոլութիւններէն՝ իր պարտակա-
նութեան առաջնորդելու համար :




Ամէն անգամ որ այցելութեան կ'երթամ տանտիրոջ՝ որուն իշխանավայել հիւրասիրութիւնը, ազնուական Օսմանցիի վարքը՝ զինքը ճանչցողները կը դրաւէ, վայրկեան մը կանգ կ'առնեմ պարտէզին մէջ, ներս մտնելէ առաջ, և թութակին ազմկալից խնդուքը, այս անհիմն ու անտեղի ուրախութիւնը, մարդոց շատերուն ուրախութեանը պէս, ինծի մտածել կուտայ :

Վայրկեան մըն ալ կը կենամ կապիկին մօտ, իր ճարտար լարախաղացի մարզանքներուն կը հետևիմ աչքովս, սուր և խելացի ակնարկը կը դիտեմ. իր ջղային, գերազանցապէս ջղային արարածի տազնապներուն վրայ կը զմայլիմ: Հարկաւ բան մը կը պակսի անոր՝ կատարեալ մարդ ըլլալու համար. ի՞նչ արդեօք. ամէն պարագայի մէջ, պակասածը զգացումը չէ :

Եւ ամէն անգամ որ ծանօթներու, հետաքրքրիներու հետ կ'անցնինք կը դառնանք քովէն, միշտ բառ մը կը փոխանակենք իր վրան. որը՝ այն օրուան հնարած անոր մէկ խաղը կամ չարութիւնը կը պատմէ. որը՝ խելքին կամ զգացումին նոր մէկ փորձին

Կ Ա Պ Ի Կ Ը



Ա.



առագեղ մը չէր աս, ոչ ալ առիւծ մը մէջինը: Մարդու հասակի բարձրութեամբ վանդակ մը որուն երկաթէ ցանցին մէջ զետեղուած թառին վրայ՝ բարակ շղթայով կապուած կապիկ մը կը խաղայ առտուրնէ մինչեւ իրիկուն. դէմն ալ թռչունի փոքրիկ վանդակի մը մէջ թութակ մը, որուն խնդալէ ճաթող մարդու քահրահր փողացի անցորդները կը կեցնէ ու դրացի տղաքը դրան առջեւ կը հաւաքէ ամէն օր:

վրայ կը խօսի . օրուան . . . մարդն էր այս կապիկը Բրինճիբօի մէջ :

Բ.

Տանը ծառաներէն զինքը խնամողներուն մէջ իր նախընտրածը սպասուհի մըն էր . persona grataն այս դժուարահաճ ու անհամբոյր կենդանիին . պէ՞տք էր արդեօք աւելցնել իսկոյն որ եկող դացող հիւրերուն ալ հաճելի էր այս ուժով լուսով աղջիկը որ Արշիպեղազոսի կղզեակէն մէկտեղ բերած էր՝ դրսեցիի առօյգ ու աննենգ աղուորութեանը հետ՝ նայեաղի մը վրդովիչ հրապոյրը :

Ծանօթներէս նրբամիտ թուրք օրագրող մը որ ինծի հետ այս տունը կը յաճախէր , ու ինծի չափ այս կապիկին կեանքովը կը հետաքրքրուէր , տարօրինակ բաներ կը պատմէր անոր վրայ :

— Կը հաւատաս , կ'ըսէր ինծի որ մը խընդալով , որ այս հէք կապիկը սիրահարած է տանը սպասուհիին . ապացոյց՝ որ ճաշակի մէջ ալ մենէ ետ չի մնար այս կենդանին . խել մը զիրքերու մէջ կարդացած եմ որ Ամբրիկայի օրանկութանները , հին ատեններու ասպետներուն պէս , ճշմարիտ առեւանգութիւններ և անվաւեր ամուսնութիւններ

կատարած են իրենց սիրած կիներով . չեմ զարմանար ուրեմն թէ որ մեր կապիկն ալ Մարիզօն սիրէ :

Եւ իմ տարակուսական ձեւիս վրայ՝

— Հաւատա՛ , կ'աւելցնէր բարեկամս , որ իրողութիւն մըն է ըսածս . ես այս կենդանին ուսումնասիրելու վրայ եմ . յիմար ու բուռն սիրոյ մը ապացոյցները ունիմ , Ռօմէօ և Ժիւլիէթի սէր մը :

Իրօք , ամէն անգամ որ Մարիզօն կը մօտենար կապիկին , դող կ'ելլէր անիկա , հրճուանքի սարսուռ մը կը վազէր իր մազոտ մորթին վրայ , աչքերը կը փայլէին . ցնորած , երջանկութենէ արբշիտ էակի մը անկարգ ու անկապ բաները կ'ընէր , վայրկենական կերպով հլու և հնազանդ կը դառնար , և սպասուհիին ձեռքին տակ կը դնէր փոքրիկ գլուխը որ այնքան չարութեամբ լեցուն էր ուրիշներուն համար . իր նիհար թաթիկը փայփայանքի մը մեղմութեամբ ու անհուն հեշտութեան մը դողովը աղջկան դայցնել կ'ուզէր միշտ : Աստիք և աստնց նման հազար մանր ու չնչին բաներ այս սիրոյ տառապանքը կը մատնէին , մինչդեռ թութակը , դէմէն ,

ծաղրանքի խլացուցիչ քրքրչով մը կը ծիծաղէր, իր յաւիտենական հեգնութիւնը կը դընէր իր չզգացած այս ցաւին ու կսկիծին վրայ :

Պ.

Քիչ քիչ ճշմարիտ գայթակղութեան մը համեմատութիւնները առաւ այս տարփանքը : Կապիկը կը նախանձէր և սուր ակռաները կը կճրաեցնէր Մարիդօին մօտեցող ու խօսող էրիկմարդոց դէմ : Իր փոքրիկ բանտին վիզին փակչող նուրբ բայց անփշրելի շղթային արտօնածին չափ՝ ցասմնակոծ ատելութիւն մը կը յայտնէր իր բոլոր ստիսներուն դէմ և վախ կ'ազդէր : Այնքան որ յոյն սպասուհին, իր կանաչի բնազդովը, այս կաշկանդուած անասունին վրայ առաջ բերած տպաւորութենէն կ'ամչնար, կը պահուրատէր, և միւս ծառաները կը տանէին կերակուրը, որուն, կապիկը սրդողած հիմայ, հազիւ կը դպցնէր իր շրթունքը. և այսպէս օրերով իր զրկանքը այնքան յօժարութեամբ յանձն կ'առնէր որ տէրը անոր անօթութենէ մեռնելէն կը վախնար :

Իր խօլ խաղերը, իր յիմար սատուները դադրեր էին. ժամերով անկիւն մը սմբած կը կենար ան որ հանգիստ ու դադար չէր գիտեր : Միայն՝ երբոր ազջիկը դիպուածով անցնէր իր վանդակին քովէն, անսահման բերկրանքի խանդով մը կը ցատկէր տեղէն, կը քաշէր շղթան, կը դառնար, կ'ելեւէջէր իր փոքրիկ տնակին մէջ :

Օր մըն ալ Մարիդօն ձգեց գնաց բոլորովին և փոքրիկ կենդանին ալ ի զուր սպասեց տեսնել՝ իր կապուած, դամուած անկիւնէն՝ զգացուած էակը, վայելքի պատկերը որուն իրաւունք ունենալ կը կարծէր :

Պ.

Թղթախաղերնուս էն տաք մէկ վայրկեանին էր երբոր լուրը բերին. ամէնքնիս իսկոյն ձգեցինք ելանք խաղը, սա անհաւատալի բանը աչքով տեսնելու համար :

Փայտէ թառին վրայ ոլորուած շղթային ծայրէն, որ այսպէս կարճըցած հիմայ՝ մինչեւ գետին չէր հասներ ալ, կապիկը կախուած էր ուղղածիդ և անշարժ. իր աջ թաթիկովը ուժով մը կը սեղմէր դեռ, կարծես թէ կը

փայփայէր, շղթան որ իր սրտայօժար մահուան գործիքը եղած էր. աչուրները դոյ էին ու բոլոր դէմքին վրայ, յարափոփոխ ու ծաղրածու դէմքին վրայ, չեմ գիտեր ի՛նչ ծանր ու լուրջ բան մը որ այս մեռելի մանկական երեսին՝ աղատագրութեան մը՝ վերջնական փրկութեան ու հանգիստի մը վեհութիւնը կու տար:

Ի՞նչպէս, ե՞րբ պատահեր էր ասիկա. պարզ դիպում՞ արդեօք. և կապիկը, այնքան փորձ ու ճարտար, կարելի՞ էր որ մէկանց այնքան ապիկար եղած ըլլար՝ իր շղթային ոլորումներուն մէջ շնչահեղձ մնալու չափ:

Ծառաները, որոնք սակայն ամէնէն աղէկ կը ճանչնային այս կապիկը, հաւաստեցին թէ անիկա կամալին սպաննած էր ինքզինքը, մարդոց շատերէն աւելի մեծ արհամարհանք մը ցուցնելով կեանքին:

Ու ես, զարմացած, դեռ կարծես կը դիտեմ սա շղթային ծայրէն կախուած փոքրիկ մարմինը, իր վար ծուած գլխովը, ու սա փոքրիկ թաթը որ վար չիյնալու համար շղթան բռներ է:

Ժամերով պիտի կենայի ասանկ, թէ որ թուրթակը յանկարծ իր խնդալէ մարելու մօտ մարդու քահրահովը, որ կեանքն ու մահը չի զանազաներ, չգար զիս սթափեցնել:

Զ Մ Ա Ր Ա Ղ Տ Ա

Ս.



Ըբոր կարգը իրեն եկաւ բան մը պատմելու, բարեկամս էլ լմասեան, հարուստ ու գեղեցիկ երիտասարդ մը, որուն սիրային արկածները շատ զրուցուած են Բերայի մէջ, այսպէս խօսեցաւ:

Գեղջուկ աղուորութիւն մըն էր այն յոյն սպասուհիին աղուորութիւնը որ անցեալ տարի մեր տունն էր:

Մեր փողոցին մէջ, ուր սպասուհիները կը վխտան, մէկ հատիկ էր ինքը. բոլոր խոհարարներուն, ծառաներուն ու նպարավաճառի տղոց երազած աննման աղջիկը ։

Անցորդները կը կենային զինքը գիտելու համար, երբոր շաբաթաւուտները, մերկտան ու վար ծռած, դրան սեմի քարերը մաքրելու կը զբաղէր՝ ինչպէս որ սովորութիւն էր մեր տանը մէջ ։

Այս շինականի ոտքերը պղտիկութեամբ կամ փափկութեամբ չէին կրնար պարծենալ հարկաւ. բայց իրենց աշխատասէր բրտութեանը մէջ ազուոր գիծերու ու վարդ գարշապարի մը շնորհը ունէին ։

Այս դիրքով՝ արձակուած ոսկի մազերուն հարուստ խուրճը, հրդեհի մը պէս, իր պարանոցին ճերմակութիւնը կ'այրէր ու երկու կողմէն վար կը թափէր ։

Խաժ աչքերը, հակառակ իր գեղացիի ամօթխած նայուածքին, կամ թերեւս ատոր համար, թովիչ բան մը ունէին երբոր յառէին վրադ, սաստիկ, զգլխիչ բուրումի մը պէս որ կը փակչի քեզի և ուրկէ չես կրնար և չես ուզեր փախչիլ ։

Ամէնքը կարծեցին որ կրցայ իր շնորհները վայելել. սխալեցան ։

Զմարաղտան չհաճեցաւ երեսս նայել. սակաւխօս աղջիկ մըն էր, ինչպէս կ'ըլլան անոնք որոնց ոյժը իրենց լութեանը մէջն է ։

Օր մը սակայն չըայ հասայ երբոր կէս գիշերին, դրան մօտ կը սիրաբանէր մէկու մը հետ. ուղեցի իմ բախտաւոր ոսոխս ճանչնալ. այնպէս մը շարժեցայ որ չկրցաւ անիկա խոյս տալ, առանց դէմ դէմի գալու ինձի հետ. իմ ախոյեանս պարզապէս անկիւնի մտավաճառին մանչն էր. քսան տարեկան անշահ տղայ մը, աղտոտ, խղճատ, միսի, ճարպի հոտերով ծեփուած դանելիք մը ։

Ինձի տեսներուն՝ Զմարաղտան պահուրտեցաւ, բայց միտքս դրի այս ախտավարակ հաճոյքին գաղտնիքը հասկնալ. գիտէք որ կանայցի հոգեբանութիւնը իմ մեծագոյն զուարճալիքս է. անձանօթ, անմատչելի բեւեռն է ան, որ Հիւսիսինէն ա՛լ աւելի յամառութեամբ կը պահէ իր թաքուն հրաշալիքները ։

Յաջորդ օրը կանչեցի Զմարաղտան իմ սենեակս. կարծեց որ բան մը պիտի ապրա-

պըրեմ՝ ու վաղեց եկաւ. այն ատեն նստեցուցի զինքը դէմն, բռնի, աթուռի մը վրայ, յանցաւորի մը պէս՝ որուն դատաւորը կ'ենթադրէի ինքզինքս այդ վայրկեանին :

Ապշութեամբ երեսս կը նայէր ու քիչ մըն ալ կ'ըմբռնէր՝ որ առջի գիշերուան հանդիպումը իմ հանդիսաւոր ձեւերուս հետ կապակցութիւն մը ունենալու էր :

Բ.

Ու երբոր տեսայ զինքը այսպէս մինակը,

— Աղջիկս, ըսի անոր, չեմ կրնար պահանջել որ զիս հաճելի գտնես անպատճառ. ճաշակները կը տարբերին. բայց հետաքրքիր եմ քու ըմբռնումդ հասկնալու. դո՛ւն, այդչափ շնորհալի մէկը, ի՞նչպէս երէկ գիշերուան անշնորհք էակին սիրտ կու տաս :

Մտիկ ըրաւ ինձի. իր դէմքին վրայ գըծագրուած անձկութիւնը անհետացաւ տակաւ, և անփոյթ, գրեթէ անպատկառ ձեւով մը պատասխանեց.

— Դուն, ըսաւ ինձի, իրաւ անկուշտ է՝ ակն ես եղեր. հարուստի, չտեսի, չյափրացողի տիպարն ես. ի՞նչ պէտք ունիս հարցը-

ներու իմ պատճառներս. անոնք չնչին ու անհասկնալի պիտի երեւան քեզի. ինձի համար նուիրական են :

Ո՞վ ես դուն որ ինձի պէս խեղճ ու աղքատ աղջիկ մը կը հետապնդես. կը պակսի՞ն քեզ սիրողներ. չե՞մ տեսներ ամէն օր սենեակիդ մէջ լուսանկարները բազմաթիւ սիրուհիներուդ որոնք հոն իրար կը գտնեն առանց իրար ճանչցած ըլլալու. տիկիներ ու վարձկաններ, ամէն տեսակէն ալ ունիս. ոչինչ կը պակսի քեզի :

Բաղդը քեզի ամէն վայելքը լիուլի շըռայլեր է անիրաւ առատաձեռնութեամբը, և ատիկա՝ ուրիշներու զրկանքովը շինուած է :


Այն հէք պատանին որ իր աշկերտի աղտոտ ու բերտ գրգռեակին վրայ կը պտտցնէ խանութին բոլոր թանձրացած հոտերը, իբր թէ իր դժբաղդ ճակատագիրը տանէր հետը ամէն տեղ, օրն ի բուն ամէնէն նկուն աշխատութեան մը դատապարտեալն է. իր տաժանքին փոխարէն ստացած չնչին ու ոչորմելի ամսական վարձքը, հայրենի՛րը, հո՛ն, հեռո՛ւն, — այս բանը դուն չես գիտեր, — սպասող հօր մը, մօր մը վերջին տարիներու

զրկանքը թեթեւցնելու պիտի երթայ. այդ ամսականը քու մէկ վայրկեանի հաճոյքիդ զինն է: Հո՛ս, իր երկրէն անջատուած, նետուած այդ տղան՝ ի՞նչ ունի զինքը շրջապատող այս մեծ մայրաքաղաքին ի հանդէս բերած վայելքներէն: Անիկա զի՛ս գտաւ միայն վիճակակից մը իրեն, զիս որ իր ազատ տարիներուն տառապանքին գիտակիցն եմ. իր բարեկամուհին եղայ, չեմ պահեր քենէ. այդ գեղջուկ տղան ձեր մայրաքաղաքէն բան մը չգողցաւ, բան մը չպակսեցուց ձեր վայելքի իրաւունքներէն. տիկինները ձերն են ու ձերը թող ըլլան. բայց գեղջուկ աղջիկը իրն է ու իրը պէտք է որ մնայ:

Պ.

Հետզհետէ, քանի որ կը խօսէր, Զմարաղտային այտերը կարմրեր էին. վերջի բառերուն՝ ոտքի ելիւր էր. իր սրտմտած աղուութիւնը, սրտաբուղիս պերճախօսութեամբը բողբոլին հմայող բան մը դարձեր էր. վէս ու ամբարտաւան դիւրբով մը կանգներ էր դէմն, ասպարէզ կարդալով կարծես ինծի՝ որ իր խօսքերուն ունկընդրելէ աւելի լանջքին

յարոյցքը կը դիտէի: Եւ յաղթուած ընկճուած իր դէմը, հիմակ ա՛լ աւելի զայրագին իղձով մը լեցուեր էի. հլու, քամակս ծռած իր դիմացը, և պաղատագին ձեւով մը՝ իրը ճշմարիտ քաղաքացի, անմիտ ու թուլ արարած, փոխանակ վիճելու հետը՝ մօտենալ ուղեցի իրեն. բիրտ ոյժով մը ետ հրեց իրեն կարկառուող ձեռքերս՝ ազատ ու դարչ բանի մը հպումը արգիլելու պէս, և դուրս փախաւ:



բժշկուելէն ետքը , հիւանդանոցին մէջ ապ-
րելու փափաքը : Տղայութեան ատեն՝ դպրոց
չերթալու համար սուտ հիւանդ ըլլողներ
չատ են . բայց քաջառողջ երիտասարդի մը՝
ազատ ու ազուոր օդը ձգելով , անկողնի մը
մէջ ամիսներով մնալու յօժարիլը շատ չի պա-
տահիր :

Իմն այս տեսակէն էր . վերջիվերջոյ ե-
րեւան ելաւ իմ հիւանդութեանս կեղծիքը .
բազկերակիս կանոնաւոր զարկը , կարմիր ե-
րեսներս ու գլխաւորապէս զօրեղ ստամոքսի
մը պահանջումները խօսք մէկ ըրին իմ հը-
նարքս երեւան հանելու համար . բայց ա-
սոնցմէ աւելի կարծեմ թէ թուրքերանու-
թիւնս էր որ ամէն բան յայտնի ըրաւ : Այն-
պէս որ օրին մէկը ըսին ինձի թէ հիւան-
դանոցին մէջ մնալու պատճառ մը չունէի
այլևս և թէ հիւանդանոցը պանդոկ մը չէր :

Բ.

Հիւանդանոց մտնելուս չորրորդ օրը , կար-
ծեմ , վիրաբուժական գործողութիւնը կա-
տարեր էին . իջօժօրվին պարգեւած անըզ-
գայութեան տակ՝ դանակի յօշոտումները չի-

Մ Ա Ր Ա Պ Ե Տ Ը



Ա.



ազար ու թ հարիւր ու թ սունը չորսի
սկիզբները վիրաբուժական պղտիկ
գործողութեան մը համար Բերայի
Գերմանական Հիւանդանոցը տարին զիս :
Տասնըհինգ օրի չափ պիտի մնայի հոն . այս-
պէս հաւաստեցին ինձի զիս տարած ատեն-
նին : Իրօք , երեք ամիս մնացի այն տեղը :
Մաս մը հիւանդութիւնս պատճառ եղաւ ա-
սոր , մաս մըն ալ հոնկէ դուրս ելլելու դժկա-
մակութիւնս : Լսուած բան է հիւանդի մը ,

մացայ : Խեղքս գլուխս եկած ատեն՝ երկա-
րատե ընդարմացումէ մը ելլող մարդու խոն-
ջէնքէն, վարանումէն զատ բան մը չկար
վրաս : Եթէ վէրքս կապող ճերմակ լաթեր
չլլային, եթէ քովս հսկող Գթութեան
Քրոջ՝ շարժում չընելու պատուէրը չլսէի,
հիւանդանոց մտած «օրէս ի վեր վրաս փո-
փոխութիւն մը կատարուած ըլլալուն չպիտի
հաւտայի բնաւ :

Զգայութեանս վերադարձին հետ սակայն
պզտիկ ու խորունկ անհանգստութիւն մը որ
տակաւ ցաւի կը փոխուի, կտրուած պատ-
ուուած միսերուս, ջիղերուս ցաւը, սուր ու
զայրազին բան մը որ հետզհետէ սաստկա-
նալով՝ հիմայ անկողնէն դուրս նետուելու կը
մղէ զիս : Կ'երեւայ թէ ասիկա նախատես-
ուած է արդէն, վասն զի Գթութեան Քոյրը,
որ քովէս չէ բաժնուեր վայրկեան մը, կը
սրտապնդէ զիս .

— Հիմայ կ'անցնի, համբերէ, տղաս,
տեղէդ մ'երերար, որովհետեւ վէրքդ կը քակ-
ուի և շատ գէշ կ'ըլլայ վերջը :

Ծաւիս աւելնալէն՝ հեծեծանքս սենեակս
կը լեցնէ, այնչափ որ գտնուած տեղս չսե-

պելով՝ ձայնս ալ կը բարձրանայ ճիչերով ու
աղաղակներով :

Սնարիս քով փայտէ աթուակի մը վրայ
Քոյրը նստած է, շարունակելով իր սփոփիչ
խօսքերը, վարժ բերնով մը, գրեթէ դոց
եղած պարբերութիւններ զորս հարկաւ,
մինչև ինծի գալով, հարիւրաւորներու ալ
կրկնած է շարունակ .

— Հիմայ պիտի անցնի, բան մը չէ ա-
սիկա, ա՛լ բոլորովին աղէկցած ես :

Սղէկցած . ինչպէ՞ս, երբոր ցաւերս վայ-
րադ ու ահարկու բան մը կ'ըլլային այս պա-
հուս, այն աստիճան որ անդիմադրելի փա-
փաք մը կը զգայի քակելու նետելու վէր-
քիս կապերը, ու մարմնիս խորէն, չեմ գի-
տեր ո՛րտեղէն, քաշելու փրցնելու՝ զիս
չարչարող միսերը ու գործարանները բոլոր :
Անկողնին մէջէն պզտիկ մը երերալուս Քոյրը
ուշադիր կը սրդողէր :

— Մի շարժիր, ո՛չ, այդ բանը չըլլար,
կ'ըսէր ոտքի ելլելով, կը սրդողիմ :

Գ.

Երեսը նայեցայ շիտակ մը՝ այս «կը սըր-
 դողիմ» ին վրայ. խե՞նթ էր, ի՞նչ էր այս կի-
 նը որ տառապանքիս զարհուրանքը չէր հաս-
 կընար բնաւ : Անհատատալի՛ բան . իր մեղ-
 րամամի հատնումովը հատած , տոգունած
 դէմքին վրայ տեսածս՝ կարեկցութիւն մը չէր,
 այլ հրճուանք մը կարծես . իր պղտիկ, ամ-
 փօփ և երկու դիէն վեր առնուած բերնին
 ու շուրթերուն վրայ ժպիտ մը , յայտնի ու-
 րախտութեան մը ժպիտը , կը դժագրուէր ու
 կ'աղուորցնէր զինքը :

Յաւիս տագնապներուն մէջ ու պոռալս
 շարունակելով հանդերձ , ուշադրութեամբ կը
 դիտէի զինքը իր կեցուածքին մէջ , այնքան
 տարօրինակ և անհարկի կը դանէի այս ցըն-
 ծութիւնը իմ գլխուս վրայ : Նրբացողուն
 ծաղիկի մը կը նմանէր . բարձրահասակ ու
 քիչ մը նիհարկեկ , վայրահակ սիրուն գլու-
 խով մը՝ որուն վրայ մարապեաներուն ճեր-
 մակ գլխանոցը երկու թեւերը բաց աղանիի
 մը թառելը կը յիշեցնէր : Յստակ ու խոշոր
 աչքերուն մէջ թոնուտ երկինքի մը կապոյտը

կար : Իր մութ կանանչ չուխայէ շրջագետս-
 տը հարկաւ ո եւէ պերճութիւն չունէր, բայց
 անոր հասակին շքեղութեանը կը վայլէր այս
 պարզութիւնը և , քուսէ չդնելուն հակա-
 ոակ, մէջքին նրբութիւնը աչքի կը զարնէր
 դարձեալ :

Պէտք է հաւատալ թէ ցաւիս սաստկու-
 թիւնը քիչ մը մեղմացած ըլլալու էր , քանի
 որ այսքան մանրամասն կրնայի այս կնոջ
 պատկերը վերլուծել : Դէմքին վրայ սակայն՝
 ծաւալող դեղնութեանը հետ՝ չափահասու-
 թեան տարիներու աննշմարելի հպումը կար :
 Ամէնէն աւելի իր ուրախութեանէն աղուորցած
 դէմքին արտայայտութիւնը . զիս կը դբաւէր
 ու քիչ մը կը զայրացնէր :

Յաւ մը ունեցած պահուդ կ'ուզես որ
 դէմի մարդդ ալ ցաւի ու կսկիծի մէջ ըլլայ .
 փիշոր միակ ինչքն է զոր մարդս կը յօժա-
 րի , մինչև անգամ կը պահանջէ , որ ուրի-
 շին հետ բաժնէ : Եւ ահա իմ քովս կին մը
 որ իմ տառապանքիս առջև հրճուելու , ա-
 կընդէտ ստատուած հաճոյք մը ըմբոշխնելու
 երեւոյթ մը ունի : Զիս քաջալերելու համար
 լեղու թափած միջոցին ներքին ցնծութեանը

ցողացումը կը տեսնեմ այդ թալուկ երեսին վրայ, ինչպէս կանթեղի մը ապակիին դոյնը որ ներսի լոյսին վառելովը յայտնի կ'ըլլայ :

Սկիզբները այս տպաւորութիւնս վերագրեցի իմ եսասիրութեանս . դիմացինիս ինծի համալիշտ չըլլալէն առաջ եկած դժգոհութիւն թերեւս : Ստոյգը սա է որ անիկա իր խնամատ հոգածութիւնը անպակաս կ'ընէր վրայէս . վէրքիս պատանքը փոխուած օրերուն ներկայ էր միշտ . ու իր ձեռքով կը կատարէր դարմաններս : Օր օրի վէրքս կը գոցուէր ու առողջութիւնս տակաւ կը վերադառնար . բայց այդ համեմատութեամբ ալ մարապետին երեսէն անոյշ ժպիտը կը պակսէր, իրիկուն եղած ատեն լեռներուն ետին պահուրտող արեւու ճառագայթի մը պէս : Հիմայ առաջուան պէս չէր կենար քովս և կը վազէր ուրիշներուն քով, անոնց որոնց ցաւագին աղաղակները, պատերուն հաստութիւնը ճեղքելով, մինչեւ ականջս կը հասնէին երբեմն : Ու վերադարձին իմ մօտս, ուրախութեան և հրճուանքի ժպիտը, այն՝ որ իմ ցաւերուս ամէնէն զայրազին միջոցին կ'ընդունըմարէի իր գէմքին վրայ, կարծես թէ

շուրթերուն վրայ էր, մարելու աներեւութանալու կոչուած ժպիտը՝ երբոր ինծի կը կը մօտենար :

Գ.

Քոյր Էմիլիէն, դիս խնամող մարապետը, քաջասիրտ հիւանդապահի համբաւը ունի . բժիշկները մէկհատիկ հոչակած են զինքը . ամէնէն սարսափելի վիրահատութեանց ներկայ է ան, առանց խռովելու կատարելով իր պարտքը արեան ճահիճներու, միսերու, ջիղերու յօշոտմանց մէջ : Յաւագին աղաղակներու, պաղատանքներու գիցուհին է ան կարծես : Հիւանդ չկայ որուն կսկիծի, անէծքի հեծեծանքը ունկնդրած չըլլայ : Ամէն տեղ է անիկա, ուրկէ հեծեծանք մը կու գայ . բայց գլխաւորաբար էրիկ մարդոց մօտն է իր պաշտօնը, պահապան հրեշտակի պաշտօն զոր անվրդով արիութեամբ մը կը վարէ :

Այս անվհատ տոկունութիւնը ի՞նչպէս մտած է այս էապէս տկար ու աւշային կաղմուածքին մէջ, որուն՝ երեսին թափանցիկ ու անգոյն ճերմակութիւնը, սպիտակ գլխար-

կէն երբեմն դուրս սպրդող մաղերուն դե-
զին ոսկին՝ յայտարար նշաններն են :

Ապաքինութիւնս կանոնաւոր կերպով ա-
ռաջ կ'երթար և իրեն հետ երկար խօսակ-
ցութիւններու պատեհութիւնը կուտար ինծի :
Կը թուէր թէ ինքն ալ կ'ախորժէր քիչ մը
իմ յախուռն վճիռներէս որոնց մէջ եթէ
դատողութիւնը միշտ ուղիղ չէր, գէթ հա-
մադումի անկեղծութիւնը կար, և ճշմարտա-
զանցութիւններուս ներողամիտ լուծեամբ
մը կ'ունկնդրէր : Երբեմն ընկերական խըն-
դիրներու, հոգեկան փորձութիւններու, մար-
դոց ապագային վրայ կը ճառէի, և այն ա-
տեն լուրջ խօսակից մը կը գտնէի գէմս :
Ուստալ ու զարգացած մտքի տէր կին մըն
էր, և այդ պահուն մարապետի կարգը ու
սարքը կը թօթափէր մէկդի, իր կարծիքը
ազատ ու համարձակ յայտնելու համար :

Խօսակցութեան մէջ յայտնեց որ Միւ-
նիխցի ազնուական ընտանիքի մը զաւակ էր .
նկարել ու երգել ալ գիտէր, խնամուած
գաստիարակութեան մը ուրիշ բոլոր առաւե-
լութիւններէն զատ : Ու զարմանքս կ'աւելնար
գտնելով զինքը հոս՝ Պոլսոյ հիւանդանոցի մը

մէջ՝ սպասաւորելու, վէրքերը կապելու,
ցաւեր դարմանելու ապերախտ աշխատու-
թեան մը մէջ, երբ իրեն պէս շնորհազեղ
էակ մը ամէն կերպ երջանիկ օրերու արդար
ակնկալութիւնը կրնար ունենալ . ու ճշմարիտ
գիւցազնութեան մը հմայքը կ'աւելնար իր
հազար տեսակ հրապոյրներուն վրայ :

Ինքզինքս պզտիկ ու շատ պզտիկ կը զգա-
յի անոր քով . հիմայ իմ մեծաբանութիւն-
ներս կը շափաւորէի, և խորունկէն, սրտէս
բղխող մեծաբանքով մը կ'ողջունէի իր մուտ-
քը իմ սենեակէս : Իր ճերմակ ձիւնաթոյր
դիւանոցը լուսաւոր պսակ մը կ'երեւար աչ-
քիս, եւ մտքովս կը տեսնէի անոր տակ ոսկի
մաղերուն ճաճանջները :

Հիմայ բոլոր մտածմանս առարկան ան էր :
Հեռուէն՝ նրբանցքներուն մէջ քալելուն՝ իր
թեթև ոտնաձայնը կը ճանչնայի : Սենեակէս
ներս մտնելուն դող կ'ելլէի բոլոր մարմնովս
ու երջանիկ էի միանգամայն :

Առջի խօսուն կատակասէր տղան չէի ալ,
այլ թոթովախօս մանուկ մը եւ երբեմն ցնո-
րակոծ սաւառնումներով բանաստեղծ մը,
երկու ծայրայեղութիւններ որոնց, իրօք,

ճիշդ մէջտեղն է իմ տափակ նկարագիրս :
 Իմ խնդիրքիս վրայ՝ գիրքեր կը բերէր
 ինծի կարդալու համար . մէկ հատը Շորէն-
 հաուէրի հատոր մըն էր, և այդ հատորին մէ-
 ջէն սա պարբերութիւնը ցոյց տուաւ ինծի .

Աշխատիլ և տառապիլ՝ անպրելու համար : Ապրիլ
 աշխատելու և տառապելու համար :

Այս էր բովանդակ կեանքը :

Սենեակս ձգել երթալուն , լոյսը ու օդը
 կը պակսէր հոնկէ : Ընդարմացած , մրափի
 մը մէջ կը թաղուէի . կեանքս կը դադրէր
 կարծես իր բացակայութեամբը . և ժամերով
 իրեն վերադառնալուն կը սպասէի , հաս-
 նումով մը , ուրիշ ու եէ կամք ու իզձ չունե-
 նալով աշխարհիս վրայ : Պատուհանէս , որ
 Մարմարայի բոլոր տեսքը կը վայելէր , նայ-
 ուածքս աննպատակ ու անտարբեր կը սեւե-
 ուէր դուրսի աշխարհին վրայ . իմ բոլոր ու-
 զածս , սիրածս հիւանդի սենեակս էր , իր
 ճերմակ՝ գրեթէ աղքատիկ պատերովը , իր
 թափուր մերկութեանը մէջ : Այս կնոջ մօտ
 ապրիլ . այս էր բոլոր կեանքիս ըզձանքը :

Իժիշկները իմ առողջացած ըլլալս կը

հաստատէին . իրօք աղէկցեր էի , եթէ հո-
 գիիս քայքայումը չսկսէր , նոր հիւանդու-
 թիւն մը զոր Քոյր էմիլիէն իր թափանցող
 նայուածքովը պայծառ կերպով կը տեսնէր :

— Տղաս , կ'ըսէր քովս դալով , պէտք է
 դուրս ելլել , քիչ մը օդ առնել , պտըտիլ :

Ես՝ յամառութեամբ կը փակուէի սենեա-
 կիս մէջ , չուզելով մէկուն երեսը նայիլ ,
 խօսքի բռնուիլ ասոր կամ անոր հետ , ժա-
 մանակս վատնել զուր տեղը , երբոր կրնայի
 դայն իմ միակ երազիս յատկացնել :

Ներսիդիէս հիմայ կը խոստովանէի թէ յի-
 մարի պէս կը սիրէի այս կինը որ հիւանդա-
 պահս էր , որուն ազգը , տնրիքը , կրօնաւո-
 ռուհի կոչումը , ամէն բան վերջապէս կ'արդի-
 լէին զիս ու եէ յոյս ունենալէ սրտիս մէջ :
 Այս անկարելիութիւնը ալ աւելի կը սաստկա-
 ցնէր սէրս : Անջրպետին խորութեանը չափ՝
 հոն նետուելու փափաքս կ'աւելնար , վիհե-
 ռու ձգողութեանը , անոնց տուած գլխու
 պտոյտին պէս :

Յ.

Այնչափ ատենուան մէջ օր մըն ալ միտ-
 քէս չանցաւ բառ մը , ամենաչնչին ակնար-

կութիւն մը ընել իրեն՝ սրտիս մէջ արթըն-
ցուցած զգացումներուն վրայ: Առվէռին երգը
ճիշտ իմ վրաս էր. բայց անիկա, Առվէռի սի-
րած կնոջմէն աւելի սրատես, քաջութեամբ
խօսքը բացաւ ինծի:

— Տղաս, ըսաւ ինծի ցերեկ մը, երբ կը
ստիպէի զինքը վայրկեան մը աւելի քովս նըս-
տիլ, ես քու վիճակդ հասկցած եմ, յիմար
ու անկարելի երազով մը կը տառապիս . . .

Յանցաւոր տղու մը պէս շուարեր էի:

— Ես մարապետ մըն եմ հոս ու դուն
երիտասարդ մը որ, Փառք Աստուծոյ, բո-
լորովին աղէկցած ես և պէտք է որ ա՛լ
չկենաս այս տեղը և մանաւանդ միտքէդ
հանես տղայական փափաքները որոնցմով
զուր տեղը կը տանջուիս . . .

Յանկարծ մէկդի ըրի ամէն վեհերոտու-
թիւն:

— Ոչ թէ մտքէս, այլ սրտէս պէտք է որ
քաշեմ հանեմ իմ երազներս, պատասխա-
նեցի անոր:

Եւ իբր թէ այս մէկ խօսքովս ամէն բան
յայտնած ըլլայի, պղտիկ մը ծակուելով
վէրքի մը բոլոր արիւնը պոռթկալու պէս՝
բոլոր տառապանքս դուրս թափեցի:

— Ինչո՞ւ այդքան կատարելութիւն ունիս
վրադ, ըսի իրեն, եթէ քու վրադ հիանալը,
զքեզ սիրելը արգիլուած է: Ի՞նչ պիտի վաս-
տըկիս ամիսփուած մնալով քու մինակու-
թեանդ մէջ որ լքումի մը կը նմանի: Ի՞մ ուզե-
լովս էր որ սիրեցի զքեզ. երբե՛ք և հիմայ որ
կը զգամ թէ շատ աւելի ծանր հիւանդ մըն
եմ քան թէ հոս եկած օրս, հիմայ կը վը-
ռընտես զիս, առանց գթութեան բաւ մը
ըսելու ինծի: Պիտի ըսես և պիտի համրես
ինծի բոլոր անպատեհութիւնները կամ ան-
պատշաճութիւնները իմ սիրոյս. այս բո-
լորը հազար անգամ ես ինքզինքիս թուած եմ.
Կ'երգնում որ ես բան մը, բան մը չեմ ու-
զեր քենէ. հիւանդ էի և հիւանդ եմ միշտ,
ձգէ որ քու քովդ ապրիմ հոս, առանց ա-
ղէկնալու յոյսի, բայց գոնէ առանց ալ մեռ-
նելու հաստատ ստուգութեան մը:

Ձ.

— Մեռնելո՞ւ, ինէ հեռու մնալուդ հա-
մար պիտի մեռնի՞ս, պատասխանեց ինծի
ժպտելով, ժպիտ մը՝ որուն մէջ դառնու-
թիւն մը կար: Ձեռս մեռնիր, ապահո՞ւ վ եղիր.

հոսկէ դուրս ելլելուդ՝ երեք օր պիտի նեղուիս, ութ տաս օր ալ վրաս պիտի մտածես, տասնընչինգ օրէն բաւական սփոփուած պիտի ըլլաս արդէն, և ամիսէ մը՝ յիշատակ մը, ա՛նուշ ու աղօս յիշատակ մը պիտի մնամ՝ մտքիդ մէջ. դալ տարի դուն ալ պիտի զարմանաս զիս սիրած ըլլալուդ:

Իմ ժխտական շարժումիս վրայ՝

— Ես այդ սիրոյ արբեցութիւնները գիտեմ, շամբանիայի փրփուրին պէս շուտով կը ամբին:

Եւ յանկարծ այլափոխուելով, կարծես մերկանալով իր մարապետի խոժոռ երեւոյթը, իր ծանր ու լուրջ ասացուածքը, ամէնէն հըրապուրիչ, մըլրեցուցիչ կիներ դառնալու համար և ամէնէն դաշն ու վրդովիչ շեշտը դընելով իր ձայնին մէջ՝

— Որովհետեւ վաղը պէտք է որ ձգես երթաս հոսկէ ու պիտի երթաս. և որովհետեւ համակրելի ու սրտի տէր մէկն ես կամ այնպէս երեւցար, քեզի կրնամ ըսել որ չեմ հաւատար քու սիրոյդ և ձեր բոլոր էրիկ մարդոց սէրերուն: Ես իմ անունս, ընտանիքս, հարստութիւնս, իմ քսան տարու երիտասար-

դունիի բոլոր իրաւունքներս զոհած մէկն եմ երիտասարդի մը, որ, քեզի պէս, մեռնելու չափ սիրելու երգումներով խաբեց զիս: Զիս ամուսնութեան ուղող շատ մը աղնուականներու առաջարկութիւնները մերժեցի, ծնողքիս թախանձանքին մտիկ չըրի ու փախստական գողի մը պէս՝ զիչեր մը փախայ հայրենի տունէս, սիրականէիս մտ երթալու համար: Ընտանիքս ուրացաւ զիս, ինչ որ իր իրաւունքն էր: Ես փոյթ չըրի ասիկա. երջանիկ էի զիս սիրող երիտասարդին քովիլը: Սնիկա պզտիկ մը մտահոգ էր. իմ սիրոյս կուրութեանը մէջ՝ սկիզբները ո և է կասկած չթունաւորեց սիրաս, բայց վերջը տեսայ, ձանձրութեան և զղումի պէս բան մը տեսայ անոր վրայ, ինծի հետ միացած ըլլալու զղումը:

Զգացած ես երբեք բարձր ու ամուր պատի մը փղիլը վրայդ, քարերուն հարուածները գլխուդ ու մարմնիդ վրայ, զգայագիրկ ու անկենդան մնալդ անոր տակ: Այսպէս եղաւ իմ զարթնումս: Օր մըն ալ, մէկդի ընելով ամէն կեղծիք, իմ սիրած տղաս ըսաւ ինձի.

— Պէտք է որ հաշտուիս ծնողքիդ հետ, այս ալքատութիւնը չի քաշուիր ալ:

Տարուան մը չքաւորութիւնը՝ բաւական եղած էր հատցնելու համար այն անսպառ սէրը որ մինչեւ գերեզման պիտի տեւէր :

Այն ատեն վերջին վարանումներս անհետացան . իր քովէն ձգեցի փախայ, ինչպէս տարի մը առաջ փախեր էի հայրենի տունէս . իրեն վերադարձուցի իր ազատութիւնը, սուտ ու փուճ խօսքերով ուրիշ կիներ խաբելու ազատութիւնը : Բայց այդ վայրկեանէն ապառաժի մը պէս քարացաւ սիրտս . կակի՞ծն էր թէ վրէժի գաղափարը որ հոգիս ամրացուցուց ուխտ ըրի աշխարհքիս վայելքները ուրանալու . մարապետ եղայ : Այդքատի մը ուրիշին ողորմութիւն ելլել տալուն պէս՝ ցաւեր ու վիշտեր սփոփելու տուի ինքզինքս, երբ ես այնքան կարօտ էի սփոփանքի . քանի որ ինձի տրուած չէր աշխարհքը վայելել, ջանացի որ ուրիշներ լիովին, առանց ցաւի վայելէն զայն . իմ զրկումովս ուրիշներուն վայելքը շինեցի :

Բայց ասոնց ամէնուն վրայ ներքին ուրախութիւն մը ունեցայ . մէկ հատ մը, բայց գերագոյն ուրախութիւնը, զոր խոստովանելու արիութիւնը պիտի ունենամ . չեմ ուզեր ինքզինքս լաւագոյն ցուցնել քան ինչ որ եմ

իրօք : Յատկապէս ուզեցի որ իմ պաշտօնս վիրահատներուն մօտ ըլլայ, և այնպէս ալ եղաւ . ես կ'օգնեմ, կը սպասաւորեմ իրենց և այսպէս հանդիսատես կ'ըլլամ մարդոց, այսինքն ձեր բոլոր տառապանքին, գալարումներուն . ձեր աղաղակներէն շինուած այս ահարկու երաժշտութեան ու նուագահանդէսին ունկընդիւրը ըլլալու վայելքը ունիմ օրուան ամէն ժամուն : Էրիկ մարդոց ցաւատանջ դուռով գոչումները մտիկ ընելով՝ իմ սրտիս զսպուած ու անմուռնջ ցաւերը գոհացում կը ստանան, կը մեղմանան : Կ'ընդունիմ որ անգութ ու ոխերիմ գոհացում մըն է աս : Ձեր ճիշերը, վայնասունները լսելու համար ուրեմն քիչ մը հոս եկած եմ . ուրիշ հիւանդապահ կին մը ինձի չափ անվրդով արիութիւն չպիտի կրնար ցոյց տալ . ամէնքը կը շնորհաւորեն զիս : Ես, երբոր մինակ մնամ խղճմտանքիս հետ . . .

Հոս, Քայր Էմիլիէնի ձայնը մարելու պէս եղաւ :

— Ինքզինքս կ'ատեմ : Ահա այս տառապագին հրճուանքովն է որ, դեռ հազիւ երեսուն տարեկան, ծերացած եմ :

Վայրկեան մը դադարէ ետքը, տեսնելով իմ լռութիւնս՝

— Տեսա՞ր որ քու երեւակայած բարձր հոգիդ չունիմ ես. որքա՛ն հեռու եմ անկէ, ճիշտ հակառակը դուցէ անոր: Սիրուելու մէկը չեմ ես, այլ ճակատագրին բեռը տանող սխալակ կին մը:

— Այս բոլոր ըսածներդ բան մը չեն պակասեցներ իմ պաշտումէս, ըսի իրեն, ամէնէն ըզձալի էակն ես աչքիս, ու կը վախնամ որ յախտեան այդպէս պիտի մնաս:

— Տղա՛յ, ըսաւ ինձի:

Յետոյ անուշութեամբ ու թող տալով որ ձեռքը բռնեմ ու շրթունքս մօտեցնեմ անոր՝

— Աղբ դուրս ելիր ասկէ, հաւատա՛ որ քիչ օրէն կ'անցնի այս բոլորը. քրոջ մը պէս դարմանեցի քեզի, ենթադրէ որ քոյրդ եմ միշտ: Ու, եթէ երբեք տարին մէյ մը քայլերդ այս կողմը առաջնորդեն քեզ, եկո՛ւ երբեմն զիս հարցնելու:

է.

Սենեակէս ելլելէն վերջը ի՞նչ գնաց ըսաւ հիւանդանոցին մեծաւոր մարապետին: Սա գիտեմ միայն որ հետեւեալ օրը անդարձ կերպով որոշեցին իմ մեկնումս. դուրս ելլե-

լու պատրաստութիւններս երկարացի, սպասելով որ վերջին անգամ տեսնեմ զինքը. բայց չկրցայ տեսնել: Եւ, տարօրինա՛կ բան, իր բոլոր գուշակածները ելան. զինքը տեսնելու կարօտս մարեցաւ տակաւ. օրական զբաղումները, կեանքի պայքարը, սրտիս ամէն ծագիկներուն պէս, ճզմեց չորցուց և փոշի ըրաւ այս երազս ալ:


Բայց Քոյր էմիլիէնի յիշատակը մնաց մտքիս մէջ, գրքի մը էջերուն մէջ մառցուած տերեւի մը պէս քիչ մը աժգունած:

Միայն, ինչպէս որ ապսպրած էր ինձի, տարի մը վերջը, Թագսիմի կողմերը պտտած մէկ օրս, Հիւանդանոց գացի զինքը հարցնելու համար:

Հազիւ ամիս մըն էր որ տարափոխիկ հիւանդութիւն մը՝ ութ օրուան մէջ՝ առեր տարեր էր զինքը:

— Անոր պէս հիւանդապահ մը չի գար մէյ մըն ալ, ըսաւ մեծաւոր մարապետը զլուխը երեւցնելով:

Այս եղաւ իր բոլոր դամբանականը:



Խ Ն Դ Ո Ւ Ք Ը



Ա..



Ըրբոր ներս կը մտնեմ սենեակին
դուռնէն, ինչ սուտ զուրցեմ, սիրաս
ուժով կը բարախէ :

Իրաւ է որ տասը երկար տարիներ զիս
այս տունէն կը բաժնեն, բայց երէկուան պէս
աչքիս առջեւն է սա հեռաւոր անցեալը: Բո-
լորը երկու ամսուան կեանք մը այս տունին
շուրջը, բայց էն տագնապեալը, էն դժբաղ-
դը որ անցուցած եմ պատանութեանս մէջ,
էն մեծ վրդովումը հիմակուան խաղաղու-
թեանս ուղղուելէ առաջ:

Ու ահա այս տանը դուռը ոտը կոխելուս,
մտովին ամբողջ վերադարձ մը կը կատարուի
հոգիիս մէջ. կ'երիտասարդանամ յանկարծ.
կը զգամ որ հիմակուան գիրուկ ու կարճուկ
մարդը չեմ, որուն խորշումած ճակտին վրայ
կեանքի պայքարները իրենց քով քովի շար-
ուած զուգահեռականները ձգած ու գացած
են, խղճամիտ ձեռքով ակօսուած արտի մը
պէս, այլ երէկի տղան՝ նիհար, հպարտ ու
ճշող. կերպով մը այլափոխումը Փառսթին,
որուն մէջ սատանան դուրսէն չէ, իմ յիշա-
տակներս են միայն :

Թեթեւ քայլերով ուրեմն կը մտնեմ ներս,
իբրև թէ այն մեծ ժամանակի անջրպետը
յանկարծ բարձուած ըլլար մէջերնուս :

Ամէն ինչ, շուրջս, այս պատրանքս հաս-
տատելու խօսք մէկ ըրած է կարծես: Նորէն
տասը տարուան առջի սրահն է, անփոփոխ,
անայլայլ. մութ կարմիր թաւիչէ ֆաւնաքէն
իւր բազմոցներով, անկիւնը դրուած դաշնակը՝
բաց ձգուած ու չորս դին երաժշտութեան
նօթաները ցիրուցան. պատերուն վրայ՝ իրենց
ամէն ատենի տեղը հաստատ՝ նոյն պատկեր-
ները ու լուսանկարները որոնց ամէնէն զմայ-

լելին սա դաշնակին վրայ դրուածն է, երկ-
տասարդ կնոջ մը դիմագիծը զոր քաջ կը
ճանչնամ:

Այդ լուսանկարին իրականը դէմս է ահա:
Իր սովորական տեղն է՝ պատուհանին
քովը, բազմոցին վրայ նստած, ու մեղմիւ ա-
հա ոտքի կ'ելլէ և քայլ մը առաջ կուգայ:

Ան է:

Տեսէ՛ք անգամ մը, իր ազուոր հասակը
բնաւ փոխուած չէ. իր սև աչքերը առջի
տրտում ու խորունկ նայուածքը ունին. իր
ձեռքերը միշտ նոյն մանկական թաթիկներն
են. իսկ մատուրները աւելի նրբացած են
քիչ մը:

Բայց պզտիկ մը դիրքած է, տարիքի բեր-
մունք. ու իր ածուխի կոտորածքի պէս փայ-
լտա մազերուն մէջ ճերմակ թելեր սպրդած
են. փայլակին գծած լուսաւոր շաւիղները
մութ գիշերուան մը մէջ:

Իր երեսին վարդ գունաւորումը չէ մնա-
ցած. անոր տեղ փղոսկրին տոգոյն ճերմա-
կութիւնը միօրինակ իր երեսին վրայ ծաւա-
լած է, մեղրամամի ճերմակութիւնը:

Այս գէմքին լրջութիւնը աղէկ կը ճանչ-

նամ, արձանի անխուով լրջութիւնը զոր աշ-
խարհիս ամէն աղերսները ու պաղատանքները
չեն կրցած երբեք այլայլել:

Խնդալ ու ժպտիլ չէր գիտեր այս կինը.
Իր անտարբեր երեսը օր մը անուշ ու զուարթ
ճառագայթով մը չփայլեցաւ. իր կեանքի
կանոնն էր աս:

Ու առջի յիշատակներս, առջի կսկիծներս
քուններնուն կ'ելլեն. ինչո՞ւ այս խռովիչ աղ-
ուորութիւնը և ինչո՞ւ այս խոփոռ ու անփախ
դէմքը օր միւսնոյնն է տասը տարի վերջը.
մարդկային տկարութիւններու գլուխ չդար-
ձնող դիցուհիի վէսութիւնը, իր արհամար-
հոտ կնկան բոլոր սառնութիւնը, հոգ, յայտ-
նի, ընթեռնելի կերպով գրուած են այդ
դէմքին վրայ:

Ու ես կրկին փորձութիւնը կը զգամ սըր-
տիս մէջ պուալու իր երեսին.

— Մէկդի դի՛ր այդ անտարբեր ու սըր-
դողած երեսը, Աստուծոյ սիրոյն, անգամ մը
գոնէ խնդա՛ ինձի, խնդա՛, ո՛վ ազուոր կին:

Հազիւ երկու բառ փոխանակեր էինք,
երբ իր ազլիկը ներս մտաւ. տասնըվեց տա-
րու պարմանուհի մը, վարդէ ու լոյսէ խմոր-

ուած էակ մը . նաղանքով ու ժպիտով մօտեցաւ ինծի : Ու աղէկ մը չեմ գիտեր ի՞նչ խօսքի առթիւ — կ'երեւայ թէ կրցայ տիկինին հաճելի կամ զուարճալի բան մը ըսել — իր սովորական անփոյթ ու նեղացած դէմքը մեղմացաւ , անուշցաւ , ու , զարմանալի բան , թեթեւ ժպիտ մը ուրուագծուեցաւ նախ , յետոյ հաստատուեցաւ այս աղուոր դէմքին վրայ , արչալոյսին ծագելուն պէս որ քիչ քիչ որոշ ու աննահանջելի առաւօտի մը կը վերածուի :

Որքա՞ն գեղեցիկ էր այսպէս . երբեք չէի գիտեր որ այսչափ պիտի աղուորնար . բայց ժպիտը աւելի շեշտուեցաւ , ու քիչ քիչ , կամացուկ մը խնդալ սկսաւ :

Աստուած իմ , առջի անգամ ահա ճշմարիտ կինը երեւան կուգար այս անդգայ աղուորութեան մէջ : Կը խնդար , երջանիկ էր ուրեմն , և ես իրմով երջանիկ էի :

Ինքը՝ կը շարունակէր խնդալ , երթալով աւելի շատ և աւելի ուժով , անվերջ քահքահ մը հիմակ , որով ձեզունը կը թնդար , մինչդեռ ես իր մէկ՝ մէկ ժպիտին ակնկալուն՝ ապշած զմայլած կը դիտէի զինքը և

այս գեղեցիկ ուրախութիւնը , այսքան չնչին պատճառով մը :

Երեւակայեցէք դէմերնիդ կծծի ու ագահ էակ մը որ յանկարծ , մէկ վայրկեանի մէջ , ամէնէն մախող ու շռայլ մարդը դառնայ :

Ու շուարումիս մէջ ան կը խնդար հիմայ , այնքա՞ն սաստիկ որ ֆօռսէն նեղ կու գար իր հարուստ իրանին , ու բազմոցին կռնակին կը կռթնէր , չկրնալով ուղիղ նստիլ իր տեղը — Հա՛ , հա՛ , հա՛ . . .

Այն ատեն աղջիկը մօտեցաւ ինծի ամբողջ նալով , տրտմութեան քօղով մը դէմքը վարագուրուած , ու անուշ ձայնով մը՝

— Ներեցէ՛ք , ըսաւ ինծի , այսպէս է ահա խեղճ մայրիկս իր վերջին հիւանդութենէն ի վեր , ոչինչ պատճառով մը կը սկսի խնդալ ժամերով . կ'երեւայ որ ջղային բան մըն է :



Եւ իրօք , քահքահը՝ զուարթ , պուշտող քահքահ մը՝ գրեթէ տգեղցնելով իր սիրուն դէմքը , անսովոր ու դառն ուրախութեամբ մը կը լեցնէր սենեակը , մինչդեռ աղջիկը՝ մօրը քով ծունկ չըբած՝ անոր ձեռքերը կը սեղմէր :

Խորհեցայ որ տասը տարի առաջ իմ
 փնտռածս այս աղուոր երեսին վրայ՝ սա
 պոռացող, անգիտակից ու անիմաստ խնդու-
 քը չէր, այլ այն պզտիկ, գրեթէ աննշմարե-
 լի ժպիտը, այն խորհրդաւոր ու չնչին բանը,
 որ ամէն խոստումները ու ամէն վերապա-
 հումները, ամէն մերժումները ու ամէն անձ-
 նատուութիւնները, ամէն տարակոյսները ու
 ամէն յայանութիւնները իր մէջը կը պահէ :

Խորհեցայ մանաւանդ տարօրինակ ճակա-
 տագրին այս կնկանը որ իր մէկ ժպիտը այն-
 քան ժլատ, ազահճ յամառութեամբ ամէնուն
 զլանալէ ետքը, ահա զուր ու փուճ տեղը իր
 անսպառ խնդուրը կը թափէր իր շուրջը, ա-
 ուանց որ մէկը գտնուէր ու ծռէր զանոնք
 գետնէն ժողվելու համար :

Յ Ա Ն Կ

Անորշիրմի սեր	5
Լուսահոգին	24
Մամայիդ բարեւ ըրե	47
Միւսը	68
Զարուղուն	<u>95</u>
Ռեհան	<u>108</u>
Առջի սեր առջի բարի	118
Կասակ	133
Փուրքունա	146
Մեղայ Տեր	155
Պարսկահայկէսի վաղորդայնը	168
Կասիկը	198
Զնարադա	205
Մարապէսը	212
Խնդուք	232





ԱՐԳԷՆ ԼՈՍՍ ՏԵՍԱԾ ԵՆ
ՀՆԳՐՆԱԿԻՆ ՀԵՏԵՒՅԱԼ ԳՈՐԾԵՐԸ



ԱՆՇԵՏԱՅԱԾ ՍԵՐՈՒՆԳ ՄԸ
ԽՂՃՄՏԱՆՔԻ ՋԱՅՆԵՐ
ՀԱՅ ՊԱՏԳԱՄԱՌՈՐԻ ՄԸ ՀԱՇՈՒԵՏՈՒՌՈՒԹԻՒՆԸ
ԿԵԱՆՔԸ ԻՆՉՊԷՍ ՈՐ Է



ՄՕՑ ՕՐԷՆ ՊԻՏԻ ՀՐԵՏԱՐԱՆՈՒՆ



ԳՈՅՆՋԳՈՅՆ
ՅԻՐՈՒՅԱՆ
ՄԱՆՕՔ ԳԷՄՔԵՐ



Հեղինակին ստորագրութիւնը վերայ հաստիւնքը կեղծ են

Գրքը՝ Քաղաքից մէջ՝ 71/2 ջրշ. Ռուսաստան 60 կապէկ
Ամէրիկա՝ 35 սէնթ, Արարտու և սերիշ վարչերու 1 Փր 75

Գրինկ բոլոր գրախնամակներուն
Կեղրուանակի՛ր Լամիլիւրս խամ, Թիւ 5, Կալարիտ

« Ազգային գրադարան



NL0332822

29784

891.99

Q-76